

Горыныт кудзыл



5.2018

Ыджыд Победа лунӧ



Снимокъясыс Дмитрий Напалковлӧн.

ПЕТӖ 1926 ВОСЯНЬ

ЛЭДЗӖНЫ: КОМИ РЕСПУБЛИКАСА ЮРАЛЫСЬЛӖН АДМИНИСТРАЦИЯ,
КОМИ РЕСПУБЛИКАСА ГИЖЫСЬ КОТЫР

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

5 (857) ОДА-КОРА (МАЙ) 2018

ТАЙӖ НОМЕРЫН:

Василий ЛОДЫГИН. О, чужанінӖй! Кывбуръяс	3
Николай МАЛЫЦЕВ. Павел дядь. Повесът	7
Анжела ИЛЬИНА. Иван Анна. Висьт	16
Александр УЛЯШЕВ. СкӖрӖдумса танго. Кывбуръяс	24

ЫДЖЫД ПОБЕДАЛЫ — 73

Никон ХАТАНЗЕЙСКИЙ. РазведчиклӖн казътылӖмъ- ясысь	27
Александр УЛЬЯНОВ. БатълӖн челядьдырся ёрт	32

М.И.ИГНАТОВЛЫ 85 ВО ТЫРИГКЕЖЛӖ

ГижысьлӖн олан туй	36
Яков РОЧЕВ. Медводдза воськовъяс	37
Михаил ИГНАТОВ. Чусалысь шом. Кодзувлы — югъявны. Тундраын. Висьтъяс	39

ЗАРНИ КУДЙЫСЬ

Лыддысьысь дорӖ кыв	60
Мойдъяс	61

ВОЯС ДА ЙӖЗ

Василий ПОПОВ. Ыджыд сьӧлӖма ань	68
Владимир ПАРШУКОВ. Военкомъяс	73

Уляшев Виталий Васильевич	79
---------------------------------	----

<u>Виталий УЛЯШЕВ.</u> Комиын ола. Кывбур	80
---	----

12+

Обложка вылын снимокыс Дмитрий НапалковлӖн.

© «Войвыв кодзув» («Северная звезда»), 2018 г.

СЫКТЫВКАР

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

АДМИНИСТРАЦИЯ ГЛАВЫ РЕСПУБЛИКИ КОМИ

**«СОЮЗ ПИСАТЕЛЕЙ РЕСПУБЛИКИ КОМИ» - РЕГИОНАЛЬНОЕ
ОТДЕЛЕНИЕ ОБЩЕРОССИЙСКОЙ ОБЩЕСТВЕННОЙ ОРГАНИЗАЦИИ
«СОЮЗ ПИСАТЕЛЕЙ РОССИИ»**



Издатель:

АУ РК «ИЗДАТЕЛЬСКИЙ ДОМ КОМИ»

ДИРЕКТОР ПЛЕТЦЕР Е.В.



РЕДАКЦИОННАЯ КОЛЛЕГИЯ:

Главный редактор

ПОЛУТРУДОВ А.В.

Ответственный
секретарь

КИЧИГИН И.Н.

УЛЬЯНОВ А.В.

УЛЯШЕВ О.И.

ЛИМЕРОВА В.А.



Василий ЛОДЫГИН



О, чужанінöй!

КЫВБУРЪЯС

Лоам дасьöн

Дугдöй öта-мöдöс йирны,
Эн вай йöймöй, дона йöз.
Сидз нин уна киссис вирным,
Век на дорйим асьнымöс.

Öнi öтувтчыны колö,
Кинас некод мед эз во.
Висьмöм юрöн, усьöм лолөн
Водзö мунöмным оз ло.

Оз öд кымör — вөрöг локтö,
Ёнджык Гитлерсьыс сё пöв.
Сийö дыр нин вöчö лёксö,
Мед Россияным эз вöв.

Но öд тадз оз вермы лоны,
Мый вылö нö сэсся ми?!
Оз жö öшинь улöдз воны,
Кöнi мам да пачын би?

Быдтор кeжлö лоам дасьöн,
Важөн тöдса: вермö ён.
Сöстöм юрөн сöмын асьным
Сетам аслыным ми дон.

Дугдöй öта-мöдöс йирны,
Эн вай йöймöй, дона йöз.
Тайö пиня-гыжъя мирас
Водзö доръям асьнымöс.

Роч саридз

Роч саридз век на паськыд ота,
Да некор эськө мед оз ям.
А друг да торпыригөдз потас,
Өд дзикөдз тшыкис йөзлөн сям?

То гөгөрвоом пыдди ёсьмам,
То пуктам вылын нырөн тас.
Оз ло роч саридз — ставным косьмам —
И комияс, и мукөдъяс.

Воч йылын

Ас чужан муысь бурыс нинөм абу,
Көть кытчö мун, көть көні сэсся ов.
Воч йывсö коркö бөрйылöма Габö,
Мед сыліс тані олысьяслөн лов.

И збыльысь сылам, бөрдім кө өд, кулім,
Да миян пыдди тапикасис ош.
А век на шудыс керкааным пырö,
Оз сысьяв сійöс эрдъяс вылö пож.

И кага чужö, кодкөд сё пөв гажа,
Да сійö-й уджыд, медым лоис морт.
Выль луныс дона, нöшта дона важыс:
Эн лэбав эськö, эз кө быдмы борд.

Воч йывным миян — Енмөн сетöмтор өд,
Көн миян помысь олöмыслөн мич.
Быд лёкысь буретш сійö на и дорйö,
Оз некод сэсся сьölöм бердас видз.

Ас чужан муысь бурыс нинөм абу,
Көть кытчö мун, көть көні сэсся ов.
Век олö миян сьölöмъясын Габö
Да сылөн кодь жö ыджыд миян лов.

* * *

Ставлы енэж йирса югыд шонді,
Ставлы шондіувса вөр да ю.
Тайö на и сьölöм дінтö шонтö,
Сы вöсна мый тайö — чужан му.

Ставлы лөзов синъяса збой тулыс,
Ставлы лыдтöм дзоридзяса видз.
Тайö на и гажыс шонді улас,
Тайö на и шонді улас мич.

Ставлы гудöкыслөн лöсьыд шыыс,
Ставлы сьöлöм шонтысь сьыланкыв.
Тайö на и шудыс олан гыас,
Тайö на и сьылі гөгöр сыв.

Ставлы кузь ли дженьыд олан ордым,
Ставлы аслас кутшöмкö да Ен.
Сöмын меным тайö муса мортыс,
Сöмын меным сійö, сöмын мен.

О, чужанінöй!

О, чужанінöй, век тэ ов!
Тэ менö шонді улас дорйысь,
Кор куслö биöй сьöлöм горйысь
Да ёна коньöравлö лов.

О, чужанінöй, век тэ ов!
Тэ, сöмын тэ öд олан подув,
И сöмын тэкöд вежөр содö,
Да тэнад век эм нянь да сов.

О, чужанінöй, век тэ ов!
Тэ меным водзö воськов туйдысь
Да шензьöданаторъяс чуйдысь,
Тэ эм, и мöдыс мен оз ков.

О, чужанінöй, век тэ ов!
Тэ, сöмын тэ öд менö кылысь,
Тэ, сöмын тэ öд мекöд сьылысь.
О, чужанінöй, век тэ ов!

Миян гаж

Век на юргö коми гаж
Миян юяс дорын.
Сійö ньöти абу важ
Аслас парма горөн.

Гöгралам да бергалам,
Йöктам да и сьылам.
Батьяс-мамъяснымлөн сям,
Со и, майбыр, кылам.

Кыпыд, гажа сьыланкыв
Сьöлöмъястö восьтö.
Тані миян зон көть ныв
Сьылöмнас и босьтö.

Сьылöмөн и уджным сюсь,
Ставыс миян пусьö.

Коді зіль, оз луннас узь,
Шудыс век на усьо.

Мед и юргас коми гаж
Миян юяс дорын.
Сійо ньоти абу важ
Аслас парма горон.

Йöзын да гортын

Олöма да вылöма,
Бура гөгөрвоöма:
Йöзад шома весиг ва,
Йöзад курыд весиг ма.
Йöзад, мый көть сэсся шу,
Юртö енэжöд он ну.
Йöзад лунön пöрысьман,
Оз и югдыв чужöмбан.
Йöзад ачyd век тэ йöз,
Оз и сюрлы некор звöз.

Гортад сöмын майбырöй,
Көть тэ прöсуж, көть тэ йöй.
Мыйла? Тайöс кө он тöд,
Лолыд, сідзкö, дзик нин сьöд.



Николай МАЛЬЦЕВ



Павел дядь

ПОВЕСТЬ

1. Тулыс

Война... Коркө и сійө лёкыс эз-эз да помасис. Сиктсаяс пи-ысь кодкө да кодкө кутісны локтавы гортъясаныс: лыа рөма гимнастёркаа мужичөйяс (ог вунөдөй: и верстяммөм нывъяс!). Коді сой пөла, коді чотө, а вөліны и, видзөдөмпырысь, «цел и здравъяс». Видзөдөмпырысь кө...

Волсяса Чоййыл грездө воис Тима Павел. Гырысьяссянь и челядсянь сылөн вөлі өти ним — Павел дядь.

Война вивсьыс локтөм бөрын Тима Павел шынельсө өшөдіс өдзөсдорса стенас. Но ыджыд тушаа мортыдлөн кузь шынельыс мешайтчис быд пырысьлы, и Марьяыс пыртис-өшөдіс боевөй кышансө сарайө, войнаыс пө оз нин, гашкө, ло да...

А орден-медаляссө гимнастёрка морөссьыс Павела-Марьяа перьялісны, да гөтырыс меститіс найөс «аслас ки улө», медем Степан пиыс эз вөчав кыснан паньбордъяс. Сійө та вылө падөк. Но Марьялысь тайө китрөсьт-мудрөсьтсө Павел ылөсалис: өти медаль, медбөръясө, водзвыс саймовтіс портманетас. Тайө пө особөй, думыштис Павел. Марьялөн сьөлөмыс бурмис: некод водзын пө, Павлукө, тшапитчыны, ме пө тэнө и сідз төда. Павел пыксыны эз кут: бабаыд мукөддырйи и прав овлө.

Гортас локтөм бөрын Павел казяліс, мый ас овмөсыс дзим-дзурк, лада. Марья висьталіс (эз ошйысь, мед оз вомдзась), мый ыджыд пиыс, Ваняыс, таво тулысбыд, армияс мунтөдзыс, гөгөр ладитіс: потшөсьяс, пес-турун сарайяс; кыті тувйыштіс, кыті лөсьөдіс.

Павел пыдди кө вөлі мукөд, Марьясө зськө топөдліс: ноко пө, кутшөм крөкаль тэныд тамда бурсө вөчис? Но Павел эз вөв вежөг, а уплатнөй*, и Енлы эскысь гөтырыс сэтшөм жө.

* У платнөй (диал.) — вежөра, мывкыд.

2.

— А вот «Авангард» колхозлөн быдлаті киссьö и киссьö: скöт картаяс, складьяс... Да и олан керкаясныс. Том йöзлөн сямыс да и выныс этша,— тадз шуö Марья.

Но и сытöг на Павел аддзö. Коді локтö война вылысь дзоньви-дзаөн, пышйöны то леспромхозö, то сплавö: сэн мынтысьöны сьöмөн, сёян-юанён, кышан-новлан көлуй сетöны. А колхозын мый?

Павел дядь кывзис Марьялысь майшасьöмсö, да öтарö чорзис сылөн горш дıныс: позьö öмöй ассьыд колхозтö предайтны? Бабаяс да челядь вылö кө öшöдан колхозтö, сійö дзик нин вальдас-ньöмдас...

Шог думьяссö Павеллысь торкис Марьяыс.

— Оз жö эськö ставныс пышъялны. То Нешков Виталей локтіс гортас — бригадиралö. Но сійö оз кантораын пукал, инас оз öшйы: то öтилы отсыштö, то мöдöс ышöдö, ачыс кватласьö быд уджö. Кузьма Гриша, Рöдьö Митрей — некор оз öтдортчыны колхоз делöясысь. Васька Коляй кузнечаас ланьтлытöг уджалö, көрта көлуй быдсикассö ладитö.

3.

Павел дядь аски асывнас жö и мöдöдчис — эз восьлав, а ыджыда шаглаліс аслас старшинскöй походканас колхоз канторалань. Ас йöзкöд быд вочаасьтöдз Павел дядь ылісянь зілис тöдмавны, коді тайö бабаыс, коді да кодлөн пияныс-внукъясыс. Школьникъяслөн каникулъяс, но быдөн ноксьöны горт гөгöраныс, а старукаяс горт дорасось, коді мый сяммö, вöчö.

— Павел, тайö нö тэ? Слава богу, ки и кок лючки-ладнö да. Сэсся нö пыр кезлö нин лэдзисны?

— Пыр кезлö, Анö, пыр кезлö. А тэнад нö Öльöксейыд кызди-мый?

— Эн нин юась, Павел...— и Анö кутіс чышгян помнас ниртыштавны чужöмбансö.— Ньылыштіс тай проклятöй Гитлерыд Öльöксеюшкоöс. Öні апрельын босьтісны Володяös армияс да, дашкö, сійöс Ен видзас...

— Эн ёна майшась, Анö, мый лоöма. Уналөн тай тадзи да, мый керан. А Володядыдлы гиж мясянь привет. Сійö война водзас на, кор ме бригадиралі, вöлі медсюсь юр кыскалысьөн Шораты видз вылад.

— Пасибö, пасибö, Павел, бур кылсьыд.

Павеллы воча лоисны ещö на кодсюрö, и сылы вичмис нöшта на уна пасибö.

4.

Колхоз правлениелөн öдзöсыс гурйыв восьса. Чигарка тшыныс чаткö нырад. Нешков Виталей, мöдöд бригадаса бригадир, варовитö ярскöба, но оз скöрысь:

— Рыт кезлас, Миколай, кыкнан көсилкаыс лоасны, как на вахту?

Сьёкыд пеля Васька Миколай, коть и өти ки лапайс война-
өдзыс на вöлі дрöбитöма кувадäөн, кöсйысис «стöчку» лöсьöдны
ытшкан машинассö. Вöвлöм матрос Виталейкöд сёрни дженьыд.

— О-о! На наш корабль прибыло! Дыр нин виччысим, Павел
Васильевич!— сувтис Виталей да чургöдис ки лапасö Павеллы.

Кык мужиклөн кабыръясыс кузнечаса тиски кодьöсь, гажныс,
ок, бырöма да.

— Сэссия армия — отбой?

— Рöднöй гортыд тай кыскö быдөнöс,— шуö Павел.— Трубиті
тай пöшти нель во.

— А состоянииыд кызди?

— Гөгөр ладнö. Заденитліс фашист кытсюрö, но шулісны,
ранение пö лёгкое, годен пö водзö на служитны.

— Мыйöн служитін?

— Связист, сапёр, а командирөн эг и лолы. Грамота абу во-
еннöй.

Гажаа сералыштисны.

— А ме, Павел Васильевич, кузяла вöлі флотын. Варччыны
кужа, ачыд помнитан ичöтдырся купайтчöмъястö. Но Войвыв
морead эг купайтчылöй. И адмиралöдз эг жö метитчылö.

Чöv олыштисны, чигаркаяс выльысь пестисны.

— Надейтча, Павел Васильевич, тэ олмöдчан ас колхозад,
гортад. Колхоз ёна нуждайтчö ті вок коддьöмсьыс. Вермытöмъяс-
ыс эмöсь, но нияös яндзим кыскыны удж вылö, коть и нырччö-
ны, мый вермыштöны. Кузьма Миколай кок пöла, но босьтчö
косаяс тöчитны, куранъяс вöчалö. Сэтшöм жö и Овай Василь.
Онись Ёгорлөн лолыс öдва шедö, но век на председател्याлö.
Бабскöй удж вöчысьясыд: му удж, лысьтысьöм-идрасьöм, дерт,
эмöсь, но и ния омöлик дзоньвидзалуннад да помся тшыгъялöм-
над матö нин воöмаöсь.

— Ставсö тайös, Виталей, ме гөгөрвоа. Сёрнитім көзйякакöд
да шуим колхозын займитчыны. Мый вермам, дерт.

— Вот тайö сёрни! Корсьлы фермаса завсö, Рöдьö Лидяös,
да висьтал, тшöктисны пö срочнö мös картасö ремонтируйтны,
а то сійö киссянвийын. Локтас вед и ар.

— А öні скöтыс...— кöсйис юавны Павел.

— Катыд виддзын,— висьталö бригадир.— Торъя йöрын вой-
нас рöмидзтöны, а луннас пастукъяс найös видзöны Ярö коджын.

— Ладнö думыштöмныд, Виталей,— ошкö бригадирсö Павел
дядь.

5. Гожöм

Кад оз сулав. И шогъяс да могъяс öта-мöд бöрсяыс öдöлитöны,
сöмын бергав. Кутшöм вöлі войнабöрся медводдза гожöмыс, оз
быдөн сяммы öні öткодя донъявны. Кодкö шуас: «Ми вермим,
ставнымлы нимкодь и лöсьыд». А кодкö (торйөн нин найö, кодъ-
яс воштисны верöссö, писö, батьсö либö воксö, а кодкö и жö-
никсö!..) синва пыр нурбыльтас: «Миянлы бурсö таладор югыдас
не нин аддзывны...» И подулалас нормöмсö збыль сьöкыдлунъяс-
нас: ас овмös гöлиник, киссянвийын, здоровье слабитöма. Колхоз
трудодень вылö некутшöм надея абу.

Тайö кадö кывкутысь веськöдлысьяс, веськыда кö шуны, эз

жӱ вӱвны ӱткодӱсӱ. Кодкӱ асӱсӱ лыддис медся веськыд-правильнӱӱӱн, кодкӱ чайтӱс: кӱтъ пӱ ӱнӱ «красуйтчыштам».

Но найӱ, кодӱяс дугдывтӱг кыскисны помасӱлытӱм колхознӱӱ уджлыс медсӱкыд «додӱсӱ», мӱвпалӱсны мӱд ног: олӱмыс бурмас сӱмын быдлунся уджын зӱльӱмӱн, мед кӱтъ ӱнӱсӱ сӱкыд. Тайӱ быттӱ «мӱд фронт»...

6.

Рӱдӱ Митрей водза-водз гӱрбыльӱн пукалӱ тӱчила стан пуклӱс вылын да шпуткӱ самосад. Ӑчкиыс ныр йылас. Вайӱм косаяслыс дорышсӱ видлалӱ коз коль кодӱ чуньяснас: ӱна-ӱ ныж косаыс, абу-ӱ чездӱма изторӱӱ инмӱмыс. Митрей писӱ, Валентинсӱ, водджык садӱмӱдис. И сӱӱ кывзысӱ батӱыслыс: тӱчила воропсӱ оз убӱлит кысыс лӱдзлыны. Бергӱдлӱ ӱтрӱвнӱӱ, медым тӱчила изйыс эз ло юрпӱла.

Водджык тӱчитӱм косаяс водджык и разалӱны: асӱя лысва дырйи турун небыд, мичаа водӱ покосад. Быд ытшкыс босӱтӱ асӱыс косасӱ: аслад косаыд бурджыка на сибалӱ ки пыдӱсад.

А Валентин быдмӱ зӱль, лабутнӱӱ зонмӱн. И вӱрасыс дзик ӱткодӱ, Василей чожыслӱн кодӱ. Жаль синва петмӱн: дас кӱкӱямыс арӱсӱн сӱӱ мунӱс фронт вылӱ, а волӱс гортас сӱмын ӱти письмӱ. Бура гудӱкасис, весиг гудӱксӱ нуис сӱӱрсыс. И ӱнӱ Митрейлы пыр дум вылас усылӱ вокыс, кор Валентин ворслӱс «Шондӱбанӱӱсӱ». Гашкӱ, та могыс и ньӱбӱма лои хромкасӱ пиыслы.

Нешков Виталей, бригадир, гашкӱ, абу и синсӱ кунӱлӱма да. Мукӱдыс кӱ ыджыд колхознӱӱ палаткаын нискӱны-узьӱны рыт-войнас гигзьӱм бӱрын, а бригадир аслас дӱра вонйыс петӱма нин да мыйкӱ пасӱялӱ блокнотӱ. Тима Павелӱн Степаныс локтӱ Ёжнатысянь: кыснасян шатина, шыльыд ньӱрӱӱ пысалӱма куим-ӱ-нӱль гырыс ӱкыш. Кӱнкӱ, кылӱ, садӱмисны катша-рака... А номӱяс эз и узлыны. И лӱдзӱяс ланьтлытӱг дзизгӱны вӱвӱяс гӱгӱр: налы ытшканыдлӱн таргӱмыс тшаква.

Виталей шмонь гора гӱлӱсӱн садӱмӱдӱ:

— Полундра! Палатка, подӱём!

Палатка вочасӱн тыртӱммӱ. Кодкӱ кружкаӱ кысӱтӱ сӱтӱра тшай, кодкӱ котӱртлӱ пуяс сайӱ. И некод оз няргы, а теш да серам кылӱ гӱгӱр.

Виталей кодакостӱ пузьӱдлӱма сӱтӱра тшайсӱ: ведраас пуан ва пиӱ сӱӱӱма сӱтӱр увӱясыс быдса корӱс — артмӱма сарскӱӱ юантор. Горштӱ веськӱдӱ, и пӱтлун имитыштӱ, сӱркни паренча...

— Рубайте и на вахту! — шмонитӱг рочасыштӱ Виталей. — Павел Васильевич, подберит командатӱ. Талун тӱа-меалы удж лоас пӱттӱдз, куртӱмыс, дашкӱ, кыксӱ юр гӱгӱр. Зорӱдсӱ таялны кыкӱнӱс босӱтам, а йылдӱгас ӱти морт, Степаныд тырмас.

7. Ар

Турун пуктан страда помасис, и колхозлӱн выль могыяс «кысмисны», арся уджӱяс нин таялӱны. Колӱ идравны нянь, картофель, град выв пуктас. Ӑновтчан кӱ, матыстчас тӱв-матушкаыд, оз и юась: верман-ӱ, ӱштан-ӱ, кужан-ӱ. Да и кӱсӱян-ӱ...

Тайö кaднaс вeсиг шкoльникъясöс пeткöдлöны кaртупeль идрaвны, кoрлöны и кaрысь студeнтъясöс.

Гумлa вылö рудзöг, шoбдi дa ид кoльтaяс вaйöны и вaйöны. Кoмбaйнъяс, вaртaн мaшинaяс уджaлöны лунтыр дa вeсиг пöнaрa би улын вoй шöрöдз. И вeк жö оз удитны вартны став вайöм кoльтaсö. Унa кoльтa кoвмö тэчны сёрöмъясö. A тaйö зэв кывкy-тaнa дa aбу пoлысь мoртлы удж.

Сёрöм — плита сямa тэчас: шeп нa шeп вoчa лaдитöмөн кoльтaяссö пуктaлöны рaдөн-рaдөн öти слöй. Сэсся вылиас шлaп-кöны мöд слöй, вoдзö — кoймöд, нельöд... Сэсся кузь пoтшкөн кузянoгыс личкö тэчысыс. Ta бöрын coдтö выль нель слöй, сэсся бaрa и бaрa... Сёрöмыс лoас плита сямa; aс крeстьянa шуöны — быттö пö вичкo aртмö.

Но кoдi лысьтaс кaйны дa тэчны кoльтaяссö тaтшöм вeкни-инaс? Дa вeд и став тэчасыс öтaрö-мöдaрö лeгö, кöть и пыклöны сийöс вoжa йылa пoтшъясөн. Тaтчö кoлö смeл, ён дa тöлкa мoрт.

Онись Ёгoр, кoлкoзсa пpeд, тöдö тaтшöмсö сöмын öти мужичö-йöс. Тaйö Тимa Пaвeл. Сьтöг эськö сёрöм эз и aртмы, a кoльтa-яссö кö тэчны скирдaясö вaлитöмөн, нянь кöйдысыс оз бyрa кoсьмы, вeрмaс тшыкны, тoрийөн нин aрся зэригыас дырий. Сэк сийö шoгмaс сöмын скöтöс вeрдны.

Ap — кoмилөн мeдся лышкыд кaд. Oз oвлы, мeдым кoми йöзлөн пызaн вылын эз вöв вёр-вaлөн бьдcикaс «гöстинeчыс». A Тимa Пaвeл кoдъ сюсь дa писькöс кoми мужикыс унa, нo сьлөн эм бyр, мyкöдысь тoръялaнa öбичa: нyддлыны чöскыд вoтöсaинö, дoнa eльдöг пeтaнинö Стeпaныскöд тшöтш сьлысь дpyгьяссö — мeд пö бyрa тöдмaлaсны aссьыныс вёр-вaсö. Нaлы вeд вoдзö oвны, рaдeйтны дa видзны-лeлькyйтны пaрмaсö.

Шулis жö Пaвeл дядь, мe пö вeд aбу вeчнöй. Вeтлi-мунi пö стaвнaс Eвpoпaсö, a Кoми мy кoдъ oзырыс дa мичaыс нeкөн aбу.

Тимa Пaвeлъяслөн вёрсa тшaк-вoтöсыс нeкoр оз и бьрлы. И aчыс, и Мaрьяыс лышкыдa юксьыштöны чöсмaсянтoрнaс сyсeдъясыскöд. Тoръя нин нaкöд, кoдъяс оз нин вeрмыны вeтлыны вёрö.

8. Тöвсa рыт

Рыт. Тимa Пaвeл дöмлö гын сaпöг (Вoлсьaын сийö шyсьö кaтa-никөн). Шьлaыс и ньрaгeзыйыс быттö Пaвeл чyньaскöд öтпoмся-öсь: Пaвeл сяммaс и син кyньöмөн дöмaстö йитны кaтaникыскöд. Вaрoвитны оз эшты, дyмъясыс бeргaлöны фрoнтöвöй дpyгьяс гöгöр. Көнöсь нин нaйö? Лoвьяёсь-ö, кoдaрынöсь, мый кeрöны? Шyдaёсь-ö нaйö aслaныс сeмьяaныс, дзoньвидзaёсь-ö нaйö дa чeлaдьныс, Мaрьяныс?

Пaвeллөн Мaрьяыс нимкoдa лoвзьö, кoр нaйöясö пырöны сyсeдъяслөн пoснияс, мeдым кывлыны Мaрья тьöтлысь кyтшöмкö дa вьлoтoр. Aчыс ичöтдырийыс тaтшöм жö вöли: бьдтoр тöдны oкoтa, бьд сёрни чyймöдö. И öнi тaйö дзoлюкъясыслы сийöс жö вичмöдö. Мeститчöмa пöч пaччöрдoрсa пoдлöс вьлaс, a пoснияс (кoдi рöднa, кoдi бoкöвöй) тöрмöшитöны:

— Марья тьотка, мыйкө мойдышт.

— Энлө, дитяяс, первой тѳдмалѳй, мый тайѳ сѳтшѳмыс: мамыс — гѳрбач, пиис — бергач.

Челядь оз и дыр думайтны:

— Тайѳ — Ѳнись Анна да Толяис.

Ваксьѳны ставныс, весиг Павел дядь нюмъялѳ.

— Аннаис абу гѳрба да!— шуѳ Марья баб.

Вылысь думайтѳны. Марья босьтѳ печкан, чѳрс да заводитѳ быттѳ печкыны (шѳрттѳгыс). Челядь пырысь-пыр гѳгѳрвоѳны: тайѳ — печкан да чѳрс.

— Выль нѳдкыв: юр гѳгѳр оз судз, а кык верст судзѳ. Мый тайѳ?

Челядьлы тайѳ дзик «тѳдтѳмтор». Горалѳны: шѳрт, лента, гез, вѳнь... Марья юалѳ:

— Кокчунясян кѳ, Вичкодорсьыд вичкотѳ аддзан он?

— Аддзан!— шызьѳны челядь.— Ме тай быд лун аддзыла-а,— содтѳ Сергей.

— Молодеч, Сергей,— ошкѳ сѳйѳс Марья баб да стѳчмѳдѳ:— Да, кык верст. А мыйла «юр гѳгѳрыд оз судз»?

Челядь водзѳ думайтѳны. Друг Тима Сергей горѳдѳс:

— Тайѳ — синмыд! Синнад баябѳжтѳ он аддзы!

Марья тьѳт бара на ошкѳ Сергейѳс, молодеч пѳ.

Рытпуксѳ челядь Марья тьѳткѳд нѳдѳсны водзѳ на. Пѳрысь баб, тыдалѳ, ачыс думышталѳ, сѳсся шуалѳ «кокныдджык» нѳд-кывъяс:

— Сыктылын дзирдалѳ, туисын — оз.

Челядь регыд и гѳгѳрвоисны: тайѳ — кельчи.

Челядьлѳн войпукыс помасис медся тешкодъ нѳдкывнас: ув-ланъ лѳччѳ тѳдлытѳг надзѳн, вывланъ кайѳ тѳдлытѳг ѳдѳн. Челядь быдторсѳ висъталѳсны, но сѳдз эз и вермыны тѳдмавны. Отсалѳ Павел дядь, петкѳдлѳс чуныяснас, быттѳ ныр улас лѳччѳ зырым, а сѳсся ырситѳс нырнас. Челядь ѳтырышъя горѳдѳсны: «Тайѳ зырым».

Керка пытшкѳс быттѳ потѳс серамысь. Весиг гозъялѳн кысу-кыс бѳжсѳ лѳптѳмѳн чепѳсѳйс паччѳр вывсьыс.

Павел дядьлѳн дѳмсян удж буретш эштѳс. А челядьѳс Марья тьѳт кольѳдѳс кильчѳ помѳдзыс.

— Мунѳй гортъясаныд, дитяяс, бласлѳ кристос!

9. Тулыс

Тулыс.

Победа луныс мича ичмонъ моз матыстчис Волся сиктѳ, быттѳ виль ѳдѳн корис нимкодьясны. Мѳймуса Победа луныс уналѳн вѳлѳ шогѳн сорласъѳма, а таво кыдзкѳ тайѳ дойыс сѳльнитчис терпеннѳкѳд: мый сѳсся керан, водзѳ колѳ овны, важ дойяснад кѳ водзѳ мунан, сьѳлѳмыд потас.

Клубса заведующѳй Агния Ивановна шыѳдчис вѳвлѳм фронтѳ-викъяс дорѳ, медем найѳ висътыштѳсны клубын асланыс боевѳй туй йылысь. Бѳрыннас пѳ лоас концерт. Пинжаканыд пѳ ѳшлѳй орден-медальяснытѳ.

Павел дядь эзкодъ кӱсйысь мунны клубас. Енлы сьӧлӧмсянныс эскысь Марьяыс шуис, сэн пӧ вед оз мӧдны сывны прамӧя воуйтысьяслы, пӧгибнитӧмъяслы «Вечная память», дажӧ кутасны, кӧнкӧ, вина юны.

Павел эськӧ вомсӧ восьтыліс, «боевой сто граммнад» пӧ он на коддзы, но Марья паныдаліс: «Кисьта гортын ырӧш — кӧть ведра ю!»

Но Павела-Марьяа ладмӧдчисны жӧ тай. Сӧмын Марья эз сет верӧсыслы орден-медальессӧ: нинӧмла пӧ дзирнясьны наяӧн дӧва бабаяс водзас, ниялӧн сідз на шогыс эз ваймы. «Метальыд абу на перна,— кывкӧрталіс Марья.— Ветлы, бласлӧ кристос, кӧли Агниыс корӧ сэтшӧма. Да садь юрӧн лок».

Сиктса том йӧз кежалісны быд фронтӧвик ордӧ, корисны волены клубӧ май 9 лунӧ 6 час кежлӧ. Ачыс Агния Ивановна ветлӧдліс Чоййыл дай Велпон грездъясса ветеранъяс ордӧ.

Клубӧ волены вермытӧмъяслы Агния Ивановна сиктса активистка Евстолиякӧд козыналісны гӱстинечьяс. Найӧ — Тима Вась Толь и Ведень Ӗльӧксан — синва сорӧн да сьӧлӧмсянныс аттьӧалісны таысь...

10. Клубӧ

Тима Павел гырысь воськовъясӧн шаглаліс Вичкодорлань — сэнӧ клубыс. Йӧз чукӧрмӧмаӧсь, ызгӧны-варовитӧны. Фронтӧвикъяс лыа рӧма гимнастӧркааӧсь, звездаа фуражкааӧсь. Парт-орг да кодсюрӧ кителяӧсь, галифеаӧсь. Павел дядь эськӧ пинжак улас быгалӧм гимнастӧркаа жӧ, но картузыс абу нин выль.

Вӧвлӧм фронтӧвикъяс пӧвстысь некод абу погонъяса, но тӧдчис: кителяыс сӧрнитӧны торъя кыпыда.

Нывбабаяс да и том йӧз, тыдалӧ, думыштисны: мый нӧ Павел дядьыс пасьтасьӧма абу фронтӧвик моз, а быттӧ зорӧд тэчны локтӧма. Татшӧм видзӧдласъяссӧ казяліс и ачыс Павел дядь (абу вед дзик йӧй!). Гартыштис чигарка да пырис уборнойӧ, сэнӧ жӧ перйис портманетсыс фронтывса медбӧръя боевой медальсӧ да ӧшӧдіс лыа рӧма дӧрӧмас.

Чигарка Павеллӧн коркӧ и помасис. Петіс Павел Васильевич уборнойысь — йӧзыс пырӧмны нин тырыс клуб залас. Кылісны аплодисментъяс. Матыстчис сы дорӧ Агния Ивановна:

— Кӧн нӧ вошласян, Павел Васильевич? Мун ӧдйӧ кай сцена вылас, сэн тэныд пай улӧсыд эм.

— Ме тані сулышта,— шуӧ Павел.

— Нет-нет, мун кай!

Лоис кывзысьны.

11. Бӧръя медаль

Агния Ивановна сетіс кыв сельсӧветса председатель Лучкины. Сӧрнитысь висьталіс бур кывъяс фронтӧвикъяс йылысь, эз вунӧд и тылса уджалысьясӧс. Здук-мӧд чӧв олыштисны сувтлӧмӧн война вылын пӧгибнитӧмъяс кузя...

Та бӧрын сӧрнитисны фронтӧвикъяс, но эз быдӧн ӧткодя:

кодi дырджык, кодi ошйысьыштiс, но унджыкoныс ышнясьтoг, яндысьыштiсны быттo. Кодсюрo сoмын пасибo шуисны пoчи-тайтoмсьыс.

Кор Лучкин корис Тима Павелoс сeрнитны, сийo пыксис: метoг пo висьтасисны нин. Но кодкo, тыдалo, думыштoма: а мыйла нo пo сылoн сoмын oти медаль, нeльнан восo кo вoли война вылын? Тылын бабаяскoд гудрасис али мый? Али пленo сюрлiс? Йoз пиысь унаoн кутiсны корны:

— Сeрнит, Павел Васильевич!

— Павел дядь, эн смущайтчы!

И Павел ышмискодь («Была не была»,— думыштiс):

— Кузь войнатo, проклятoйoс, прoйдитi помысь-помoдз и эг орден-медаль ради. Найo и oни на табак кoшельын шойчoны. Медым Победатo «отмечайтны» война помас, ми вок салдатъяс эг слoймылoй ли мый ли. Начальство тай пасйылoмаoсь пo-а.

— Сiдзкo, висьтав, Павел Васильевич, мыйысь сетiсны этайo боевой медальсo, кодi морoсaд?

— Но ладнo. Вoли тайo Победа лун бoрас нин. Сулала часo-вoйoн, охраняйта ыджыд вещейoй склад. Вой. Матыстчис майор (тoдчo: юыштoма). Воськовтiс опечатаннoй oдзoс дорo, перйис галифе гач зепсьыс ключ чукoр да лoсьoдчис восьтыны oдзoс томансo. Ме кыпoдi автомат, горoдi:

— Стой! Замок не трогать! Покинь охраняемый объект!

А сийo меным вoча горoдiс:

— Ты кто такой? Грязная скотина, дождeшься — напомним!

Но, тыдалo, гoгoрвоис, мый бурджык усйысьны да бoрынджык выльысь воыны. Но татшoмьд oпaснoй морт, и ме горoдi:

— Стой! Ни с места!— и кыпoдi автоматoс морoс вeсьтас нин.

«Майор» кoсйис, тыдалo, зепсьыс перйыны пистолет, но ме oлoдана лыйи вывлань да автомат прикладoн чорыда зутшки гырddзаас, кватитi сойсo. «Майор» лoгпырысь, звер моз эркнитiс:

— Чучмек, уничтожу! Дождeшься!

Локтiс караулнoй наряд — быттo танi и вoлoмаoсь, oдйo «кoртвомалiсны» «майортo».

«Коркo регыд и явитчис: сийo вoлoма диверсант, а абу неку-тшoм майор. Меным сетiсны награда — то этайo медальсo,— висьтасис Павел Васильевич чoв-лoня пукалысь сиктсаяс вo-дзын.— Тайo медальыслoн мем дoныс торъя: мирнoй лунся бое-вой медаль».

Клуб зaлын гымoбтiс aплoдисментъяслoн гoра шыыс.

Агния Ивановна аттьoалiс да гoраa юoртiс, мый клубас oни лoo концерт.

12. Концерт

Волсяса том йoз Победа лун кeжлo дaсьтoмны ыджыд кон-церт. Медыджыд юкoныс — война кадo лoсьoдoм сьыланкывъяс. Быд сьылoм бoрын йoзыс зал тырнас oшкисны сьылысьяссo.

Со армейскoй паськoмoн сцена вылo петiсны кык фронтoвик: Наум Коля да Никoн Толя. Сьылoны:

**«Дрались по-геройски, по-русски
два друга в пехоте морской».**

Сьылігас найӧ ӧта-мӧдсӧ индӧны, кодныс коді:

**«Один паренёк был калужский,
другой паренёк — костромской».**

Водзӧ сэсся найӧ кужӧмӧн петкӧдлӧны, кызди:

**«В штыки ударяли два друга,
и смерть отступала сама.
А ну-ка, дай жизни, Калуга!
Ходи веселей, Кострома!
Но вот под осколком снаряда
упал паренёк костромской».**

И регыд кыкнанныслӧн сьӧкыда ранитчӧм, ӧта-мӧдсӧ мездӧм, Победаӧ эскӧм. Залын пукалысьяс быттӧ асьныс вӧліны сэн, кӧні муніс сьӧкыд тышыс...

Водзӧ вӧліны сцена вылын йӧктӧмъяс, сьылӧмъяс. Торъя юкӧнӧн мунісны физкультурнӧй петкӧдчӧмъяс, кӧні горалісны патриотическӧй шыалӧмъяс — ставыс вӧлі шензяна кыпыд. Пӧрысьджык нывбабаяс весиг синванысӧ гусьӧникӧн чышкышталісны.

Бӧрыннас нин, гортъясаныс разӧдчигӧн, йӧзыс ошкисны:

— Да, тайӧ вӧлі концерт!

— Татшӧмыс коркӧ лолас-я, оз-я...

Тима Павел дядь веськӧдыштіс:

— Мед эськӧ концертыс оз ло война йылысь, а мир йылысь.

А мир йылысь быть лоас...





Анжела ИЛЬИНА

Иван Анна

В И С Ъ Т

Ок, и уна мелі да шоныд кыв кыліс талун Анна Ивановна. Сэтшөм долыд лов вылас пöрысь мортлы. Уна мича дзоридз гажөдö синсö, козингяс шонтöны сьölöмсö. Ыджыд рöдвуж да дона гöсьтьяс неважөн на разöдчисны гортаныс, и Анна баб пуксис пызандорса лабич вылö шойччыштны. Быттьö неважөн на сійö вöлі ичөтик нывкаён, а со 80 арös нин тырис. Быдмисны челядь, нук-нучка и весиг пöрысь пöчөн шуысьяс нин школаö котралöны велöдчыны.

Олөм воясыс чукуръясөн серлөдлісны Анна баблысь чужöмсö. Смоль сьöд юрсиыс лои лым кодъ еджыд. Мича сингьясыс вöйисны, чусмисны. Сійö век вöлі косіникөн, а пöрысьладорыс льясыс паськалыштісны, тушаыс ляпкалыштіс и чужöмыс гөг-рöсмыштіс. Анна баб видзöдліс чукурöсь да варччөм кияс вылас. Тайö киясыс тöдлісны став сьökыд уджсö, тайö кияслөн шоныдыс быдтіс да петкөдіс йöзö куим челядьös, тайö кияснас малаліс шань юрöдыс пöчөн шуысьясös. Пöрысь морт видзöдліс стенин öшалысь фотокарточкаяс вылö. Сэсянь баб вылö видзöдісны медся дона йöзыс: бать-мам, чой-вок, верös. И бара став олөм-вылөмыс воис вежöрас...

Анна чужис 1935 воын. Батыс, Микит Иван, мырсис-уджаліс мельничаын. Мамыс, Петыр Лиде, видзис колхозын куканьясös. Анналөн ыджыдджык чойыс отсасис мамыслы, а вокыс унджык кадсö колляліс батыскöд мельничаын. Накöд тшөтш оліс мамыслөн ыджыд чойыс, Петыр Наста. Анна ставсьыс ёна радейтіс ассьыс ичиньсö, шуис сійös Наста мамөн. Луннас, кор верстьöяс эз вöвны гортас, Аннушка оліс öтнас. Ворсіс дöраысь вöчөм аканьясөн, мойдліс налы. Йöрсыйс öктивліс дзоридз, кыліс юр-кытшгяс. Корсюрö Аннушös босытлісны аскöдныс вөрö. Сиктсъян неылын вöлі зэв озыр нюкös, кытөн позис номсасыны быдсяма вотösөн. Чукөртөм вотөссö вайлісны гортаныс да сөйисны йөлөн.

Корсюрё чой-вокыс босьтлісны нывкаос вадорё купайтчыны. Ок, и шуда вёліны тайё здукьясыс! Ёна радейтіс нывка турун пуктан кад. Микит Иванлөн батыс на керасьлёма ёльбокса вёрысь, сэсся ачыс нин водзё паськөдіс-ыдждөдіс видзсё. Мунны коліс вель ылё, ичөт нывка ёна мудзлывліс и батыс пуксьөддывліс сійөс пельпом вылас. Анна тшапкысьліс батыслы голяс да видзөдіс сё вося джуджыд пуяс ылё. Сійө дзеблывліс чужөм-сё, кор паныдасьліс чуткасьысь емьяса козьяскөд. Видзьяс кузя мунігөн нывка шензьяліс, кутшөм ичөтикоьс катшасинтьяс да пөлөзничаяс. Чайтіс асьсё зэв ыджыд мортөн. Видз вылын пукаліс бипур дорын, кыйөдіс пув корья тшай пузьёмсё, сэсся горөдіс верстьөясөс. Кутшөм чөскыд вөлі сійө тшайыс! Посни корья турун юр кыскалігөн Аннушөс пуксьөддісны юр ылё. А шудыс мыйта! Арнас, кор вөр озыр тшак-вотөсөн, бать-мамыс тшөкыда ветлісны вөрө. Ваясны пестер тыр тшак либө пув, кисьтасны джуджыд бачокө, сэсся пуксясны да весалёны. Мамыс тшөкыда вайлывліс Аннушлы көч гөснеч. Песокалөм нянь шөрөм ли банйөм көвдум. Төвся көдзыд луньясё нывка оліс шоньд паччөрын. Босьтліс вокыслысь велөдчан важиник небөгсө да видзөдаліс серпасьяссө. Наста мамыскөд велөдіс шыпасьяс и вөляникысь велөдчис лыддысьны. Төвся шойччан луньясё Аннуш кайліс кыр йылё исласьны пу даддьөн. Став челядьыс чукөрмывлісны татчө. Кодкө исласис ворйө сөлөмөн, а гырысьджык да сюсьджык зонпосни исласисны вөв доддьөн. Гажа серамыс да гора чілзөмыс кыліс сикт пасьтала.

Но регыдикөн и помасис Аннушлөн шуда челядьдырыс. Висьтасьтөг ни дарьясьтөг гымөбтіс война. Мыйкө гөгөрвотөм керсис нывкалөн ичөтик сиктын. Дзик быд керкаын кыліс бөрдөм да ойзөм. Аньяс лыддьөдлөмөн бөрдісны верөс-пиянсө война ылё кольөдігөн. Челядь некыз эз вермыны лэдзны муса батьясылысь кияссө. Шогысла сьөдасьөм чужөмьяса аньяс ылё видзөдігөн Аннаос босьтліс йирмөг. Сэки ичөтик ныв эз вежөрт, мый став лёкыс водзын на.

Некор оз вунөд батыслысь война ылё мунөмсө. Сійө лунө Микит Иван локтіс гортас зэв жутыль. Аннуш пыр и казьяліс, мый батыс кутшөмкө гажтөм, өд сійө пыр нюмъявліс, шмонитліс, а талун чужөмыс быттьө пөрысьмөма, синьясыс жутыльөсь. Мужичөй пуксис лабич ылё да корис ас дорас писө.

— Мишук, дона пи. Батыс аски муна, тэ мужик морт пыдди колян горт овны. Тэнад дөзьөр улө кольёны чойясыд, мамыд, Наста ичиныд. Налы өні зэв жө сьөкыд лоө. Тэ, дерт, ачыд на кага, но чужөмыд кө нин мужикөн — ковмас лоны мужикөн. Ме сёрнитлі мельничаын, да көсйисны тэныд кутшөмкө кокныд-джык удж корсьны. Мамыды отсасьны на ковмас слөймөдчыны. Сы ылё кык стада өшөдөмаөсь. Нинатө да Аннуштө ковмас уджөдны и. Со кутшөм олөм тіян лоө, сьөлөмшөрьяс,— Микит Иван сувтіс джодж шөрө да скөрысь горөдіс:— Песовтам жө кө-а пөж враглысь голясө,— шамыртіс ыджыд ён кулаксө да петіс керкаысь.

Микит Иван вөлі ён статя, мичаник мужичөйөн. Шабді юрсия, гөгрөс чужөма. Зэв варов да шмоньлив, киподтуя да төлка. Бать-мам ни рөдвуж сійө эз төд. Кыдзи асьсө помнитө, керка сылөн эз вөв. Оліс-уджаліс то өтилаын, то мөдлаын. Кытөн

уджалас, сэтөн и вердыштасны, бурджык йөз узытөдасны. Төв-на-с оліс Өнөс баб дорын. А өтчыд вөрын пес кералігөн паныда-сис Петыр Лиделөн батыскөд. Воисны сёрниө, да Закар Петыр төдмаліс зонлөн став олом-вылом йывсыс. Жаль лои сійө мужи-чөйлы да нүөдіс аскөдыс. Овмөдіс гортас, а кад кольыштөм бө-рын дзикөдз велаліс зіль да уджач зон дорө и кутіс радейтны пи моз. Закар Петыр өтнасөн быдтіс нывъяссө да пыр көсйис, мед сылөн пи лоө. Кадыс лэбис, челядь быдмисны. Олісны ла-дөн да бура. Медыджыдыс, Настук, помтөг радейтіс чойсө да Енмөн козыналөм воксө, а Иван да Лида чоя-вокаөн өта-мөдсө эз лыддыны. Неуна мөдджык кылөмъяс дойдісны налысь сьө-лөмъяссө. Батыс казяліс жө, мый на костын эм кутшөмкө йи-төд, да кад мысти, мөвпалыштөм бөрын, благөслөвитіс том йөзөс, и найө лоины гозъяөн.

Микит Иван да Закар Петыр кыпөдісны джуджыд да кыпыд керка. Важиник керкаыс эськө ёна нин пөлынытчис, но пөрысь морт эз тэрмась эновтны ассыс оланінсө, сэтөн и кургис олом помөдзыс. Закар Петыр кулом бөрын Наста овмөдчис чой семья-ыскөд. Лои бур отсасысьсөн. Сьөрсьөн-бөрсьөн чужисны челядь: медводз Мишук пи, сэсся нывъяс — Нина да Аннушка. Олісны шөркодя, эз озыра, но ставыс тырмис. Кынөм вөлі пөт, көлуй-паськом тырмымөн.

Верөсыслөн война вылө мунан войө Петыр Лиде войбыд бөрдіс. Гозъя асыадорөдз эз куньлыны синсө. Казытывлісны олом-выломсө, челядьлысь чужөм-быдмөмсө. Ёна висис көзяинлөн сьөлөмыс и скөт вөсна. Мужичөй поліс, мый гортсаяс оз вермы-ны заптыны турун ылі видзяс вылысь, скөтысь ковмас дугөдчыны. Медся жаль вөлі мөскыс. Йөлыд тшыг кадө зэв колана эськө вөлі. Вөвсө Микит Иван тшөктіс видзны локтөдзыс. Сьөлөм потмөныс вөлі мужичөйлы семьякөд янсөдчөмыс, сійө кутчисис кыдзи вермис, мед омлялөмөн не бөрдны. А сэсся, сөмын чеччис шонді, мөдөдчис туйө. Пөся дзигөдліс гөтырсө, окаліс чөскыда узысь челядсө. Порог дорын кытшовтіс синнас керкасө, да мед гөтырыс оз казяв синвасө, тювкнитіс ывлаө.

Көзяин мунөм бөрын Петыр Лиде семьяын оломыс пузувтчис. Шог бөрся шог суис шудтөм йөзөс. Медводз сотчис мельнича, кытөн отсасис Мишө. Көзяиныс, Семө Өне, өшөдіс ыджыд удж-йөз став уджалысьлы, тшөтш и Мишө вылө. Петыр Лиде уна вой бөрдіс, сы мында сьөм налы вөлі босьтны некытысь. Дыр мөвпалөм бөрын ань шуис сетны Семө Өнелы куканьсө да вөвсө: «Гашкө, прөститас Ванюкөй, мый эг вермы видзны Кар-коёс».

Сикт быттө куліс. Мужичөйяс эз кольны. Аняс да челядь кулалісны висьөмла да тшыгла. Уна керкаө нин воис похоронка. Эз коль бокин и Петыр Лиделөн семьяыс. Верөс пөгибнитөм бөрын ань ёна висис, некод нин эз эскы, мый сувтас кок йы-лас. Но Лиде оліс водзө, челядь ради мырсис-уджаліс. Сэсся чорыда висьөм бөрын кувсис Нина. Некод эз вермы стөча шуны, мый ськөд лои. Некымын төлысьсөн сыліс и ставыс. Но и та вылын сьөд варыш-шогыс эз эновт анылысь семьясө. Өти асылө Петыр Лиде лёггоршөн горзөмөн пырис керкаө. Гидын кулома налөн вердысьыс — мөскыс. Ыджыд шөгөн лои ставлы Сюрук-лөн куломыс. Майшасьөмыс, тшыг нисьө пөт оломыс, сьөкыд

уджыс да сир курыд шогыс уськөдісны көзаякаос кок вылысь. Аннуш ёна шензис, кызди вежсис мамыс. Мичаник, том да ён ань дзормис, чужомыс вевттысис чукуръясон да съодасис. Синъясыс войисны, дугдісны дзирдавны. Кузь, кыз көсасо ань вундіс, юрсисо дзебис съод чышгян улө. Войнас, кор сійо бордіс, Аннушос босьтліс гажтом. Нывка ёна полис, мый мамыслон сувтас съолөмыс, и сійо быд асыв матыстчывліс дона мортыслон кровать дорө, мед видзөддыны, ловья-ө сійо. Аннуш бурасо эз тод, коді сійо Енмыс, но тшөкыда кевмысьліс, мед дыр на олас дона мамукыс. Енув пельосын, важиник образ водзын, куйліс бонзьом тетрадь, кытчө гөгөрвотом шыпасъясон мыйкө вөлі гижөма. Нывка лыддыліс сэтысь гөгөрвоанаджык кывъяссө да корис, мед ставыс налон лоо бур. Эз вермы мамыс водзсасынысө, и Победа вайысь тулысө Петыр Лиде кувсис. Дзик муртса эз и су шуда лунсө. Ок эськө, тодіс кө, мый дзик нин регыд песовтасны голясө мустом Гитлерлысь, оліс, мырдон на оліс! Од пуксис жө сэсса му выло бур да шань олөмыс. Воис дыр виччысяна да помтом шуда Победа лун. Пеж курыд войнаыс уна-уна челядьос колис сирөтаон, уна мамлысь мырддис писө, уна аныос колис верөстөг. Но нинөм выло видзөдтөг, йөз вөліны шудаось: найо выльысь велөдчисны овны, радейтны, сывны да йөктыны.

Ыджыд съолөма мортон вөлөма Петыр Наста. Ичиньон шуысьяссө быдтіс, кок йыло сувтөдіс да некор лёк кыв эз шулы. Аслас олөм выло кинас өвтыштіс. Асьсө ставнас сиис Мишлы да Аннушлы. Шань съолөма ань дорө некумынысь воывлісны корасыны, а сійо некодос эз сибөд — полис, мый мустомтны кутасны челядьсө. Олөм чөжнас некодос эз и лөсьод. Сиктса войтыр тшөкыда дивитісны сійос, тшөктісны тэрмасыштны, од кадыс лэбө, он пө томмы, но Наста пыр и орөдывліс татшөм сёрнисө да өвтыштліс кинас: «Абу, тыдалө, меным Енмыс пөвсө индывлөма, да сідз нин ковмас овны». Наста вөлі Лида чойыс кодь жө мичаник, кыз көсаа, статя да ён, но мичлуныд тай оз пыр шудтө вай.

Миша быдмис зэв вежөра да сюсь зонмөн. Воис кад, и том мортос босьтісны служитны армияө. Веськаліс Хабаровск обласьтө. Ичот сиктысь петом морт служитигас шедөдіс уна аттьоалана гижөд да морөсвыв пас. Увольнениеө ветлігөн тодмасис Марианна нима нывкөд, и служба помасьом борас гөтрасис да сэтчө и кольччис. Велөдчис инженерө. Гортас тшөкыда ысталіс шоныд письмөяс, фотояс. Гөтырыс козьналіс сылы куим пиос. Семья оліс зэв бура. Нэм чөжнас куимысь волісны Мишө чужанінас. Марианналы зэв ёна воис съолөм вылас Коми мулон мичлуныс. Сійос ёна шензьөдіс помтом-дортөм вөр, дзоридз тыра видзяс, сөстөм сынөд, коми йөзлөн шаньлуныс да ыджыд съолөмыс. Наста мамос гуавны волігөн Марианна шензис, кутшөм бура тані кольбөдоны бөръя туйө. Съылоны бордөдчанкывъяс, чукөртчө да отсасьө став сиктыс. Настаос гуалігөн Мишө ышловзьөмөн шуис: «Кутшөм жаль, мый меным ковмас куйлыны йөз муын, батьө моз жө. Окота эськө, мед татчө кулом бөрын вайисны, но сэтшөм ылысяньтө он вермөй вайнытө». Енмыс тай бурджыка тодө. Коймөдысь волігас Мишө нёрпаліс. Но лекарствояс юөмөн да мый да, өти лунө ветліс чери кыйны, кайліс тшаквотөсла... А рытнас ёна висьмис юрыс. Вель дыр ветлөдіс керка

кузя юрас кутчысьмён, а сэсса усис джоджас и ставыс. Бурдодысьяс шуисны, юрас пö сёныс потöма. Воöма кö нин кадыд, нинöм сэсса он вöч...

Пöрысь мортлысь мөвпъяссö торкис öдзöслөн гольснитöм. Иван Анна надзöник кыпöдчис лабич вылысь да петіс посводзö.

— Код нö кылö?

— Восьты, мамö, ме тайö, Коле.

Ань восьтіс игансö да пырис керкаö. Мужичöй пырис бöрсянныс.

— Лок тшай ю, воин кö,— лабутнöя сёрнитіс Анна.

— Меным эськö мыйкö крепыдджыктор колö да. Сьölöмöй сотчö.

— Бара öд юсян, гашкö, оз ков? Талун тырмымөн нин лоис. Тöдан, мый менам колис да, сійö и локтін. Колö öд водзö корсьысьны,— броткис пöрысь морт.

— Ма-а-ам!

— Бурджык, пуксы да сёйышт.

Неуна чöv олыштöм бöрын Иван Анна ышловзис. Висис сьölöмыс пиыс вöсна. Вит челядьöс быдтіс, да унджыкыс асьнысö олöмас аддзисны, а Колелөн со эз ладмы.

— Босьтлы, нокö, батыдлысь гудöксö, пожйышт сьölöмöс.

Мужичöй лэдзис шкап вылысь гудöксö. Нуöдіс чуньяснас кизьяс кузя.

— Мый ворса, мам?

— Шонъянöй батыдлысь радейтанасö ворс, мед мöдаръяугыдас лолыс нимкодясьыштас.

Коле заводитіс ворсны. Гудöклөн нормöдана шыясысь Иван Анналөн доршасис синваыс. Син водзас бара воис радейтана верöсыс, том кадыс.

Школа помалöм бöрын Анна пырис уджавны колхозö лысьтысьысьөн. Наста мамыс эськö ёна тшöктіс велöдчыны водзö, Мишö вокыс дорö позис мунны, но Анна эз кöсйысь. Вывті дона вöлі сылы чужан сиктыс, коми вөр-ваыс, Наста мамыс. Ныв шуис кольччыны, майбыр, уджыд сэки вöлі тырмымөн. Нывлы веськалісны зэв бур уджёртъяс, велöдісны идрасыны, сёодчыны, вайсьöдны мөсьясöс. Сэки идрасисны киён, турун да силос ковмыліс ваявны вель ылысянь. Гожöмнас асьныс жö пастукалісны. И öти татшöм гожся лунö Анналөн стадаысь öти тыра мөс эз лок картаöдз. Идрасьöм-эштöдчöм бöрын ныв муніс корсьны мөссö. Йирсян видзяс кузя ветлöдлігөн аддзис жö асьыс сюруксö, казяліс, мый сійö чужтöма нин, но куканьыс некытөн эз тыдав. Анна ёна повзис, öд сійöс чорыда пиняласны кукань воштöмысь. Мудзмөн шöйтöм бöрын аддзис жö куканьсö бадь пиысь. Вöчны нинöм — колö кызкö нуны картаö. Анна лэптіс куканьсö пельпом вылас да вөрзьöдчис туйö. Ёна мудзис, да шуд выlö паныд воис бур морт, кöді отсыштіс нывлы нуны куканьсö картаöдз. Анналөн выль тöдсаыс вöлөм колхозын жö уджалö, но олö орчча сиктын, сійөн некор абу на и паныдасьлöмась.

Öлексей веськöдліс тракторнöй бригадаөн. Кор совхозса директор казяліс, мый том морт пыр тшöкыдджыка кольччывлö

сиктö, а оз мун гортас,— вöзйис сылы олан места. Анна да Òлексейлөн ёртасьöмыс регыдөн вуджис ыджыд муслунö да том йöз öтлаасисны. Кöлысь вылын гажöдчисны став колхозöн. Вьль гозьялы шуисны уна-уна шоныд кыв, аттьöалисны бур уджысь да корисны, мед найö водзö уджаласны ас колхозын. Гажа и кöлысь артмис! Òлексей вöли зэв бур гудöкассьысөн. Коклябөр доймытöдзыс йöктисны-гажöдчисны.

Сідзи и артмис. Гозья олöмсö сиисны совхозын уджалöмлы. Уна пас да аттьöалана гижöд шедöдісны. Пыр вöліны медся бур уджалысьяс лыдын.

Òлексей вöли зэв прамöй кöзьяинөн. Киподтуя морт кыпöдіс ыджыд, лы кодь ён керка. Ачыс тэчис пачьяс, ачыс куричасис, ачыс вöчаліс öшинь-öдзöсьяс. Та вöсна сиктса олысьяс тшöкыда корлісны мужичöйöс пач тэчны либö керка кыпöдігөн отсасьны. Быдлаö удитліс. Тулыс да ар, кор сюрыштліс прöст кад — ветліс вөрö лэчкасьны либö чери кыйны. Быдторйис вöли гозьялөн олöмын. Уна сьöкыдлун найöс крукöдліс, но ловнас некор эз усьлыны. Пыр вöліны öтлаын, пыр отсасисны öта-мöдыслы. Рьт-горув лэччасны гозья вадорö, пуксясны берегас — верöсыс ворсö, гöтырыс сьылö. Кор дзикöдз олöмыс топöдлас, Анна шуас небыдика: «Ворсышт, донай, пальöдышт шогöс». «Ворсышта, мый огыс»,— лöня вочавидзас мужичöй да босьтас кias гудöксö...

Коле важөн нин дугдіс ворснысö, а Иван Анна век на мыйкö мöвпаліс.

— Мам, ме тшук гортö локта овны. Мудзи ставсьыс. Тырмас сэсся, ассьым пай шöйті нин. Мам, мый шуан?

— А?.. Мый?..

— Локта, мися, бөр тэ дорö. Примитан?

Анна ышловзис.

— А тэ кыдзи чайтан? Вермас-ö мам öткажитны пилы? Лок, дерт, мый сэсся тэкöд вöчан. Батьыд, майбыр, эз дзоя керка кыпöдлы. Тöрам. А юнытö сэсся тырмас. Бара он кут вермыны пальöдчынытö. Пыр пыдіас да узь. Сёр нин.

— Вода, ог дöсадитчы,— Коле чеччис пызан сайысь да шатласьöмөн пырис пыді жырйö.

Иван Анна бөр лэптіс гудöксö шкап вылö да вевтис вышивайтöм еджыд дöраөн. Öти пöрйö уджаліс фермаын войся дежуритысьөн да сэки и босьтчывліс вышивайтчыны да кысьыны. Кузь войясыс öдйöджык кольісны...

Сьöрсьөн-бöрсьөн чужисны челядь. Зонъяс лоины дзик батъыс кодьөн: смоль сьöд юрсиаöсь, сьöд синмаöсь, кузь тушааöсь, а нывъяс мамыс кодь латшкөсіник тушааöсь, шабді юрсиаöсь, югыддöз синмаöсь. Сиктын гозья вылын шмонитісны, юасисны, кыдзи да кутшöм лунö позьö вöчны татшöм челядьсö. Òлексей лэптыліс юрсö да нюмсорөн шулывліс: «Кужам тай».

Медводз чужис пи, Иван. Сійö велöдчис карын физкультура велöдысьö да муніс уджавны орчча районö. Сэтчö и лэдзис вужъяссö. Нина нылыс карас велöдчигөн тöдмасис роч морткöд, петіс верös сайö. Лои зэв нималана бурдöдысьөн. Òлексан быдмис, велöдчис да муніс Хабаровскö, Мишö чожыс корсис сылы сэтысь бур удж. Светлана ныв кольчис чужан сиктö. Завучаліс

школаын. Сибыд да шань сьолёма велодысьос зэв ёна радейтисны челядь. Эз ладмы олөмыс сөмын медічотыслөн — Николайлөн. Мужичой куимысь гөтрасьліс. Но гөтыръяс сы дорын дыр эз овны. Нинөм висьтавтөг чукөртлісны көлуйсө да эновтлісны сійөс. Челядь сылөн эз вөвны. Мужичой тшөкыда юис, шөйтисветліс сикт кузя, юсьывлас да ставсө эновтлө, вунөдө. Сиктсаяс ёна дивитисны сійөс, найө эз гөгөрвоны, мыйла татшөм бур бать-мамлөн пиыс тадзи олө. Чой-воксө со пример вылө поэьо пуктыны, а сійө вошөма олөмас.

Пиыслөн лёка олөмысь Анна мыжаліс асьсө. Гозъялөн вөлі нин нель ичөт челядь, кор ань төдмаліс, мый бара рушка. Вель дыр гусьоник бөрдіс, верөсыслы эз лысьт висьтавны, поліс, мый видас. Анна вөлі зэв бур мамөн, помтөг радейтис асьыс челядьсө. Став муслунсө налы сетіс, но өні повзис. Уна узытөм вой колялөм бөрын гусьоник муніс бурдөдчанінө аборт вылө. Бурдөдысьыс, зэв төлка мужичой, дыр сёрнитіс анькөд, тшөктіс кольны кагасө, срокыс пө ыджыд нин, но Анна эз кывзы. А креслө вылө пуксьөм бөрын, кор аддзис бурдөдысь киясысь инструментсө, звирк чеччис, пасьтасис да пышйис гортас: «Ог лэдз вийны асьым сьолөмшөрөс». Верөсыслы висьталіс, мый лёктор мөвпаліс вөчны, да Олексей зэв дыр видчис-матькис. Мать кывтө сійө шуліс зэв гежөда, но воис кө нин сэтчөдз, сідзкө, ёна скөр. «Он жө өд татшөмтор мөвпав, йөй баба, сө дивө да и сөмын». Дыр на сы бөрын ань бөрдіс. Юръяндзим вөлі кагук водзас. Но бур, мый видзис кагалысь олөмсө. Унаысь сэсся Колелысь прөща корис. Кор олөмыс пиыслөн пузувтчас, сэки и мыжалө асьсө. Курыд синваөн мыссьө.

Зэв ыджыд пай Анналөн челядь быдтөмө пуктіс и Наста мамыс. Аслас эз вөв да став муслунсө сетіс сылөн челядьлы. Дзюлюкъяс шуисны сійөс пөчөн, ёна радейтисны. Не кө Наста мамлөн отсөгыс, зэв на и сьөкыд вөлі овнысө. Ичиньыс йылысь Анна тшөкыда шуліс, мый сійө мамсьыс на мам. Наста кулөм бөрын лои ёна сьөкыд быдтысьнытө, уджавны быть колө, челядьлы ёна ковмис овны ас кежаныс. Но быдмисны тай кызкө.

А сідзсө зэв на и бур олөм олісны. Сиктын унаөн завидьтисны налөн шуда олөмлы. Олексейөс зять пыдди унаөн эськө босьтисны, а вичмис со Анналы. Кодсюрө весиг лёкөдчыны кутлісны, но нинөм эз вермы пазөдны налысь шуда позсө. Ён да вына радейтчөмтө некод оз вермы пазөдны.

Сөмын водзджык тай Енмыс босьтис ас дорас муса верөссө. Муртса на 60 арөс и тырис. Лэчкасигас топөдөма сьолөмыс. Кулөм йылысь гижөдсө сетігөн бурдөдысьяс шуисны, мый сьолөмыс дыр нин висьөма, явитчис кө водзджык, вермис на овны. Олексей эз радейт ветлөдлыны бурдөдысьяс дорө. Да и висьөмъяс вылө ёна эз элясылы. Ыджыд шөгөн лоис Анналы верөслөн кулөмыс. Став олөмыс син водзас волас.

Мыйыс сөмын эз вөв налөн. Ванюк писө виччысигөн Анна помөдз уджаліс. Идрасигөн и топөдіс аньөс. Лысьтысьыссяс сюся котөртісны да корисны Олексейөс. Мужичой ёна повзис, кор аддзис ымзысь да пидзөс вылас сулалысь гөтырсө. Сюся сөвтөдіс трактор доддьө да вөрзёдчис акушерка дорө. Коліс эськө небыдджыка нуны вайсысь нывбабатө, но нйит гуранөсь туй кузяыд көть мый кер, небыдатө оз нин артмы. Бурдөдысь

дорё вотодз на Ванюк аддзис вольной светсё. Ёлексей кайис трактор доддё, сэсся пёрчис майкасё да босьтис гётырыс кынём вылысь кагуксё. Бёрыннас, кор ставнысё кутісны вайодны сёстём больничаын, Анна шензис. Олёны тай, олана кё, коть и чужис пиукыс куйод доддын.

Кольодісны Ёлексейёс бёръя туйё став сиктён. Гудоксё гу вылё босьтлісны и. Шойна вылё мунігчож ворсісны. Мед ставныс тёдісны, мый кольодёны сиктса медбур гудокасысьёс. Кымын гажа рыт колис сылён ворсём улё, кымын шен да кадриль йоктёма. Кымын пач шонтё йёзёс кодзыд луньясё, да и верман-ё став бурсё морт олёмысь лыддёдлыны?

Верёсылён кулём бёрын ань вёлисти на гёгөрвоис откалуныслысь сёлём шымыртана дойсё. Некымын лун бёрдіс, петавліс сарайё, пыртис ассыс кулан кёлуйсё да пуктис енув пельёсё. Челядыслы шуис, мый дыр оз ов. Быттьё ичотик кага пинясис верёс вылас энвотёмысь: «Мед водза-водз кё пышйин, ме од локта на тэ бёрся, он на меысь мын, Ёлексеюшкоёй».

А со, нинём вылё видзёдтёг сы бёрын ань олё нин кызь во. Нук-нучка да пёрысь пёчён шуысьяс, майбыр, оз тай вунодны. Воывлёны ставныс. Олём олёма, йёз водзын юр оз на усь. Лёкыс пё буртёгыс оз овлы. Пиыс со бёр дінас овны локтис. Гашкё, и сылён на олёмыс ладмас. Сёлём вылас кё шог лоё, гудок кизьтё личкавны на сяммё и. Сідзкё, позьё на водзё овны. Со тай му кузя бара на тулыс восьлалё. Муыс ловзьё, дзользьёны лэбачьяс, бузгёны шоръяс.

Иван Анна пырис пыді жырьё, шебрёдіс писё. Енув пельёсын чёвтис пернапас да водіс узыны.



Скөрөдумса танго

КЫВБУРЪЯС

Лоас сёр

Дзик став йөзлы көсья эськө шуны:
— Мыйла нө ми, мыйла сэтшөм скөрөсь,
Мыйла зілям сөмын көвтны-нуны,
Быттьö помтөм көзөд миян вöрыс?

Тулысланыс, койтыс лоас мыйөн,
Радейтчигас пөткаясөс өктам,
Гожөм шөрсянь чөс туйясын кыям...
Кутшөм скөрлун тадзсө вöчны тшөктö?

Чайтам: помтөм озырлуныс вöрын,
Та вöсна и өти пөлөс сёрни...
Мый нө кольö сэсся миян бöрын?
Өвсьöй, ёртъяс, бöрас лоö сёр нин!

Мамъяс

Кузьöсь жö войвылад миянын войясыд...
Узьöны важөн нин вокъяс и, чойяс и.
Сөмын тай вошöма ун көрныс мамъяслөн —
Муса да шаньяслөн, буръяслөн, рамъяслөн.

Көні нө вой шөрнас пияныс шөйтöны?
Гашкө нө, кодъяскө найөс нин нөйтöны?
Быдторсö войяснад мамъясыд чайтöны,
Синъяс оз куньлыны, шогсьöны, кайтöны:

«Мыйла нө өнісянь тадзисö юсьöны,
Быдмигөн-сөвмигөн бырöны-усьöны?
Мыйла нө олөмсö өнісянь сисьтöны?
Коді нө вермас көть помкасö висьтавы?»

Кузьöсь жö войвылад миянын войясыд...
Узьöны важөн нин вокъяс и, чойяс и.
Сөмын тай вошöма ун көрныс мамъяслөн —
Муса да шаньяслөн, буръяслөн, рамъяслөн.

Кор бара пияныс гортаныс пырасны?
Кор бара мамъяслөн шогъясыс бырасны?

Скөрөдумса танго

Вай йөктыштам, мусаой, йөктам,
Лок мекөд тшөтш зал шөрас пет.
И йөктам, кыз сьолөмным тшөктө,
Да вирьясным пузылас мед.

Тэ топөдчан бара ме динө,
Кыз водзынджык вөчлывлін век.
И коддза ме, оз ков мен вина,
Кор пөсьлунтө кыла ме сэк.

Мед «Юрганыс» тангосө ворсө,
Оз узы талун Скөрөдум сикт.
Ме окышта тэнсьыд вом дортө,
И йөктам ми рытивбыд дзик.

Шань да мича

Ёна жө тэ шань да мича,
Лөсьыд, радейтана, муса!
Сьолөм бердын нэмсө видза,
Он ло менам — шонді кусас...

Сөмын тэ өд меным колан,
Сөмын тэ өд медся дона.
Сэк, кор тэ динө ме вола,
Топөдчылам ёна-ёна.

Дзигөдчам да водам-усям,
Томлөн вир на миян ворсө.
Тайө муслуннас и шусьө,—
Тэкөд сы йылысь ог горзөй.

Тэныд лөсьыд, меным лөсьыд!
Тайө миянлы и колө.
Оз кө бордйөд, оз кө пөсьөд,
Сийө, чайта, абу олөм.

Джинслы

Ог чукөст нин ме некор тэнө, Джинсөй,
Он чеччышт морөсө да чужөмбанөс нюв.
Пыр кезлө колин чомтө, пывсяндінтө,
Нэм кезлө энөвтін тэ гажа өшинь ув.

Зэв радейтін тэ муса Эжва сайтө,
Көн миян чөс туй, батыөн вөчөм, важ.
Ме век на чайті, мыйлакө век чайті,
Мый воас ар, и воссяс миян гаж.

Ми мунам тэкӧд, гажа ягас пырам,
Кӧн сӧстӧм сынӧд, чӧскыд кӧра вӧр,
Да лунтыр ветлам, сӧмын рытнас, дырӧн,
Ми локтам гортӧ пемыдӧн нин бӧр.

Но помасис тай мувыв олан туйыд
Да эштис тӧнад вӧрӧ ветлан удж.
И он нин некор парманымӧд уяв
Да Эжва юсӧ меысь ӧдийӧ вудж.

Ок, кутшӧм жаль тӧ! Сэтшӧм жаль тӧ меным!..
Кӧть кӧин моз жӧ омляв сӧсся, бӧрд..
Да, пӧрысьлунтӧ он нин вермы венны,
И сӧлӧмыд тай абу вӧлӧм кӧрт.

Ме кыла тӧнӧ, менам муса Джинсӧй,
Кӧть он нин некӧн енӧж улас увт.
Пыр кешлӧ колин чомтӧ, пывсяндӧнтӧ,
Нӧм кешлӧ энӧвтӧн тӧ гажа ӧшинь ув.

Скӧрӧдумын Петыр лун

Помӧсдӧнсянь кывтӧны,
Кулӧмдӧнсянь катӧны,
Скӧрӧдумысь бокӧ морт оз мун.
Танӧ йӧзыс гыалӧ,
Танӧ сӧылан шыалӧ —
Сиктыс пасйӧ асӧсыс Петыр лун.

Уналаысь воисны,
Дона йӧзӧн лоисны,
Пызан вылын тырыс чӧскыд нур.
Сӧдзтӧкӧ, и шанялам,
Эмсӧ татысь панялам,
Дерт жӧ, видлам тагъя чӧскыд сур.

Сӧсся, дерт, и сӧылыштам,
Чужанӧнын кылыштам,
Петыр лунад гажӧдчылам дыр.
Гашкӧ-й, клубын йӧктыштам,
Кыпыдлунсӧ ӧктыштам,
Да мед сӧйӧ сӧлӧмысь оз быр.

Асылӧдзыс гажӧдчам,
Мӧд во бара матыстчам,
Скӧрӧдумӧ воыны оз вун.
Мед и водзӧ горалӧ
Да пыр йӧзӧс коралӧ
Ыджыд сиктын гажа Петыр лун.



Разведчиклөн казътылөмъясысь

Вит боевой награда, «За отвагу» да мукöд медальяс... Сылысь нимсö позьö майшасьтöг сувтöдны миян медся повтöм земляк, Айму дорйысьяс лыдö! Но этшаон тöдлiсны Изьва районса не-ыджыд, ылi посёлокын овлысь тайö рам, вежавидзысь мортсö.

Виссарион Ипполитович Филиппов чужлiс Изьва районса Мошъяга грездын 1923 воын. Быд во Ыджыд Победа лун водз-вылын Виссарион Ипполитович быть аддзысьлывлiс Том посё-локса школаын велöдчысьяскöд, но уна сёрнитны эз радейтлы, кöть эськö и вöли мый висьта-выны. Юалöмъяс былö вочавидзлiс окотапырысь, но бара жö дже-нындыка. Öтистор пыр тöдчöдлiс: кор вөрöг уськöдчис миян стра-на былö, быд сöветской морт, на лыдын и сийö, пöртiс олöмö ассьыс гражданской долгсö — сувтiс Айму дорйысьяс радö, да кытчöдз вермис кутны оружиесö, олöмсö жалиттöг тышкасис вö-рöгкöд.



Победалы 50 во тырöм водз-вылын Изьваö волiс москваса серпасасьысь. Поклонной гöра вылын Победа музейлөн корöм серти сийö гижис Виссарион Филипповлысь портретсö.

Война былö Филипповöс босьтiсны 1942 вося февраль заводитчигөн. Кык тöлысь сайö вöли пехотаын, ранитчöм бöрас веськалiс артиллерияö. Мöдысь ранитчöм бöрас сюрис 6-öд танковой армияса 121 танковой бригадаö. Тайö вöли 1943 вося февраль шöрын нин. Сэсся ачыс вöйысис разведкаö.

...Коймöд во муно война. Бөрö колисны Сталинград, Курскса кытш, уна ыджыд да ичöt бой, кöни крепаммис миян армия-ным, содiс вөрöгкöд тыш нуöдан сямным. Фастов да Белая Церковь районъясын вөрöглысь зырсьöмсö венöм бöрын,— казътывлiс Виссарион Ипполитович,— миян дивизияс сувтiсны оборонаö. Но вөрöг бөр зилис босьтны сийö позициясö, кодi вöли 1943 во-ся март 10 лунöдз. Та могысь немечьяс вайöдiсны Италияысь да Францияысь стрелковой да танковой дивизияс, некымын артиллерийской полк.

Миян танковой бригадаон веськöдлысьяслы быть колö вöли стöчмöдны, кытчö вөрöг чукöртö ассьыс вынъяссö, мед удитны

вайӧдны сійӧ районъясас колана мында йӧз, техника, торйӧн нин Т-34 танкъяс, реактивнӧй миномѣтъяс да мукӧд ӧружие. Бригада штабын кутісны лача разведчикъяс вылӧ, виччысисны, мый найӧ тӧдмаласны, кытчӧ вӧрӧг чукӧртӧ ассыс вынъяссӧ.

Разведчикъяслӧн нель морта группанас веськӧдлыны индісны менӧ, старшинаӧс. Мекӧд тшӧтш мунісны сержантъяс: Сталин-градысь Николай Кузнецов, Изьва районса Сизябысь Михаил Канев да Татарияысь Миша (овсӧ вунӧді). Таӧдз накӧд сӧмын ӧтчыдысь на ветлі вӧрӧг тылӧ. Вой шӧр бӧрас кымын вуджим нейтральнӧй полосасӧ. Ёна видзчысьмӧн восьлалім вӧрӧглӧн переднӧй крайті. Кутшӧмкӧ землянка ли блиндаж дорті муні-гӧн бура кылім немецкӧй салдатъяслысь сёрнисӧ. Сӧ воськов кымын мисянь аслас ӧрудие дорын вӧлі куритчӧ немеч. Ньӧж-йӧник мунім водзӧ. Пырим гежӧдіник пуяса вӧрӧ. Видзӧдлі карта вылӧ — мунсьӧма матӧ вит километр нин. Вӧрса ордым петкӧдіс мянӧс паськыдкодъ туй вылӧ, кӧні кылісны танкъяс-лӧн гусеницаяс лязгӧм да буксуйтысь машина шыяс. Бджыд машинаяс кытчӧкӧ нуисны снаряд тыра ящикъяс, бензин бӧчкаяс. Гӧгӧрвоим, вӧрӧг чукӧртӧ вынъяссӧ. Став аддзӧмтор йывсьыс юӧртім бригада штабӧ.

Лун мысти матыстчим кӧрт туй станция дорӧ. Дыр видзӧдім сы бӧрся. И эг весьшӧрӧ. Пажын бӧрас кымын станция дорас матыстчис кузь состав. Платформаяс вылас — танкъяс, ӧрудие-яс, квайт ствола миномѣтъяс, груз тыра машинаяс. Рация пыр йитчим штабкӧд. Ньӧжйӧ муніс кад. И со станция весьтын мыччысисны гӧрд звездаа самолѣтъяс, кутісны шӧтны бомбаяс. Станцияыс ставнас шызис. Танкъясыс, кодъясӧс удитісны нин лэдзны, кытчӧкӧ усьысисны. Гӧгӧр ыпъяліс би, уна танк, ӧрудие, машина сотчис.

Мед немечьяс оз гӧгӧрвоны, кысянь на бӧрся кыйӧдчӧмаӧсь, ми ӧдйӧджык вежим местанымӧс. Дыр ветлӧдлім вӧр кузяыс. Коймӧд суткинас нельнанным локтім асланым часьтӧ. Кык разведчик ёнакодъ кынтӧмаӧсь кокнысӧ. Штабса начальник ошкис мянӧс задание олӧмӧ пӧртӧмысь.

Кад кольӧм бӧрын ӧти сержант шмонитӧмӧн шуис: «Везитӧ тэныд, старшина». Везитӧ-ӧ? И война вылад шуд вылӧ виччысь-тӧмторйыс овлӧ жӧ. Но разведкаын ставыс кутчысьӧ морт лэдзчысьтӧмлун, вын-эбӧс да сюсьлун вылын. Менам морӧсын колис ыджыд вурис — тайӧ пассӧ нэм кежлӧ колис гитлеровеч, кодкӧд паныдаси вӧрӧг траншеяын. Ён да вына вӧлӧма немечыд. Сійӧ кокныда песовтчис кийсь, шеныштчис кинжалнас, рани-тіс менӧ. Быть ковмис лыйны сійӧс. Кӧть лыйи дзик матысянь, мукӧд немеч вермисны кывны шысӧ. Ён немечлысь босьтім планшетсӧ да тӧрыба косім бӧр. Планшетас вӧлі карта, кытчӧ пасъялӧма унатор, мый коліс штаблы.

Вӧрӧг тылӧ быд ветлӧм — тӧдтӧмлун, кӧні сьӧкыд водзвыв ставсӧ артыштны. Ӑтчыд куим сутки олім вӧрӧг тылын, уна ветлӧдлім, но нинӧм тӧдчанасӧ эг аддзӧй. Виччысьтӧг кыліс губнӧй гармошкаӧн ворсӧм, да нӧшта сэтшӧм мичаа. Вӧркостса векныдик туйӧд вӧлӧм локтӧ телегаа вӧла. Пукалӧ олӧма нин немеч да вом дорас кутӧ ворсанторсӧ. Минут эз коль, кыдзи немечыс сулаліс нин мян водзын. Телегасысь босьтім колана прӧдукта, ӧружие, немечлысь ки-коксӧ кӧрталім да пуксьӧдім

бөр телегаас. Бёрыннас ёна и жалитім, мый тадзи вöчим. Час эз коль, став вöрыс быттьö шызис, кыліс пон увтчöм, автоматъясöн лыйсьöм. Ковмис бөр ылöджык пырны вöрас. Дыркодъ мунöм бöрын паныдасис ыджыд шор. Ёлыс вайöдіс миянöс сука быдмысь тупу вöрö. И буретш сэтысь аддзим груз тыра уна машина, неуна бокинджык — танкъяс. Став техникасö бура дзебöмаöсь, вылісянь он и казав. Пыр жö йитчим штабкöд.

Разведкаын служиті 1943 вося февральсянь война помöдзис. Тайö каднас уна бур ёртöс вошті. Медводдза задание вылö, помнита да, мунім сизимöн, а бöрсö воим сöмын кыкöн. Съöкыда ранитчöм разведзводса командирöс ки вылын нуим нель километр сайö, вуджим нейтральной полосасö, миян окопъясöдз колис нин 30–40 метр, но виччысьтöг кутісны усявны снаряджяс. Осколок веськаліс старшöй лейтенантлы юрас. Көть бöрд. Тöлка да смел офицер вöлі. 1943 во помланыс вöрöг тылö мунісны витöн, бöрсö некод эз во. Тадзи жö кымын вöлі и 1944 воын. 1945 воын вит разведчыкысь воисны кыкöн. А öд ставныс бура дасьтöм разведчик.

1944 вося январь-май тöлысьясын чорыд тышъяс мунісны Полесьясянь Съöd саридзöдз, Днепрсянь — Карпатöдз. 23-öд стрелковöй дивизия да миян танковöй бригада водзын дорйысисны румынъяс. Меным тшöктісны котыртны вит морта разведгруппа. Сэтчö пырисны Михаил Канев, Свердловскысь Николай Попов, Костромаысь Иван Великов (Велихов) да Тихонов (нимыс вуніс, асьсö тай пермякöн шуліс). Ставныс вынаöсь, томöсь. Попов бура тöдіс немеч кыв. Татшöм зонъяскöд орччöн и аслад выныд содö, эскысьсö, мый быть пöртан олöмö сувтöдöм могсö.

Войнас усис лым. Бөрö колины нейтральной полоса, вöрöглөн траншеяяс. Немечлөн переднöй крайыс вöлі тырöма быдсикас техниканас: орудиеяс, ыджыд калибра миномётъяс. Öткымын блиндаж-землянкаясысь вöлі петö тшын. Öти ыджыдкодъ öрудие дорын сулалісны кык немеч. Мунім водзö да петім паськыдкодъ туй вылö, кыті ветлісны ящикъясöн сөвтöм грузöвöй машинаяс. Кык машиналөн кузованыс вöліны бöчкаяс.

Сэсса ми весьтті журкнитіс-муніс легкөвöй машина, водзас и бöрас — мотоциклъяс. Недыр мунöм мысти туйыс вайöдіс миянöс неыджыд сикт дорöдз. Керкаясыс öта-мөдсьыс ёнакодъ ылынöсь, тыдалö, сотчылöма сиктыс. Öти керка дорын сулаліс кузовъяссö кыз брезентöн вевттьöм кык грузöвöй машина. Татшöмъяснас новлөдлісны немеч салдатъясöс. Керка дортыс ветлөдліс кык часөвöй.

Лунсö коллялім вöрас. Ыджыдкодъ шор дорысь аддзылім самолёт, моторыс тай дзоньнас пырöма муас-а. Усьöм бöрас сотчöма. Эг и вермöй тöдмавны, кодлөн — миян, немечлөн, румынлөн, венгрлөн. Вöрыс дзик сөстöм, ньöти пöрөдöм пу эг аддзылöй. Тыдалö, немечъяс оз пыравлыны сэтчö. Пуяс костысь синмö шыбитчис лыскысь вöчöм чум. Коді сәні шойччис коркö? Миян разведчикъяс, партизанъяс либö дезертиръяс?

Пемдыштöм бöрын бөр петім туй вылас. Сюся видзөдлім сиктсö, керка дорас сулаліс легкөвöй машина, мотоциклъяс. Войнас грузöвöй машинасыс кытчöкө ветлісны. Воим öти кыв-

йö: видлыны босътны. Та могысь колö быдöнлы тöдны ассьыс инсö. Сёрнитчим, кодлы мый вöчны. Куим час кызь минут. Бинокль пыр аддзим, кыдзи легкöвöй машинаас пуксис кузь тушаа офицер да дзöля салдат. Кор легкöвöй машинаыс воис миян весътö, Тихонов чöвтис сы водзö паськыд лапъяса не-ыджыд коз пу, машинаыс быттö здук кeжлö сувтыштлис. Тайö здукö Канев лыйис шоперыслы, Попов да Велихов бырöдисны мотоциклистъяссö. Сувтыштлöм бöрын машина ызöбтис водзö, но неуна мунöм бöрын зурасис козйö. Став вылас мунис 4–5 минут. Машинасыс кисö лэптöмөн петисны офицерыс да ныв кодъ чужöма салдат. Офицерыс сöстöм роч кывйөн шуис: «Ме румынскöй офицер, майор. Тайö томиник зонмыс кöть шынеля, но абу салдат, гимназияса велöдчысь, локтис Россиясö видзöдлыны». Миянлы колö тэрмасыны. Бöртi дыр ветлöдлöм бöрын сутки мысьт воим асланымöдз. Румынскöй майорсö пыр жö нуöдисны штабö. Мунигас сийö шуис миянлы: «Вы, ребята, чертовски смелы».

Висьтасьöмöй, гашкö, и кажитчис мойд кодöн. Зэв нин ставыс быттö кокныыда артмис. Но тайö абу сiдз. Тырмымөн вöли миян пöвстысь кöть здук кeжлö кодлыкö падмыштны, эськö ловйөн некод эз коль. Прöтивник вына, сы кийн тшöтш öружие, сийöс дыр велöдисны, кыдзи öдйöджык вины врагöс.

Казьтышта тылö нöшта öти ветлöм йылысь. Тайö вöли Венгрияын. Миян войскалысь водзö мунöмсö торкис немечьяслөн чорыда водзсасьöм. Öти лунö нелямын сайö танк уськöдчылисны ми вылö. Т-34 да английскöй «Черчилль» танкъяса бригаданым нуис ыджыд воштöмъяс.

Сёр рытнас менö корисны бригада штабö. Майор, штабса начальниклы отсасьысь, тшöктис кыдз позьö дженъыдджык кадö чукöртны вөрöг тылö разведка нуöдан группа. Майор юөртис, мый куим сутки сайын противниклөн тылö мунисны квайт морт, разведзводса командир веськöдлöм улын, но насянь некутшöм юөр абу. Гашкö, рацияыс жугалис, гашкö, лектор лоис.

Ме чöла кывзi. Могыс миян водзын: тöдмавны, кытчö противник чукöртö вынъяс, да мойвиас кö, мыйкö тöдмавны вошöм разведчикъяс йылысь. Кадсö дасьтысьöм вылö сетисны вывтi этша. Но тайö приказ! Туйö шуим петны квайтөн. Менö вежысьөн индi Михаил Каневöс, нöшта радист Сянгин, мордвин, Леонид чужлöма Ленинградын, украинеч Алексей Кондрасенко, Виктор Гурин, разведкаö локтöдзыс быдса во джын вöлöма снайперөн, ранитчылöма, морöсас вöли коймöд тшупöда Слава орден. Унджыкыскöд эг нин öтчыдысь ветлы разведкаö. Быдөн на пöвстысь ачыс пöгибнитас, но ёртсö мездас. Сутки мында сюся видзöдiм вөрöглөн переднöй край бöрся. Сёр рытнас ёна зэрмис, веськыда кисьтис. Нейтральнöй полосасö вуджигөн дзикöдз кöтасим, кöть и вöлим плащ-палаткааöсь.

Прöтивниклөн переднöй крайыс вöли тырöма салдатъясөн, техникаөн. Öтилаысь квайт ствола миномётсö нельöс аддзылим, сэнi жö неылын вöлины ыджыд калибра öрудиеяс. Ставсö тайöс юөртiм штабö. Югыднас косьтысим пыдi вöрын, весиг ичöтик бипур пестылим. Войнас вöчим ыджыдкодъ кытш. Шор бердысь аддзылим бензин бöчкаяс, гашкö, сё мында. Стöча юөртiм координатъяссö. Орччөн, бадьяс пöвстас и шуим коллявны лунсö,

но сайодыс мянӧс эз дзеб. Ӧнӧдз ог гӧгӧрво, кызди вӧрӧг ка-
зяліс мянӧс. Ковмис ӧдйӧ пышйыны мӧдлаӧ. Вуджим джу-
дждыд кырӧм, сѣнъяс, нюр, но орӧдчыны вӧрӧгысь эгӧ вермӧй.
Понъяслӧн увтчӧмыс пыр матысмис. Туйсӧ мянлысь потшис
10–12 метр пасьта ю. Тшӧкті нѣль разведчиклы вуджны ю
мӧдарас. Таладорас кольччим Виктор Гуринкӧд. Регыд тыдовт-
чисны квайт гитлеровец, кыкыс понмаӧсь. Автоматъясысь
помся лыйсиг вӧрӧгъяс зілісны матыстчыны мянлань. Гурин
и збыльысь вӧлӧма бур снайперӧн, ӧдйӧ бырӧдіс понъяса не-
мечьяссӧ, ме раниті жӧ ӧтиӧс. Гитлеровечьяс босьтісны ранит-
чӧмасӧ да бӧрынтьчисны. Гуринкӧд тшӧтш вуджим ю мӧдарас.
Кутіс пемдыны. Но кольччыны сэтчӧ оз вӧлі позь. Немечьяс,
дерт, корасны отсӧг. Мянлы быть колӧ воӧдчыны вӧрӧдзис,
но та могысь колӧ вуджны вӧр пӧлӧныс мунысь паськыдкодъ
туй.

Чӧла мӧдім водзӧ. Ылісянь аддзим гораа сѣрнитысь нѣль-ӧ-
вит немечӧс. Каневлы, Гуринлы, Кондрасенколы да Сенгинлы
тшӧкті бырӧдны найӧс. Но 100–150 метр ылнаын вӧлӧмаӧсь
нӧшта немечьяс. Пансис кось. Унаӧс бырӧдісны менам развед-
чикъяс, но и мянлы крепыда сюрис: кояс усисны Сенгин да
Кондрасенко, ранитчис Леонид. И меным пельпомӧ веськаліс
пуля, но лысӧ, тыдалӧ, эз жугӧд. Автоматӧн куті вӧрӧгъясӧс
матыстчӧмысь, Гурин да Канев пыртісны Леонидӧс вӧрас. Сӧнӧ
кӧрталім ранаяссӧ. Вӧлӧмкӧ, пуляыс жугӧдӧма кокчӧр лысӧ.
Усьӧм разведчикъясӧс Гурин да Канев кыскисны вӧрас, вевтис-
ны нитшкӧн. Унджыксӧ сӧсся нинӧм эг вермӧй вӧчны, колӧ
вӧлі отсавны Леонидлы. Матӧ кык сутки мунім бӧр. Леонидӧс
нуӧдісны медсанбатӧ. Тадзи гажтӧма колис тайӧ ветлӧмыс...

Кызь кӧкъямысысь Виссарион Ипполитович ветліс тылӧ.
Быдсямаыс вӧлі. Нѣлысь ранитчыліс. Старшина Филипповлӧн
разведчикъяс вайӧдісны 25 «языкӧс», на лыдын нѣль немецкӧй
да ӧти румынскӧй офицер.

Война бӧрас дыр кад лесникаліс Изьва районса лесхозын,
унатор вӧчис, мед Изьва ю пӧлӧн шувгисны сись кодъ кузь да
мича пожӧмъяс, козъяс, нияас... В.И.Филипповлӧн зіль да бур
удж йылысь висьталӧны «За трудовое отличие» медаль, Коми
АССР Верховнӧй Сӧветса Президиумлӧн да мукӧд Почёт грамо-
таяс.

Кувсыліс Виссарион Ипполитович 2003 воын.

Серпас вылын Филиппов Виссарион Ипполитович.

Аттӧалам Изьва районса историко-краеведческӧй музей серпасӧ
сетӧмысь.



Батьлөн челядьдырся ёрт

Важ йёз шулёмаёсь: гажёдчан ёртыд пё джын ёрт на — во-ан кё шогё, усьйяс бокё. А од тадзитё тшөкыда и овлө. Орччөн восьлалысьыд бытьё бур ёрт, нэмсё сійёс тодан, но кор кутшөмкё могөн шыёдчан, сё помка аддзас, мед не отсавны тэ-ныд. Джын ёртыд джын ёрт и эм. Вомнас большь-изысь...

Помнита да, миян челядьдырйи батьлөн уна ёрт эз вөв. Гоз-мөд морт сөмын. Медсясё ас сиктсаяс, дереваннойса, сы моз жё Ыджыд война пыр мунөм йёз. Ог кут лыддьөдлыны найёс, абуось нин таладор югыдас да... Торйөн нин тшөкыда батьо казътывліс Алексей Андреевич Поповёс, сиктса ногөн, Трипан Онё Олёксейёс, кодкөд ёртасьлёма челядьдырйиис на, Дереванной сиктын быдмигөн. Олёмаось кыкнанныс Кывтыд грездын, Руч да Аныб сиктъясё нуодан мир туй бокын. И мам-батьныслөн керкаясыс ота-мөдсянныс матын сулавлёмаось. Көм-төм кока челядь кадыс нэм кежланыс йиджтысьёма зонкаяслөн вежөрө. И абу сөмын налөн.

— Ёна и ворслывлім ми ныв-зон отлаын,— бергөдчывлө коркөяс Олёксейлөн ыджыдджык чойыс, Мария Андреевна Николаева.— Ульяновъясыдлөн мамыс каяс Кулөмдинё верөссө видлыны, а Олей Павелыс сэки Кулөмдинса райисполкомын уджаліс, миянлы, челядьдылы, таысь и радыд. Быдса керка колисны верстьояс да. Мамыс мунігас өлөдас жё: эн пё сөмын бинад дурой... Керканымёс сотанныд. Шуам воча, мися, Ен мед видзас! А ворснытё, и збыль быдторсьыс ворслывлім. И кер-каад, и чурк вылын, и Эжва дорын. Югыд да бур казътылөмъяс колины сійё кадсьыс...

— Мыйсё сөмын эгё слөймылөй-удитлөй сэки вөчны: черитё Эжва юсьыс да матысса ёльсьыс кыйны, вотчыны кайлыны орчча вөрас, мамъяслы град йөрад отсасьны,— тадзи висътавліс и менам батьо, Василий Павлович Ульянов. Прамөя, тыдалө, йиджөмаось мортыдлы морөсас ылі воясыс да...

Том пөра йывсьыс казътылігөн уна бур кыв век вичмыліс сылөн челядьдырся ёрт Онё Олёксейлы. Найё арлыд сертиыс матё оттшөтшъяс. Олёксей чужлөма 1925 вося март 31 лунө, батьо миян быдса воөн сөрөнджык. Кык друг мөвпалөмаось школа помалөм бөрын водзё на велөдчыны, лоны Коми мулы колана йөзөн. Но gryмөбтөма немечкөд Ыджыд война да пут-кыльтөма зонкаяслысь став олөм-вылөмсё. Сэки оти мог сувтөма на водзё — пуктыны ассыныс пай вөрөгөс вермөмө, дорйыны Чужан му. Миян бать, кор ыджыдджык вокыс усьёма Сталин-град дорын, мырдөн-сорөн вөзйысьёма война вылө. Сэтшөм ёна көсийөма водзёс босътны Олёксан вөснаыс да. Синва петмөн пё жаль вөлі вокоій...

Олёксей другсё войнаыд абу жё бокиті кытшовтөма, мунөма немечлы паныд 1943 воын да повтөг тышкасьёма: кыкысь ра-

нитчылöма, мöдысьсö сьöкыда, морöссö мичмöдöма «За отвагу» медаль. Служитöма 2-öд Прибалтийскöй фронтлөн 146 стрелковöй дивизияса 608 стрелковöй полкын. Со мый гижöма 1944 вося июнь 24 лунö дивизияысь погона начальство Алексей Андреевичлөн награда сетан кабала-листö: «Наградить медалью «За отвагу» стрелка 3-го стрелкового батальона красноармейца Попова Алексея Андреевича за то, что находясь на фронтах Отечественной войны с января 1943 года, он многократно участвовал в боях с немецкими захватчиками, показал себя достойным защитником Родины, имеет одно тяжёлое ранение...» Сьöкыда ранитчылöм бöрас А.А.Попов дыр на бурдöдчöма госпитальясын, а сэсся младшöй сержантöс 1945 вося январын мездасны армияын служитöмысь (кызди мöд группаса инвалидöс) да лэдзасны гортас... Вöвлöм фронтöвик дыр шляпвидзны юрсикутын оз кут, мöдöдласны да, ветлас велöдчыны Сыктывдін районса Ыбö, босьтас көмкот вурьсылысь специальносът да регьдмысти пырас уджавны Кулöмдінын көмкот вуран да дзоньталан Чапаев нима мастерскöйö. И зiляс сэнi (кантора нимыс, дерт, унаысь вежсьылiс) 1974 воöдз, пензия вылö петгöдзыс. Тайö каднас Алексей Андреевич удитас унатор вöчны-бергöдны: слöймас гöтрасыны, слöймас пöттöдзыс чери кыйны орчча Кулöмъяуысь да Эжваысь, нöшта татчöс тыясысь, гöтырыскöд, Текуса Силантьевнакöд, чужтасны-лöсьöдасны ныла-пияöс, лэптасны-кыпöдасны ассьыныс керка, кытчö тшöкыда мöдасны кежавлыны Öньö Öльöксейлөн челядьдырся ёртъясыс. Тшöтш и менам батьö, Дереваннöйысь Василий Павлович Ульянов...



Алексей Андреевич öти кадö лöсьöдлöма аслыспöлöс альбом, кытчö пасъявлöма ассьыс олан туйсö, ёртъяс йывсьыс казътылöмъяссö да мöвпъяссö, налысь фотокарточкаяссö. И нуöдöма сiдз шусяна кипом «дневниксö» война кусöм бөрöдзыс. Кор ми тöдмасим Алексей Андреевичлөн нывкöд, Тамара Алексеевна Попвасевакöд, кодi öнi уджалö районса больничаян, сiйö петкöдлiс меным батъыслысь кольöмторсö. Дерт, уна дас вонад альбомыслөн лист бокъясыс вель ёна ротйысьöмаöсь, шыпасъясыс муртсамуртса тöдчöны, но мыйсюрö позьö на лыддыны да гөгöрвоны. Со альбомса мöд юкөнлөн заводитчöмыс, 1945 во. Вöвлöм салдат, тыдалö, карсянь кайö гортас, Эжва йылö. Госпитальясын куйлöм бöрын. Сетам лöсьöдыштöмөн сэтысь нейджыд серпас.

«Кузя нюзöдчöма Дереваннöй сикт. Кор кутан локны Ручсянь, медся таладор помас, веськыд ки вылас, сулалö керка

пöв. Тайö керка дорас ме и сувті. Но керка вöлі томана, мамöй эз вöв гортын, а оліс кöнкö патераын. Ме мöдöдчи сійöс корсьны. Мунігмоз видзöдлі Иванъяс (овсö абү индöма) керка вылö. Керкаыс сулаліс важ местаас, дзик жö сэтшöм, кутшöм и вöлі. Но менам медся матысса другöй некөн эз тыдав. Ме пыри да юалі мамыслысь, кöні нö, мися, пиыд? Мамыс бөррдзис да висьталіс, мый Иван усьöма 1944 воö Латвияын. Эз ло менам ичöтдырся другöй, кодкöд ми öтлаын быдмим-ёртасим. Менам весиг синваöй петіс... А сэсся мамыс мыччис меным быдса яшшик тыр Ивансянь воом письмöяс. Ме на пиысь дзик быдөнöс лыдди да быттьö сёрниті аслам ёрткöд. Та бöрын петі Иванъясысь да муні водзö. Тонö сулалö Ульянов кык воклөн керка. А көнöсь вокъясыс? Юасьöм бöрын мен лои ставыс ясид. Ыджыд вокыс, Александрыс, усьöма Сталинградскöй тышын, 1942 воын, а Василейыс муртса удитöма мунны армияö. Менам ёртъяс пöвстысь некод эз вöв гортын да мем лои гажтöм. Узи мам дорын да мöд луннас кайи подөн Кулöмдінö...

Мир туй кузя кайигөн ме думайті том олöм йылысь, аслам ёртъяс йылысь, и рытьядорыс нин вои Кулöмдінö. Кулöмдінын вöлі уджалöны менам кык чой— Анна да Машö. На дінö ме и сувті шойччыны. Мöд луннас ме муні военкоматö. Пыри военкоматад, а сійö игана. Эг на удит куритчыштны, видзöда да, локтö Öльöксей, велöдчан другöй, ськöд ме велöдчывлі Дереваннöй сиктса НСП-ын (тыдалö, неполнöй среднöй школа — А.У.). Военкоматын пасъясьöм бöрын ме муні Öльöксей дінö. Мöд луннас кайи райсобесö. И тані мöдісны ыстыны менö велöдчыны Ыб сиктö, татчöс интернатö. Недыр мöвпыштöм бöрын ме эг кут пыксьыны, шуи, мый сöглас да мöдöдчи Ыб сиктö».

Водзöсö батълөн ёртыс гижöма аслас пасйöдъясын: «...Кулöмдінсянь ми тöдса Чалановкöд лэбзим аэропланөн карö. Дерт, лэбнытö ме первойсö полі, торйөн нин качöдчигас. Но регыд мысти, велалі да, весиг лои веськодъ. Час да дас минут мысти ми вöлім нин карынöсь. Карад миянöс дыр эз видзны, велöдісны-тшöктісны öдйöджык кайны Ыбö. Колана документъяс босьтöм бöрын ми мöдöдчим Ыбад подөн, но регыд мысти миянлы мойвиис: суöдіс машина, сувтіс да сölöдіс миянöс. Машинанад ми воим Ыбад öдйö. Буретш ужын кежлö. Дерт, первойтö ми нинöм эг тöдöй, кытчö колö мунны да код ордö пырны. Но миянлы сиктсаяс висьталісны да, ми веськöдчим кык судтаа керкалань. Велöдысьяслөн директор паныдаліс-примитіс миянöс бура, дасьтіс-гижаліс став документсö, юаліс, кодö ми кöсьям велöдчыны. Ме шуи, мый окотита лоны сапожникөн, и Чаланов ёртöй висьталіс: ме пö сапожникөн жö. Директор индіс миянлы, кутшöм корпусö овмöдасны. Документъяснымöс сетöм мысти миянöс нуöдісны орчча стрöйбаö. Коркö öтчид меным паныдасис тані челядьдырся ёрт Митя Тюрнин, велöдчöма часöвöй мастерö да лöсьöдчис кайны гортас. Велöдчан интернатын вöлі бур сапожнöй мастерскöй, вурсьыны да кöм дзоньтавын велöдіс миянöс мастер Власов В.Д., зэв тölка да шань морт. Тані жö сапожникö велöдчис миян районысь Аркадий Юдин, кодкöд ми мöдім бура ёртасьны. Квайт тölысь мысти ме помалі велöдчöмöс да бөр кайи Кулöмдінö, мöді уджавны босьтöм специальносът кузя...»

Янсöдлöма кык ёртöс вира войнаыд вель дыр кeжлö. Алексей Андреевич воöма чужанінас, Эжва йылö, 1945 воын, а батылы коvmöма служитны Германияын быдса квайт во на. Том танкистъясöс пö лун и вой велöдiм: лыйсьыны, ю-шор вомöн вуджны, муö кодйысьны. Сэсся лэдзöмаöсь жö 1950 онас. Сэки и аддзысьöмаöсь кык дереваннойса, челядьдырся кык ёрт. Весиг снимайтчöмаöсь öтлаын, салдат паськöмаöсь, нимкодьöсь, кинысö öта-мöдылысь топöдлöны.



— Помнита да, батыд тiян, Василий Павлович, тшöкыда миянö кежавліс. Сэки сійö милицияса участкөвöйöн уджаліс Дереванной сиктад да тшöкыда волевліс Кулöмдiнö, — висьталö водзö Алексей Андреевичлөн нылыс, Тамара Алексеевна.

— Помнита, пуксясны кык друг воча да рытывбыд варгасны-сёрнитасны, казътыласны ассьыныс том кадсö, война лунъяссö. Зык ни шум он кывлы, гора гөлöс да, көть и юыштасны вöлі. Öта-мöдныскöд ёна лöсъявлісны, ёртаёртнысö зөв пыдди пуктылісны...

Тамара Алексеевна сьölöм дойöн казътылö батъ йывсьыс, кодöс бура тöдлöмаöсь Кулöмдiнса олысьяс да кодi матö комын во чöж, мудз тöдтöг, зильöма көм вуран-дзоньталан районса мастерскöйын. Мед көть и войнаса инвалид... А кувсьылöма мортыд 1992 вося ноябрь 17 лунö. Квайтымын сизим арöсöдз и олöма вöльной сьветас война биöн чишкалöм фронтöвик. Дзебöмаöсь Трипан Öньö Öльöксейöс Кулöмдiн сиктса шойнаын.

— Батыд, Василий Павлович, корис петкöдлыны ёртыслысь гусö, да ми ськöд öтлаын кайлім шойна вылас. Синмыс вазис мортыдлөн. Танi öд быттö бара аддзысисны кык друг, — нора ышловзис Тамара Алексеевна. — Öтиыс таладор югыдас, мöдыс — мöдарладорас...

Гижöд помын ме да миян рöдвуж сьölöмсянь аттьöалам Тамара Алексеевнаöс аслас батъ йылысь пöсь висьтысь, тшöтш и миян батъ йылысь шоньд кывйысь да казътылöмъясьысь, да шуам: Трипан Öньö Öльöксей некор эз вöв джын ёртөн. И век кeжлö кольö татшöмөн — миян ловын, миян вежöрын, миян вир-ййын...

Снимокъяс вылын:

1. А.А.Попов Кулöмжю бокин.

2. А.А.Попов (шуйгаладорас) да В.П.Ульянов война кусöм бöрын. Снимокъясыс А.В.Ульяновлөн гортса архивысь.



Гижысьлөн олан туй

Игнатов Михаил Иванович чужис Эжва йылын, Помөсдін сиктса Мөдлапөв грездын 1933 вося май 28 лунө. Сизим класс помалөм бөрын велөдчис Ухта карса горно-нефтянөй техникумын, көні и босьтчис гижны кывбурьяс, том йөзкөд өтув лэдзис ки помысь вөчөм «Молодые победы» литература журнал.



1952 восянь уджалө «Воркута-уголь» комбинатлөн геологоразведочнөй партияын техник-операторөн, Печораса геофизическөй экспедицияын инженерөн. Сэсся дыр кад зильө КПСС-лөн партия обкомын. А такөд тшөтш оз орөдчы гижан уджысь, заочнөй помалө Москваса А.М. Горький нима Литература институт.

Ассьыс «Чусалысь шом» медводдза висьтсө йөзөдліс «Войвыв кодзув» журналын 1959 воын на. Регыд мысти Коми небөг лэдзанинын петө татшөм жö нима ашпөр книга. Сы дорө водзкывсö дасьтис нималана коми

гижысь Я.М.Рочев, кодi бур ногөн донъяліс том мортлысь литератураын медводдза воськовъяссö. Та бөрын Михаил Иванович перö улысь мыччысьöны и мукөд висьт-повесьтьяс: «Тундраын», «Кодзувлы югъявны», «Шогтөг да радлунтөг — оз овлы», «Виччысьтөм рейс», «Меным быть колö мунны». Торйөн нин нимөдіс асьсö гижысь «Шоръяс визувтöны юö» повесьтөн, сійö ёна воис лыддысьысяслы сёлөм вылас. Шөр геройсыс сәні — том геологъяс, йөз, кодъяс мудз төдтөг корсьöны мупытшса озырлун, дасьöсь вöчны страналы уна буртор, но налөн туй вылö сувтöны төрытья видзөдласа веськөдлысьяс... И век жö выльыд вочасөн венö важсö, төрытьясö, тувсовъя ытва моз мездысьö ковтөм лөп-өгсьыс. Коми гижысь, поэзö шуны, виль синмөн видзөдліс, кыдзи промышленнөй босьтöны тундралысь мупытшса озырлунсö, и мыйта вын лоö пуктыны та могысь сійöс перйысь-корсьысяслы. Ёна отсалö гижысьлы и тундраын геологөн уджалöмыс, пельпом саяс чөжсьöм опытыс.

Верстьö йөзысь өтдор Михаил Иванович гижис и посни войтырлы. Торъя небөгъясөн налы петалисны «Васё да кардинал», «Юсьяс, донаяс, вай жö висьталöй...» книгаяс, уна висьт.

М.И.Игнатовлысь гижөдъяссö вылö донъявлісны коми литература туялысьяс да поэт-прозаикъяс — И.Изьюров, Я.Рочев, П.Доронин, А.Фёдорова, Г.Торлопов, А.Вежев.

Михаил Игнатов 1968 восянь СССР-са Гижысь котырын. Кувсьыліс Михаил Иванович 1999 вося август 17 лунө.



Медводдза воськовъяс*

Кольом вося гожомын «Войвыв кодзув» журнал редакцияю воисны тóдтóm авторсянь медводдза висътъяс. Кырымалóма вóлi найóс Михаил Игнатов. Тайó нимнас сыóдз эз вóвны тóдса-óсь не сóмын лыддысьысьяс, но и редакцияса уджалысьяс. Висътъяскóд ыстóm ичóтик бумажкаын автор скупиника висъта-лiс, мый сiйó олó Воркута карын, уджалó геофизической пар-тияын сейсмологóн, некымын во пó нин гижа висътъяс, корсю-рó пó веськавлывлi Сыктивкарó, но куш кион пó редакцияю либó писательяс союзó пыравны эг лысьт, а мыгчóдланторйыс óнóдз эз вóв.

Газетъяс да журнал редакциясö пóшти быд лун вооны виль авторъяссиянь гижóдъяс. Унджыкысьсö гижны заводитысь-яслөн гижóдъяс овлóны слабóсь, корóны дыр кадся ыджыд удж. Но воывлóны, дерт, и бурджыкъяс, печатайтны туянаяс.

Михаил Игнатовлөн висътъясыс миянлы кызвыннас кажит-чисны, кóть наын, тóдóмысь, вóлiны на сюжетно-композицион-нóй тэчас боксянь да кыв боксянь тырмытóмторъяс, кодъяссö колi бырóдны. Гижóдъяссиянь óвтiс талунъя лунон, миян гóгö-рын ключон пуысь олóмнас.

Август тóлысь заводитчигон ме веськалi командировкаю Воркутаю. Игнатов буретш локтiс тундраысь.

Сэки ме бурджыка тóдмаси том авторкóд.

Михаил Иванович Игнатов чужлiс Помоздино сиктса Мóдла-пóв грездын. Война заводитчигон сылы вóлi кóкъямыс арóс. Став мукóд челядьлы моз жó Михаиллы пельпомъяс вылó сó-лiс войналон сыóкылдуныс: детинка велóдчис и уджалiс колхо-зын. Гортса школа помалом бóрын том зон пырис велóдчыны Ухтаса горнóй техникумó да каротажник-геофизикон некымын во нин уджалó паськыд тундраын, корсьó да тóдмалó рóднóй республикалысь мупытшса озырлунъяс. Том специалист лунысь-лун паськóдó тóдóмлунъяссö, уджалó и корсьó виль гижóдъяслы темаяс.

1959 вося сентябрь тóлысьын «Войвыв кодзув» журналын петiс Михаил Игнатовлөн первой висът «Чусалысь шом», ок-тябрын вóлi печатайтóма «Тундраын» да декабрын «Кодзувлы югъявны» висътъяс. Во помын медбур висътъяс да очеркъяс вылó конкурслон жури тайó висътъясьыс Михаил Игнатовлы присудитiс мóд премия.

1960 воын журналын Михаил Игнатов печатайтiс нин кык висът: «Шогтóг да радлунтóг — оз овлы» да «Книжка». Том ав-торлон гижóдъяс свежóйóсь, непосредственнойóсь, насянь óвтó талунъя лунон, миян гóгöрса ключон пуысь олóмон. Олан туй

* Рочев Я.М. Медводдза воськовъяс: водзкыв // Михаил Игнатов. Чуса-лысь шом. Сыктивкар: Коми книжнóй издательство, 1960. 24 л.б.

Гижанногсö кольóма вежлавтóг.



вылын сконйыштчылöм да бөр веськыд туй аддзысь том зон Андрей Ветошкин («Кодзувлы югъявны»), том геолог Алексей Уляшев («Тундраын»), бурöвöй вылын уджалысь техник-геолог Николай Мингалёв («Чусалысь шом»), заводса директор том инженер Михаил Чисталёв («Книжка»), райпромкомбинатса олöма сапожник Иван Николаевич Курочкин («Шогтöг да радлунтöг оз овлы») разнöй специальностья да арлыда йöз, но найö ставныс öткодя пöся радейтöны олöм да удж, найö ставныс миян современникъяс, ясыд вежöра сöветскöй йöз, асланыс участокын коммунизм стрöитысьяс, кодъяс, гижöд лыддьöм бöрын, мичаа сув-

тöны син водзö, дыр кежлö кольöны паметьö.

Сьöкыд, но благороднöй писательскöй уджын Михаил Игнатов вöчис медводдза воськовъяс. Öнi сийö уджалö аслас первой повесть вылын, кодi шусьö «Шоръяс визувтöны юö». Том авторлөн гижан почеркыс гижöдысь гижöдö крепаммö. Окота веритны, мый кольöны вояс, и удж радейтысь том автор Михаил Игнатов сетас лыддьысьысьяслы уна бур гижöд. Та вылö сылөн эмöсь став поэянлунъяс.



Висьтьяс

Чусалысь шом

Николай Мингалёв садьмис сёрён, дас өти часын. Ёна висис юрыс, косьмис горшыс. Но ведраясын ва эз вöv. Сійö петіс коридорö да шатласигтырйи матыстчис суседлөн ведраяс дорö. Эз ю, а кисьтіс сотчысь пытшкöсас кык көш тыр. Юрыс эз дугды потны, а пондіс ещö ёнджыка висьны: быттö кодкö ыджыд мөлөтөн кучкаліс. Николай бөр пырис комнатаас, водіс кровать вылас. Кутіс казътывны, кыдзи ставыс тайö артмис.

Тöрыт некытчö нин эз көсйи ветлыны, но рытнас локтісны ёртъяс — Витька Рочев да электромонтёр Юрий Попов. Накöд Мингалёв öтлаын велöдчывліс техникумын. Сёрнитыштісны, Рочевкöд ворсісны шахматнöй партия, а сэсся куимөн мунісны ужнайтны столöвöйö. Сэні Рочев зепсьыс кыскис вина сулея. Кисьталіс пызан улын, мед официанткаяс эз аддзывны.

Көть кыдзи Мингалёв эз пыксьы, лоис юны. Первой румка бöрын — мөдöс. А кор юыштіс, пыр жö син водзас лоисны моряк, Валя... Сэсся воссис и мөд сулея... Вот талун и юрыс поткөдö-висьö. А öд нель час кежлö колö мунны удж вылö бурöвöйö.

Комнатаын вöлі ыркыд. Весиг төдчис лов шы руыс. Мингалёв чеччис, думыштіс: «Колö ломтыны». Бара петіс коридорö. Из шом тыра ведра сулаліс пач вом дорын. Вайис пес, ломзьöдіс. Пöшти ведра джын из шомсö недыр мысти шыблаліс пачö. Сэсся бара пырис комнатаас да шыбитчис койка вылас. Слабника ойöстісны пружинаяс, жиньмуніны джынвöйö тыртöм комнатаын.

Джынвöйö тыртöм? Да. Нинöм на ньöбны эз удит, и эз тэрмась. Койка, вольпась, öшинь дорын гöгрöс пызан, пельöсын неыджыд этажерка, көні куйлöны книга комын кымын, стенин крука вешалка, көні öшалöны пась, пальто да плащ, чемоданыс койка улын — вот и ставыс, мый вöлі сылөн. Удждонсьыс сійö быд төлысь нельöд юкөнсö ыстывліс гортас: мамыслы да чойыслы, коді велöдчис öкмысöд классын. Батъыс эз вöv ловъя: уси война вылын.

...Война помасьöм бöрын во мысти Николай помаліс сизимöд класс да заводитіс уджавны колхозын. Но водзö велöдчыны көсйöмыс кыскис сійöс карö, куимсё верст сайö гортсянныс. Сэні пырис техникумö. Быд во, төвнас и гожöмнас, каникульяс дырйи, сійö воывліс гортас отсасьны мамыслы. Төвнас ваявліс пес, колхознöй муяс вылö кыскавліс куйöд. Гожöмнас ытшкис, куртіс турун. Удитліс и муяс вылысь идралыштны нянь. Рытъяс-нас ныв-зонкöд ветлывліс войпукъяс вылö...

Өти гожөмö, шоныд рытö Николай муніс орчча сиктö ылысса рöдня ордö ас кодъыс жö арлыда зонлөн нимлун вылö.

Төрöдчисны пызантъяс сайö. Медся тыдалана местаясö пукся-

лісны нывъяс да зонъяс, кодъяс важөн нин ветлөдлісны өтлаын, кыдзи шуоны сиктын — гуляйтисны. На костын важөн нин вөлі индөма свадьба лун, но виччысисны арсө. «Инавтөмъяс» (кыдзи шулывлісны томджык зонъясөс да нывъясөс, кодъяс эз на көртасыны өта-мөдныскөд) пуксялісны бокөджык, пөлать улө, көні вөлі пемыдджык да дзескыдджык.

Николай, төдөмысь, пуксис «инавтөмъяс» дінө. Рытыс лоис гажа. Мингалёв веськаліс кык ныв костө. Өтиыс на пиысь сьод юрсиа, кызінік, турунвиж платтьөа, пыр жө заводитіс сёрнитны, шмонитны сы вылын. Николайлы эз вөв лөсьыд, пукаліс емъяс йылын моз: ныв шутитөмө кывзысисны ставөн.

— Ёнджыка, ёнджыка сійөс, Аня!— кодсюрө ышөдісны нылөс.

— Мед збойджыка пукалас, миян костө кө пуксис!

Мөд нылыс, коді пукаліс шуйгаладорас, Аня серти вөлі дзоляджык тушаа, сьод юбкаа да дженьыд соска ковтаа, пукаліс лөня, сөмын кор нывъяс дзикөдз пикө воштісны Николайөс, өлөдіс найөс:

— Кыдзи оз дышөд? Мый мортыс вылө уськөдчинныд?

Недыр кежлө нывъяс лөньлісны. Аня видзөдліс мукөд пөдругасыс вылө, ворсыштіс синъяснас да шуис:

— Тэныд мый, Валя? Жаль лоис?

Кор гөстыяс лэптісны румкаяс да сиисны именниклы быдмыны нимлунъя пирөг ыджа, аддзыны бур невеста да заводитісны чокайтчыны өта-мөдыскөд, Николайкөд орччөн пукалысь нывъяс эз вешйыны места вывсьыныс, а өтвылысь сиисны именниклы бура овны. Аня ещө содтіс:

— Мыйла ми сы дорө мунам? Миянөс сійө оз и аддзы; сылысь синсө ёрө шондіыс — бокас со Катя Киселёва,— индіс сійө юрнас нывлань, коді пукаліс именниккөд орччөн.— Миян со асланым кавалер эм, именник моз жө пукалө. Сыкөд и чокнитчамөй!

Нывъяс серөктісны. Николай шөйөвоши: сыкөд кутісны чокайтчыны. Кодкө, кажитчө, весиг и окыштіс. Сійө эз вермы дорйысьны, шуткаяс вылө эз сюрны воча кывъясыс.

Кык румка бөрын Николай прамөя гажмис: первойысь юис та мындасө. Пызан сайын заводитісны сывны, сійө тшөтш мөдіс отсасыны. Сьылісны гоз-мөд сыланкыв, сэсся вештісны пызанъяс, заводитісны йөктыны.

Николай петіс ыркөдчыны кильчө вылө. Ывлаыс удитөма нин вөлі прамөя пемдыны. Ылын, му вежтасланяс, көні енэжыс өтлаасьө муыскөд, кыпөдчис кымөр, сійөс поткөдлісны чукльөсь би визьяс. Сэні неыджыд костъясөн мураліс. Недыр сулалөм бөрын Николайөдз пемыдсьыс кыліс ныв гөлөс:

— Йөюк тэ! Одва төдан мортсө, а радейтөм йылысь нин мөвпалан!

Вочакывсө Николай эз кыв. Сулалыштіс на, и мыйлакө думыштіс Аня йылысь да мөд ныв йывсьыс, кодөс шуисны Валяөн. Пырис, видзөдліс: гөстыяс пөвстын Аня ни Валя эз вөвны. Николай йөктыны эз кут, пукаліс на час мында, сэсся мөдөдчис гортас.

Юр весьтын кымөрсө чашйисны гимньөвъяс. Бытьтө гөра йывсянь изъя туйөд кодкө лэдзалис телегаяс. Төлыс гежөдика

вайёдаліс гырысь зэр тусьяс. Кымёрыс, быттё ыджыд сьод эшкын, өдйё вевттис войся енэжсё. Николай муніс өдйё, кыдзи сёмын поэё вёлі мунны пемыдын, чардыштігьясён туйсё видзё-далігтыр, и муртса эз уськөд кок йывсьыныс кык нылөс, кодъяс-өс суөдіс. Извинитчис да кёсийс ордйөдны, но өтигыс шыасис сы діно:

— А-а! Тайё жё мян кавалерным котөртё. Кашкё нин, коньё-рыд. Гымалёмысь полан? Лок, дзебам борд улө. Да, ме и вунөді: сійё жё полө нывъясысь,— и серөктіс.

Гөлөс сертигыс Николай төдіс Аняёс.

Сылысь чөв олысь пөдругасё чайтіс Валяён, и эз сорсьы. Чардыштіс, югдөдіс став сиктсё. Нывъяс окнитісны, а Николай аддзис Валялысь нюмсё, мелі синъяссё, кодъяс видзөдісны сы вылө.

Быттё вылысас пөсь ваён койыштісны!

Смелмөдчис, босьтіс киняувтіныс кыкнаннысё, и шуис збоа:

— Ме, гашкё, тіянөс и корси! Борд улад ме ачым верма тіянөс дзебны, кыкнаннытё.

— Кутшөм сюсь! Оз уна ло? Бордывйыд ичөт на!

Николай гөрдөдіс. Но пемыдысла Аня эз казавлы тайөс. Шутитігтырйи воисны Аня керка дорөдз. Аня пырис гортас, только мыйкё шөппнитіс Валялы да гораа шуис Николайлы:

— Тэ, кавалер, мянөс эн вунөд. Волывлы частөджык. Миян зэв гажа овывлө.

Николай да Валя колины кыкөн. Мыйкё дыра мунісны лөня. Некодныс медводдзаён эз заводитны сёрнисё: Николайлы эз сюрны колана кывъясыс, а Валя, гашкё, яндысис.

Төлыс өтарё ыдждіс. Зэр тусьяс сюсьджыка тотшкөдісны керка вевтъясё, шаргисны туй вылө, а сэсся өддзис да өддзис, кутіс кисьтны кёшысь моз. Николай да Валя, муртса удитісны котөртны Валяяс керка дорөдз, сувтны кильчө вевт улө. Николай пөрччис пинжаксё, плавгис Валялы пельпом вылас: зэр тусьяс неуна удитісны нин көтөдыштны сылысь ковтасё. Валя первойсё эз кёйы босьтны пинжаксё, но век жё сөгласитчис, аттьөалис.

Сулалісны пөшти орччөн. Сёрнитісны этша. Костъясён. Унджыксё поводдя йылысь.

Тадзи коли час, а гашкё и кык. Зэрөмысь дугдіс. Только сёрмөм зэр тусьяс гежөдика ещө тельснитлісны ва гөпгьясё. Канаваясті, лөниника жургигтырйи, визувтісны дженьыд нэма шоръяс. Лэбысь кымөръяс косттігыс эз терпитсьы видзөдлыны му вылө кодзувъяслы: тэрмасисны төдмавны, мый лоис муыскөд. Төлыс заводитіс чепсасыны, сідзкө, бушков помасис.

— Меным кад. Да и тіян гортныд абу матын. Югдыны регыд кутас,— недыр мысти шыасис Валя да сетіс кисё.— Быд бурсё!

Николай небыдика, полігтыр топөдіс сылы мыччөм кисё, но муннысё эз на вөв окота. А Валя видзөдіс сы вылө, нюммуніс и воши өдзөс сайё. Николай весиг юавны эз удит, кор да көні вермасны аддзысьлыны выльысь. Сулаліс некымын минут, сэсся пасьталіс пинжаксё, лэччис кильчө поскөдыс...

Тушаыс быттё кокняммис. Кажитчис: кокъясыс пружинаяс вылын, ачыс лэбё туй весытгыс. Сьөлөмыс тіпиктіс, чеччаліс, эз төр морөсас. Николай восьлаліс гырыся, туй шөртгыс, пөраён кокъяснас веськавліс нйит гөпгьясё, но эз кыв ваыслысь ботинки

пиас пырёмсö, эз аддзы гач кокъясылсылсь няйтчёмсö. Синъяс водзас век на вöліны Валялөн юрсиыс, нюмыс, чужöмыс. И дивуйтчана: ставыс тайö тыдаліс ру пиын моз. Көть кызди эз зіль, сійö эз вермы кутны паметяс Валяös ставнас: чужöмыс и ставтыс нывлөн вочасөн вешйисны, ылыстчисны, вошины син водзсылс.

Дыр эз унмовсь сійö войнас Мингалёв, бергаліс вольпасын. Казытивліс думнас быд посниторийöдз ставсö, мый вöлі сиктын. Думнас сёрнитіс Валякöд, шуаліс мелі кывъяс.

Вот кызди овывлö, вöлөм, мортыдкöд: олö-олö, аддзысьлö да сёрнитлö уна нывъяскöд, и — нинöм: быттьö сідзи и колö. А бöрыннас кызкö тöдлытöг друг вошö спокойлуныс медся раминик видзöдлассылс, быттьö öзтасны гуся биөн. Сійö некор эз думайтлы, мый тадзи, друг, вичысьтöг чукöстчас сьölöмас радейтöмыс.

Унмовсис сійö, кор шондіыс вель нин вылö кайис енэжö да туйвывса ва гöпъясылсь мöдіс кыптыны ру. Но садьмис водз, и кыліс асьсö збодерөн, тырвийö шойччöмаөн.

...Аддзысьлывлісны найö частö, быд рыт. Öтлаын ветлывлісны кинояс вылö, йöктыны. Унаысь гуляйтлісны уличаяс кузя либö сулавлісны ю пос вылын, перилöясас кутчысьöмөн, видзöдісны векныдик, но джуджыд да сöстөм ваа ю вылö, коді куим боксянь кытшовтіс сиктсö. Найö, кызди кажитчис Николайы, гөгөр-волісны нин öта-мöднысö кыв шутöг, видзöдласъяс серти.

Ставыс эськö вöлі бур, но кутіс матысмыны торйöдчан кад: помасисны Николайлөн каникулъяс.

Валя лунысь-лун жугыльмис, аддзысьлігъясөн чөв оліс. Сöмын корсюрö лэптывліс Николай вылö лöзов синъяссö: вот-вот брызнитас синваыс. Николай зіліс гажöдны сійös, шмонитліс, но нывлөн шог эз быр.

Прöщайтчисны сійö жö пос вылас, көні сулавлісны рыгъяс-нас. Сьölöмгясныс тіпиктісны сідзи, мый кылісны öта-мöднысö. Мунігас нин Николай небыдика топöдліс да кужтöг первойысь окыштіс. Валя нинöм эз шу, только зарни синва тусьяс нывлөн тюркнитісны зонлы ки вылас, сотыштісны сійös. Валя, синвасö чышкаліг, бергöдчис мöдарö.

— Вот тэ и муна, Коля. Кутшöм öдйö... Гиж...

Николай и збыльысь эз дышöдчы письмöяс гижавны.

Валясянь воалісны жö нежнöй, радейтана кывъяса гижöдъяс. Николай öнöдз на видзö найös: куйлöны койка улын, чемоданын, муртса заводитöмаось вижöдны, көть и тубыртöма газет пиö. Корсюрö виддавлö найös, мукöдсö лыддьö выльысь. Унаысь турыштчывліс сотны, но пытшкөсса гөлös век öлöдліс:

— Думышты. Сотан — оз ло. Он-ö бырöд медся донасö?..

Сійö воас, кызди и воддзаясас, Николай локтіс гортас төвся каникулъяс вылö, но Валяös эз аддзых: мунöма районö командировкаö сельпо делöяс кузя. Николай мунтöдз сідзи и эз удит бöрсö локны. Письмöясыд — письмöяс и эмось, а сёрнитыштны, аддзысьлыны көть звук кезлö — мöд делö...

Дум вылас уси пачыс да Мингалёв чеччис, петіс коридорö, видзöдліс. Поддувалöсьыс тыдаліс би югөр, а из шомыс пачас быттьö абу и öзйывлöма. Босьтіс коколюка, көсийс гудрыштны, но лои на кучкыны вывсянныс. Вöлөмкö, из шомыс вылісянныс коркаасьöма, лöма кокс, а увсянныс дзоньнас öгыр. Коколюкаөн кучкöмысь коркаыс поті, потöминтіыс ыпнитісны би кывъяс.

Комнатаас пыригмоз на босьтис улӧс, пуксис пызан дорӧ. Юр висьӧм прӧйдитис, но киясыс век на дрӧжжитисны. Босьтис пызан вылысь чойыслысь письмӧ, кодӧс аддзис ӧдзӧс вугйӧ суйыштӧмаӧн тӧрыт, столӧвйысь локтигӧн, выльысь заводитис лыддыны:

«...Ми олам бура. Тайӧ лунъясас на тэсянь воис куимсӧ шайт. Ыджыд аттӧ. Ньӧбим меным платтӧ дӧра, мамы шоньд ковта. Лун-мӧд сайын начким межӧс: помнитан кӧ, регыд менам чужан лун. Жаль: тэ ылын, он ло менам праздник вылын...»

Письмӧ помас чойыс гижис сиктса выльторъяс йылысь:

«Иван Ивановичӧс вежисны председателысь. Шуӧны: юӧмысь пӧ. Ӑни председательӧн райфоса заведующӧй Титов. Аня Тюрнина, миян «атаманшаным», да физикаысь велӧдысь Валерий Максимович гӧтрасисны. Сӧрнитӧны: Валя Кочановаӧс пӧ коравлӧмаӧсь жӧ нин куимӧн. Тэ ӧд тӧдан Валясӧ, кӧнкӧ: век тай Анякӧд пӧдругаасӧны вӧли. Кык зонсӧ ог тӧд, Лемвинскӧй леспромхозын уджалӧны, а коймӧдыс — Борис Зыбин, моряк, локтис армияысь воддза гожӧм. Сийӧс тэ, дерт, помнитан, кӧнкӧ: воліс отпускӧ, кор тэ вӧлін гортын. Но Валя ставнысӧ бӧр бергӧдӧма, шуӧма: менам пӧ эм нин жӧникис. А збыльысьсӧ жӧ матигӧгорын некутшӧм жӧник йылысь оз кывсы...»

Кызди тайӧ?! Николай помнитӧ морякӧс, оз вунӧд. Моряк воӧма вӧли сиктӧ гожӧмнас Николайысь водзджык и, дерт, ставыслысь пӧртис синъяссӧ аслас форманас: мый и шуны, позьӧ ӧмӧй орччӧн сувтӧдны морякӧс томиник зонкакӧд?

Первой рытнас, кор Николай муніс клубӧ, пыригмозыс на аддзис, кызди моряк йӧктис Валякӧд. Сэсся пуксис ськӧд орччӧн, сӧрнитис, шутитис. И Валя вӧли рад, сералис. Дерт нин, вунӧдӧма Коляӧс. Матыстчывлытӧгыс ӧдйӧ бӧр петіс клубысь, крапкис ӧдзӧссӧ. Нельысь воліс клубӧ, и пыр аддзывліс ӧтлаысь найӧс: Валяӧс да морякӧс. Сідзи эз и ло сӧрнитӧмыс Валякӧд.

Дас лун гортас олӧм бӧрын, Валялы кыв ни джын шутӧг, муніс гортсыс. Пӧръяліс мамсӧ, мый корисны воны водзджык уджаланинас.

И вот, уджалӧ сийӧ войвылын, тундраын, бурӧвӧй вылын, неылын Харем-ю посёлоксянь, а олӧ посёлокас. Воысь унджык нин коли кадыс сэксянь, сы мында жӧ эз гижлы и Валялы. Эз вочавидз Валяӧн кык письмӧ вылӧ. Гижліс и Аня письмӧ, видіс, но пыдди эз пукты сылысь видӧмсӧ, вочавидзис лӧк ногӧн жӧ, скӧракодъ.

Но Валяӧс эз вунӧд. Эз! Помнитис. Сьӧлӧм пиас, пыдын, чувсалис первойя радейтӧмыс, кызди пачас кокс корка улын ӧзъялысь биыс. Пӧшти быд лун дум вылас воліс Валя. Казытывліс, кызди тӧдмасисны, гуляйтлісны сикт кузя. Босьтчывліс унаысь гижны, но век косявлывліс.

Проклятӧй тшаплун!

Чойыслӧн письмӧыс ӧни быттӧ жугӧдіс чорзьӧм кокс коркасӧ сьӧлӧмсыс. Йӧй али абу сийӧ?! Эз гижлы Валялы мыйта кад, эз верит сийӧ радейтӧмӧ, ышнясис, кор нинӧмысь вӧли ышнясьнысӧ. Сӧрнитис моряккӧд? Йӧктис? Но мыйла сэсся клубас том йӧзыс локтӧны, оз кӧ гажӧдчыны?! Валяӧс коралӧны, а сийӧ висьталӧ, мый эм нин жӧник. Жӧник! Кодӧс сийӧ лыддӧ

жөникөн, кодос виччысьо, оз кө сійос, Николайос? Дерт жө, став тайо кад чөжыс Валя виччысис толькө сійос!

Босьтис пызан вылысь тетрадь да карандаш: чернила эз вөв.

«Валя прөститас, коть карандашөн лоо... Мыйта чукөрмис гижанторйыс. Но кызди заводитны?..»

Ывлаын вөлі син ни пель — настоящöй войвывса пурга. А карандашыс Николай кийн тöдлытöгыс ветліс бумага вывтис, коляліс: «Валя... Валя...»

Да. Сійö гижас ставсö, мый йылысь мөвпаліс, гижас уна, тетрадь джын вылө öтчөдйөн. И öні жö, удитас кө. А оз кө удит — помалас аски. А сетны кө телеграммаö öні жö, удж вылө мунтöдз! Но кутшөм кывъясөн? Коть кутшөмөн! Мед сөмын Валя кылас Николай сьölөмлысь чукөстөмсö, гөгөрвоас, прөститас. Медым... көсйыяс локны татчö, войвылө, сы дінö...

Будильниклөн стрелкаыс петкөдлісны кык час. Сідзкө почта осьса на.

Николай тэрыба чеччис. Кыліс, кызди пöри улөс. Пасьталіс пасьсö, кватитіс шапкасö, шарпсö, игналіс комнатасö да, пась кизьяссö кизявтөг муніс коридор пыр, осьтис ывлаö петан öдзөссö да суныштис пургаас.

Кодзувлы — югъявны

Уна уджыс снимайтчысьлөн, торйөн нин сэк, кор сійö быдса районнй öтнасөн. Кымын морт во чөжөн пыравлө снимайтчысь керкаö няйт кокөн и сөстөмөн, ниртывлө көрт тувъя сапöгнас охраөн краситөм джоджсö и öдзөс порогсö, кольывлө аслас чужөм-тушалысь сер-тассö негативнöй плёнка вылө! Унаөн корлөны снимайтчысьсö гортаныс: то ли свадьба, то ли кулөма кодкө, то ли прөстө паметь вылө, то ли паспортö снимокъяс вöчны.

Некымын сё карточка снимайтчысь альбомъясын, а босьтны кө, зэв этшаос тöдö, этша йылысь кужö висьтавны: кодъяс найö, кызди олөны, мыйысь радуйтчөны, мыйысь шогсьöны. Кызвыныс торъялөны сөмын сійөн: либө мортыс сьод, либө еджыд, либө пöрысь, либө том...

Со на пиысь öти: неыджыд карточка вывсянь видзöдö курткаа, ар кызя зон. Кудриа юрсиыс петöма кепка увсьыс. Синъяс-сö читкыртöма, сулалө шондi паныдыс. Вомсö топыда тупкөма, кажитчö, улыс вом дорсö курччыштöма. Вот и ставыс, мый позö висьтавны карточка серти.

И сөмын осьса сёрни бöрын, быттö ловъя ваөн мыссьöмысь, ловзö мортыс, тыдовтчөны сылөн олөмыс, мөвпъясыс.

Вөлі тайö некымын тöлысь сайын.

Ме ветлөдлі районтi, волі леспромхозö, колхозъясö, снимаиталі бура уджалысьяссö районнöй Почёт Дөска вылө партиялөн районнöй комитет тшөктөм серти. Бура уджалысьясысь öддор снимаитi и уна мукöд йөзөс: кодос паспорт вылө, кодос комсомольскöй билетö. Плёнка пöшти бырис, колө вөлі веськөдчыны гортлань.

Колхозын, көні олi бөръя лунъяссö, сетöны вөлі машина мунны мир туй вылөдз, но ме öткажитчи. Йөз бурлунысь меным

вөлі долыд, но сьөлөмөй эз лэпты босьтны быдса грузөвөй машина, көть нин весиг час кежлө, кор сійө ёнджыка колө мөдлаын.

Не лыддыны кө дзоляник чемодан, көні новлөдлі улыс дөрөмгачөс, фотоаппаратөс да фотоматериалъяс, груз менам эз вөв, и ме өдйө восьлалі сійө вит верстсө, кодъяс торйөдісны колхозсө мир туйысь. Мир туй — тадзи нимтыссьө туйыс, коді йитө некымын район да омөля торъялө мукөд вөрса туйясысь, кыті позьö мунны машинаөн.

Машинаяс ветлывлісны гежөда: луннас, колөкө, мунласны вит-ө-квайт, и то отарө-мөдарө. Тайөс төдөмөн, машина виччысигмоз, воді туйбокса турун пиө.

Ме весьтын нюмъяліс кымөртөм, кельыдлөз енэж. Кажитчө, сорси: сэні вылын-вылын мыйкө вөлі... либө еджыд гөнтөр, либө мыйкө көч модаа. Но көчъяс өд гожөмнас абу еджыдөсь. Абу көч, а вөв вылын багатыр. Мунө багатыр чистөй поле вывті да видзөдө водзө. Кольчуга, өти киас копьё, мөдас — щит, юр вылас эзысь шлем. Тайө Иван Царевич. Мунө, көнкө, мездыны Кашей либө Змей-Горыныч киясысь ассьыс Василисасө... Аддзис менө Иван, мый сулала туйвежын, и гөнитө мелань: вөв кокъяс увсьыс лэбзьөны би киньяс. Көсйө, буракө, юавны туйсө мудрөй волшебник дінө, лэччө вөв вывсьыс, и мыйлакө юасьö: муна али ог ме Сөпдиноө. Чуйми, көсья вочавидзны, но друг аддза: енэжсянь ме вылө веськыда усьö кодзув. Нюжөді киясөс дорйысьны, а сійө чеччыштис боквыв да шыөдчис кыз гөлөсөн:

— О-о! Тыдалө, важөн нин табактөм, папирос дінө кисө нюжйөдлө.

Мый вынысь садьмөдчи, восьті синъясөс. И аддза ас дінысь беринөсь чужөма, балябөж вылас йөткыштөм кепкаа, гөрд юра копыртчөм мортөс. Сійө майкаа, мазутөсь гача. Гожъялөм киясыс вевттысьөмаөсь вөсньыдик бус слөйөн, вом доръясыс потласьөмаөсь.

Тайө и збыльысь вөлі Иван, сөмын эз Царевич, а Иван Жебырев, Сөпдинскөй райпотребсоюзса шофёр.

— Оз-ө туйным отарө мун?— юалө сійө менсьым.— Гортланьö кө — нуа.

Унзильпырысь висьталі, мый гортлань, дыша чеччи да мөдөдчи машиналань. Ассьым туйыввса ёртөс, зыртчөм чемоданөс, кузовө шыбитөм бөрын куті кайны сы бөрся.

— Дмитрий Николаевич! Кабинаыс жө прөст, мыйла тіянлы кузовын чеччавны? Сэні мед со эстшөм ветлысьясыс чеччаласны,— Жебырев индіс юрнас кузовлань да мигнитіс меным.

— Аттьө, Ваньö. Татшөм жар поводдянад кабинаад воздухыс оз тырмы, а кузовад, көть и буса, мыйта колө. Тэ, көнкө, өні ачыд рад мунны пассажирөн, а не шофёр пыдди?— шуи ме, сэсся, грузөвик көлеса вылө сувтлөмөн, шыбиті ачымөс кузовө, и синъясөн вочааси кузов пыдөсын тубыртөм фуфайка вылын пукалысь зонкөд.

— Меным? Пассажирөн? Гашкө, сэк, кор пета пенсия вылө!— воис менам пельөдз кабина өдзөс сиптөм шыкөд өттшөтш, и машина фыркайтігытйи вөрзьөдчис быдсикас гөпъясөн да гуранъясөн озыр мир туй кузя, кыті мунігөн мыйлакө век усьлөдум вылад районной доручастокса начальство.

Ме чолөмаси кузовын пукалысь зонкөд. И, веськыда кө шу-

ны, лои рад, мый ог отнам мун Сопдиноодз кольом ветымын километрсо: аддзи ертос, кодкод позяс сёрнитыштны. Татшом думьясон пукті чемоданос матоджык кабиналаныс, зонкод орччон.

Зонка, тыдало, эз вов варовьяс лыдыс (либө первойсо сэтшөмон кажитчис). Гашкө, вөйтчис аслас мөвпясө, мый йылыс позьö вөлі думыштны нинөм аддзытөм видзөдлас сертиыс, кутшөмон сійö видзөдіс бөрö кольыс буса туй выло, туйбокса гожся дзоридзьяс да пуяс выло, кодъяслон туй весьтö öшійөм увьясыс гежөдика инмывлісны кабина вевтö, öвтыштавлісны гожсайса ыркыдон. Пукаліс сійö пидзөсьяссö морос бердас матыстөмон. Кыптыштөм гач кокьяс увсьыс тыдалісны лөз носкияс, кокьясас — тапочкияс, вельветөвөй курткаыс да донтөм трико гачыс прамөя нин пудритчөмаөсь бусон; русөй кудриа юрсиыс гажаа йөктіс машина мунөмысь, кепкаыс вөлі пидзос вылас.

Сёрни миян костын чужис төдлытөг. Коймөд өдөн мунысь машина друг пöлыньтчыліс — миянөс шыбитіс борлань. Эгö на удитөй чеччыны, кызди шыбитіс мөдарө.

Ме уси зонка выло и чеччигмоз извинитчи. Ми видзөдлім öта-мөд выло, нюмөевтім кыкнанным.

— Ок! И туй жö! — шуис сійö, балябөжсö виддалігтыр, тыдало, кучкысьома. — Мөдысь таті муна, и öні өнджыка шыблөдлө... А тэ тайö местаясас важөн нин?

— Тані чужлі, тані и ола, — шуи ме. — Сөпдиноын школа помавлі. Öні районуын уджала. А тэ ассьыд уджалан туйтö аддзин жö нин али дасьтысян на корсьны? — думышттөг юавсис менам.

Зон нинөм эз вочавидз, тыдало, дөзмис.

Машинанымөс шыблөдліс кадысь кадö. Миян бөрвылын, туй весьтас, öшаліс машинаөн лэптөм верст джынъя бус кымөр. Жалиттөг сотіс шонді. Вöрыс помассис, и туйыс петіс видзьяс выло. Кысянькө кылыштіс ма дук.

Гашкө, чөскыд, уна пөлөс дзоридз дука сынөд вөснаыс, а гашкө, и сійөн, мый туйыс лои шылыдджык, зонлон воссис вомыс.

— Э-эк! — кинас öвтыштіс сійö. — Меным важөн узьны оз сетны мөвпясөй. Öд менö отнамөс семья пиысь шыбөлитіс... Ыджыд вок армияын полковникөн служитö, мөд вок — велөдысь, чөй — врач, горсоветса депутат. А ме? Тыдало, збыль шулывлөмаөсь: семья пö урөдтөм оз овлы. Ме талунъя лун кежлө дезертир ним новлөдла. Чуйминныд? Да, дезертир. А öд бур комсомолецөн ачымөс лыддывлі, взносьяс срокын мынтывлі. Збылысьсö жö вөвсьома... Э-э, кывьясыс сэтшөмьясыс абуось... Öні төда нин: комсомолецөн лоны — не сөмын срокын взносьяс секретарлы вайны да воыны быд собрание выло. Колö кужны аддзыны олөмсö, сьолөмнад кывны олөмыслысь лов шысö... Унаөн öні том йөз пиысь думайтöны: миян кадö пö нинөм ыджыдторйыс вөчнысö эз коль, подвигьяссö ставсö вөчисны, удитісны миянысь водзджык. Вөлі и менам грек: ме сідз жö думайтлі...

Кольөм во шөркодя помалі дасөд класс, гөжөмсö шөйччи, институтö эг тэрмась, кызди мукөд. Мөвпалі аслым: заводö пыра уджавны, станок дөрö сувта, кызди батьö ас кадас заводитлөма. А институтыд оз пышы, эмось кö менам төлк да кужөмлун.

И мөвпясын ставыс артмывліс шылыда, өдйö, торксьывалытөг.

Арнас, сентябрь заводитчигөн, Володя дядь, батылөн ёртыс, отсаліс меным пырны Сыктывкарса ремонтно-механической заводё. Вёскалі ученикөн ар нелямына, кузь тушаа уна во нин уджалысь токарь Коробов дінё. Мекөд сійё ёна эз сёрнитлы, да и некодкөд торъя эз варовитлы. Юавласны жё мыйкё сылысь, вомулас буркнитлас да водзё уджалё. Унджикторсё вёчны велавлі ас юрөн, сылөн уджалом бёрся видзөдігөн. Но корсюрё сійё век жё сетлывліс вёчны прөстөйджык детальяс. Меным кутіс кажитчыны, мый сійё уджалё надзён, а позьё өдйөджык. Отчыд ме сылы висьталі та йылысь. Сійё син бөжнас видзөдліс ме былё, буркнитіс: «Кор ачыд сувтан кок йылё, сэки и өдйөсө уджав, петкөдлы». Смена помас жё сылөн век вөлі нормаөнджынийөн, а то и кык норма петё. Мукөдыс шензьевлісны, и ме эг этша дивуйтчыв.

Коли кык төлысь, и меным сетісны станок. Кыдзи ме виччыси тайё лунсё! Кыдзи радуйтчи! Тайё сөмын меным гөгөрвоана. И мый ті думайтанныд? Норма джын сөмын вөчи, и сы пиысь дас квайт процентис — брак. Сэтшөм эз ло лөсьыд, удж бөрын өдва вои гортөдз.

Мөд луннас, кор вөлі вөча на первойя детальяс, локтіс ме дорё Пётр Никодимыч (тадзи вөлі нимыс да вичыс Коробовлөн). Сійё төдмалөма менсым «бура» уджалөмөс, локтөма видзөдлыны. Зіли быдтор вёчны өдйөджык, но, дерт, и польшті на йөз видзөдігад да ковтөг кватласи. Сулаліс сійё минут вит кымын, шуис немын кыв: «Повтөгджык. Лөньджыка. Чеччавтөг». И муніс.

Эз пыр, но век жё делөяс менам бурмисны. Пётр Никодимычөс эг вермы суөдны, но норма неыджыд содтөдөн куті сетны, кыдзи и унаөн цехын. Уджалі тадзи февраль помөдз, нажөтка босьті шөркодя: мам вөлі рад да и аслым на кино былё да мороженёй былё кольлі!

И сэки, өти лунё, заводса комсомольскөй секретарь Надя Ковалёва висьталіс меным, медем ме квайт час рытын муні горкомё. Первойсө повзыштлі: өд горкомад мукөддырийыс корлөны мыйысь-нибудь шыльөдыштны юрси паныдыд. Ог төд мукөдлаын кыдзи, а мян овывлө сідзсө... Мый кузя корөны — Надялысь юавны вунөді. Но вочасөн полөмөй быри: ас думысь нинөм омөльторсө ме эг вөчлы.

Удж бөрын пыр жё локті гортө, сөйышті, пасьталі праздничной костюмөс и муні горкомё. Кор ме пыри, сәні вөліны нин морт комын кымын. Найё, неыджыд чукөръясөн сулаліг, мыйкө йылысь гажаа сёрнитісны. Мый йылысь — эг удит төдмавны: зонъяс пиысь өти корис менө лекционной залё, и ми кайим мөд судтаас.

Вылынджык, сцена вылын моз, гөрд дөраөн вевттьөм пызан сайын пукалісны мян заводса комсомольскөй секретарь Надя Ковалёва, комсомоллөн горкомса первой секретарь да ещө өти төдтөм зон.

Ставыс чукөрмисны морт сө гөгөр. Кор пуксялісны, лои лөнь. Сэки сувтіс горкомса секретарь да заводитіс сёрнитны. Сійё висьталіс, мый уна комсомолецъяс асьнысө жалиттөг өні уджалөны Казахстанса да Алтайса эжа да эжмөм муяс вылын, тышкасьөны озыр урожай вөсна, кыдзи война воясө налөн гырысьджык ёртъясыс тышкасисны Рөдиналөн честь вөсна. Но не сөмын

колö лэптыны Алтайн да Казахстанын эжа муяс — миянöс гырысь уджъяс виччысьöны и асланым республикаса войвыв районъясын. Сэтчö колöны сюсь да повтöм йöз, кодъяс дасьöсь мунны быд пöлöс сьöкыдлунъяс пыр. Партия шыöдчис комсомол дорö, и ми не долженöсь подведитны... Помалiгас корис пöся чукöстчыны партиялөн призыв вылö. Сы бöрын сёрнитiсны Надя да ещö кымынкö морт залын пукалысьяс пиысь. Унджыкыс, на лыдын и ме, кöсйысисны мунны сэтчö, кöнi вöли сьöкыдджык, коланаджык. Разöдчим комсомольскöй путёвкаясөн...

Шофёр сувтöдiс машинасö и, кабинаысь петiгмозыс, горöдiс миянлы:

— Чеччöй, воим! Тшынасьыштöй — радиаторö ва содтышта. А сэсся ещö час — и гортынöсь лоам! Юны кöсьянный? Со и ю визувтö, сöдз, югид, кöдзыд ваа.

Ми надзöник, кузовын чеччöдлöмысь доймалöминъяс малалiг-тыр, лэччим машина вылысь. Важөн нин мöвпалiм вом тыр ва йылысь, и вöлiм радöсь сувтöм вылас... Сэки ме и снимайтi зонкаöс...

Орлöм сёрни йитчис бөр, кыдзи сöмын машина вөрзöдчис, вуджис ю вомöныс неыджыд пу пос вывтi да кутiс ылыстчыны ю дорсянь пожöма яглянь.

— ...Пöлучитiм путёвкаяс,— водзö висьталiс зон,— и виччысь-ны ог вермöй вöскресеннö лун: сэки колö вöли петны туйö. Но вот, воис и мунан лун. Миянöс кольöдны локтiс, гашкö, став карыс: музыка, йöктöны, сьылöны, окасьöны нелямын градуса кöдзыд вылö видзöдтөг.

Кык сутки бöрын воим тiян районö, ас костаным ставным тöдмасим туйын, и некод эз вöv жугыль. Воим войнас, но та вылö видзöдтөг, миянöс вöлöм виччысьöны: иналiсны гостиницаö. Вöли нимкодъ, мый тöждысисны миян вöсна.

Аскинас аддзыси öти том морткöд, кодi, вöлöмкö, миян карысь жö. Сийö уджалö Сöпдинскöй МТС-ын. Менö да менсьым ёртöс ёна корис кольччыны асланыс МТС-ö. Ми сöгласитчим. Комсомоллөн районнöй комитетын шуисны: «Миянлы и сэнi колöны уджалысьяс». Эз кутны мунöмсьыс. Некумын час мысти ми вöлiм нин Сöпдинскöй МТС кантора дорынöсь.

Муртса удитiм петны автобусысь, и миян дiнö, код тöдас кытысь, воис сьöдасьöм чужöма, мазутöсь телогрейкаа морт.

— Выльяс? Гөгөрвоана. Куритчан сюрас?— шыöдчис миян дiнö, сэсся босьтiс кодöнкö чургöдöм папирос да, юръяс вывсьянь кокъяс улöдз миян вылö видзöдлöм бöрын, чöвтiс пинь пырыс: «Кисель!» — сьöлыштiс муö да мунiс. Висьталiсны, мый тайö первой лодырыс МТС-ын.

И вот, быттö нарошнö, ме веськалi овны общежитиен кык морта комнатаö Жикинкöд, тадзи вöли сылөн овыс.

Первойсö ставыс вöли сiдзи, кыдзи колö: асывнас ме сыысь водзджык мунлывлi удж вылö, а рытьяснас аддзысьлывлiм этша: зiльывлi мунны сы дiнысь. Сийö воылывлi сёрөн, быд лун вöли код и мытшласысь кывйөн заводитiс меным висьтавлыны ас-лас ветлöмъяс йылысь. Ме вевттысьлi эшкынөн юр вывтi и зiльывлi öдйöнджык унмовсьны.

Но недыр кад мысти сийö век жö суйис ме пытшкö «пучö-йöс», кодi дугдывтөг кутiс йирны менсьым юр вемöс...

Лунъяснас ми ремонтируйталім видз-му уджалан машинаяс, а рытъяснас час нель быд рыт уджалім комсомольскёй субботник вылын — вöчим выль ремонтнöй мастерскöй. Вöвлі и дзескыд, кöдзыд: пургаяс да морозъяс дырйиыд мазутось спецoдеж-данад и керъясöн ноксыны абу пöсь шыд панялöм кодь.

Субботникъяс вылö волевліс и Жикин. Уджавны? Мед эз! Мунывліс öтар помсянныс мöдöдзыс да шуывліс: «Уджалад, том йöз?.. Стучитöй, стучитöй, сöмын чернаныд унджык, а пиньяснад этшаджык». А гортын шуывліс: «Кутшöм чöрт тэнö, Андрейна, татчö вайис?» Андрейна менö шуöны, а овöй — Ветошкин. «Тэнад, шуö, вöлöма места заводуын, не сэтшöм-татшöм эмтээсын... за-водуын! Сэні вермин вочасöн велöдчыны мастерö, деньга мыйта вермин кулыштны — эн эмтээсын мында. А деньганад — нывъястö бöрйы, кодöс колö, и ресторанын — лолыдды мый колö! Олөм!.. Пропадитан тані, и здоровьетö воштан», — шуас вöлі тадзи да серöктас. А менö татшöм сёрнияссыд кезйöдліс. Жикин жö зілис быд лун: «Вот тэнад вокъясыд — кыкнанныс велöдчöмаось, петісны йöзö мöд туйöд, а эз мазут да няйт пыр. Тэ жö мыйкö ни тпру, ни ну! И окота тэныд тані гождьявны?!»

Менö сылөн тайö сёрниыс ёна дöзмöдліс, и мукöд дырйиыс ме паныдавлі сійöс: «Но и мед! Абу став йöзыслөн олөмас öти туй. Мукöдыслөн туй вылас унджык изъясыс, и найö, туйсö весалöм бöрын, воöны асланыс цель дорö озырджыкөн да ёнджык сьöлөмөн».

Жикин менö лэптивліс серамвыв.

Бедаыд пö, шуывлөны, öтнас оз лок. Сэк жö ещö öтитор лоис мекöд. Ме вошті ёртъяслысь дöвериесö. Артмис тайö тадзи. Тэрмасим ремонтируйтны видз-му уджалан машинаяс ылысса колхозъяслы, медым рöспутаöдз нуны найöс места вылөдз. Меным сетісны вöчны жугласьöм да изсьöм машина частьяс пыдди выльясöс. Весиг удж бöрын кольчывлі, пошки-зіли, вöчи, тöді, мый колö ёна. А кор эштöді, тыдовтчис, мый вель уна частьяс менам вöчöм пиысь оз шогмыны. Вöлі гөгөрвоана: лун кык-куим, а то и унджык, воши. А тулысыс эз виччысь...

Чукöртчис комсомольскöй собрание. Ёна видісны, кодсюрö весиг шуисны менö вредительöн. А ме мый? Висьталі, дорйыси, петкöдлі налы чертёжъяс, кодъяс серти уджалі. Но кывзысьыс эз сюр. Вöлі факт, а мыйла, кыдзи сійö лоис — некодлы делö эз вöв. Шуисны: гижны личнöй делöö строгöй выговор; муртса эз вöтлыны комсомолысь, а öд вöлі сэтшöм предложениеыс. Муні сэки собрание вылысь скöрөн, дöзми да. Ме öд тöді: ставсö вöчи стöча-бура. А кыдзи бракыс артмис, бöрынджык нин тöдмалісны: главнöй механик сорсьöма чертёжъясас.

Став вынъясөн машинаыссö век жö лои ремонтируйтöма да рöспутаöдз мöдöдöма колхозъясö, но выговор сідзи и öшаліс ме вылын. Либö кадыс эз вöв собраниеыс вöчны, либö ёртъяслы яндзим лои шуны, мый неправось вöліны, но тайö вопросыс сэки да и бöрынджыксö коли видлавтöг. Мукöдыс, гашкö, и вунöдісны, а ме пытшкын пукалысь «пучöйыд» аддзис тайö слаб местасö, кодöс шуöны öбидаөн, и быд лун ёнджыка и ёнджыка тöчитіс, тшöктіс кывзысьыны Жикин сёрниясö. Геждöда куті ветлывны и ёртъяс дінö. А сэки ещö и сёрни кутіс ветлыны, мый

МТС реорганизуйтөм бөрын, миянөс ыстасны колхозө. Жикин сэтчө ещө содтывліс: «Сьөкыд лоас первойтө запчастьяссыд. Кутшөмсюрө заготовкасыд вөчан да и жугавны абу дыр. Весь сулалөмгьяссыд тиянлысь ассияныд дон бергөдасны. Колхозьяслы колөны уджалысь машинаяс, а оз кулөм техника...»

Тэ юалан: кыдзи өні кута относитчыны Жикин дорө? Ме думайта да, сійө абу нин сәні — вөтлісны. Ещө сәки на ме юавлі аслам өртгьяслысь, мыйла видзөны сійөс эмтээсын. Но найө шуисны: «Начальстволы тыдалөджык».

...Ог төд мый: то ли өбида, то ли мамө висьөм йылысь письмө, көні өттшөтш юөртісны Володя дядь кувсьөм йылысь, а, гашкө, и ставыс өтлаын гудыртісны менсьым юр вежөрөс, и ме өти лунө чукөрті көлуйөс чемоданө. Гусясьысь моз, бөрвыв видзөдалігтырйи, мед некод эз аддзыв, керкаяс сайті лэччи пристаньө, сөлі пароход вылө и рытнас вөлі нин ылын Сөпдиносянь...

Со кыдзи заводитчис менам дезертируйтөмыс,— брезгуйтана чукыртчывліс сылөн чужөмыс,— яндзим весиг и висьтавнысө. Но ме кыв сеті аслым: висьтавны өртгьяслы локтөмөн тшөтш ставсө тайөс, мый өні тэныд висьтала. А вот эг вермы терпитны и тэныд, төдтөм мортлы, заводиті... Ог вермы водзө кыскавны тайө ниятсө сьөлөм вылын, мед төдасны йөзыс, видасны, видзөдасны ме вылө сэтшөм видзөдласөн, кутшөмөс заслужиті,— гашкө, кокньөдас неуна. А висьтала вот и быттө ме вылысь сімөм көрт вылысь моз сім лэччө.

Витөд луннас вои гортө, рөднөй карө. Бур, көть төдсаяс кар кузя мунігөн эз вочаасьны. Пыри гортө, чолөмаси. Мамө чуймис. Сылы лөсьыдджык нин вөлі, но вольпасьысь эз на чеччыв. Шензис менам локтөм вылө, но вөлі рад. Юасис быдтор йылысь, сөмын эз юав, мыйла и дыр-ө кежлө локті.

Төвнас, менам мунігөн, сійө эз ысты, а батьө шуліс: «Мед мунө. Том йөзлы колө велөдчыны овны аслыныс».

Бать локтіс удж вывсьыс рытнас и, кыдзи аддзис менө, пыр жө шыасис: «А-а, Андрей! Отпускө локтін али мый? Öдйө тиян отпусктө сетөны».

Ме, юрөс өшөдөмөн, висьталі, мый эз кажитчы меным: көдзыд и сьөкыд уджавны, и көсья заводө бөр пырны. Сійө кывзыштис, недыр видзөдіс ме вылө, сәсся кыдзи тай горөдіс: «Марш, шалопай, керкасьыс! Абу горт тэныд тані! Мед менам сингьяс эз адзыны! Став семья вылө позор!.. Колөкө, меным мамыдкөд, вокьясыдлы, чойыдлы дас пөв сьөкыдджык вөвлі, но уджалан местась некод эз пышйывлы! Эз вөв некод трусөн!..»

Гашкө, эськө дыр на сійө видіс менө, но ме кватиті кепкаөс да плащөс и чепөсйи ывла вылө. Веськыда кө шуны, меным и аслым эз вөв зэв долыд.

Дзоляник карын юөрьясыд разалөны өдйө: мөд луннас нин став төдсаяс төдісны менам локтөм йылысь, и не сөмын локтөм йылысь, но и сы йылысь, мый понда локті.

Вежон чөж эг петавлы гортысь, мамө вольпась дорын дежуриті, полі йөз водзас петкөдчыны. Батьө дугдіс увгөмысь, но дугдіс и мекөд сөрнитөмысь, быттө ме эг и вөв.

Өти рытө кызкө век жө збоймөдчи да петі клубө: гортын сәсся эз пукавсьы.

Первой вөлі кино, кино бөрын заводитчисны йөктөмгьяс. Ме

пыри куритчӧм бӧрын залас, пукси пельӧсӧ, медым ӧттшӧтш ставсӧ аддзыны и не лоны синмӧ шыбитчанаӧн. Клубас муні, медым аддзывны... эм сәні еджыд юрсиа ныв, почтальонӧн уджалӧ, гажа, збой — видзӧдлас кӧ, пӧсявлан и кӧдзавлан. Гажтӧмчи.

Пукала пельӧсын, виччыся, кор сійӧ, менам Зинаӧй, локтас, и друг аддза — локтӧ ме дорӧ Наташа Рублёва, заводысь нормировщица. Пуксис орчӧн, заводитіс сёрнитны. «Бур рыт, Андрюша,— шуӧ.— Вот и бур, мый тэ бара тані. Важӧн нин пӧ воӧмыд, а нӧйтчыд клубын эн вӧв?» А ачыс видзӧдлас ме вылӧ — югнитлӧны синъясыс, и увлань лэдзӧ найӧс: «Зонъяс ставыс муналісны коді кытчӧ. Мужикъяс сӧмын колины. Тані ӧд уджыс уна жӧ».

Довкнитла корсюрӧ юрӧн, мый сӧгласен сыкӧд, кӧть ачым и джын кывъяссӧ весиг ог кыв, и дугдывтӧг видзӧда ӧдзӧс вылӧ.

И вот воис Зина, а менам чеччӧ сӧлӧмӧй — некыз ог вермы лӧньӧдны. Видзӧдліс гӧгӧр, аддзис, дерт, менӧ, нӧ быттьӧ эз казав, сӧмын чужӧмыс стрӧгджык лоис. Оркестр заводитіс ворсны, и найӧ пӧдругаыскӧд тэрмасьӧмӧн петісны йӧктыны. Гашкӧ, думайтис, мый ме кора йӧктынысӧ. А ме пола петны пельӧсысь, яндзим меным.

Ворсӧны мӧд, нельӧд, дасӧд йӧктӧм, а ме пукала и пукала. И Наташа орчӧн пукалӧ. Кор корласны сійӧс йӧктынысӧ, мыйлакӧ оз жӧ мун. Ме ог сёрнит, и сійӧ оз. А кадыс йӧктӧмъяс помасьтӧдз коли этша нин. Збоймӧдчи. Чеччи да кори Наташаӧс. Сійӧ рад, нюмъялӧ. Ми петім пельӧсысь. Но друг музыкаыс дугдіс, и став йӧктысысяс быттьӧ команда серти пуксялісны стенбокса скамьяяс вылӧ. Сӧмын ми Наташакӧд колим зал шӧрӧ, но сзсса тшӧтш жӧ вешийм бокӧ. Некымын секунд мысти оркестр бара шыасис, йӧзыс йӧктӧны, и ми петім. Муртса воим зал шӧрланьыс, лӧнис музыка, и став йӧзыс видзӧдӧны ме вылӧ.

Гӧгӧрвои: меным объявитӧмаӧсь «бойкот», кедзовтӧны. Чужӧмӧй, кыла, гӧрдсыс-гӧрд лоис. Ӗдйӧ, весиг Наташалы кыв шутӧг, котӧрӧн-сорӧн муні ӧдзӧслань. Мыш сайын кыліс гора ныв гӧлӧс, сьылӧ частушкаяс. Ме йылысь. Гӧлӧс вӧтчӧ ме бӧрысь. Пӧсялі, от тӧд, кытчӧ мунны, мый вӧчны. Петігӧн ӧдзӧсас вочааси Зинакӧд, здорovайтчи, но сійӧ ме вылӧ сідзи видзӧдліс — думыштны он куж. Синъясыс вӧліны шогӧсь и скӧрӧсь, жалитысьӧсь и повзӧмаӧсь. Менам «здравствуйте» вылӧ эз вочавидз. А гашкӧ, и вочавидзис, да ме эг кывлы, петі ывла вылӧ.

Ветлӧдлі войбыд ывлаӧдыс да думайті: «Мунны бӧр Сӧпдиноӧ? А сәні кӧ таdzi жӧ паныдаласны?..»

Коли мӧд вежон, и мамӧ бурдіс, чеччис вольпасысь, а менам крепаммис юрын мӧвп: «Муна бӧр!» Быттьӧкӧ ме вывті тшӧтш муніс кутшӧмкӧ висьӧм. Менам ӧти туй — Сӧпдиноӧ, ӧртъяс дорӧ, кодъяс дінысь шыш моз пышйи, а ӧні на дінӧ муна, медым мысыкыны нййтсӧ аслам сӧлӧм вылысь.

Висьталі мамӧлы — бӧрдыштис, но воча нинӧм эз шу, висьталіс батьӧлы. Батьӧ сӧмын ӧвтыштис кинас, думнас, тыдалӧ, эз верит.

И вот ме бара нин туйын. Колльӧдіс менӧ ӧтнас мамӧ. Гӧгӧр йӧзыс жуӧ, но меным кажитчӧ, мый ещӧ кодкӧ оз тырмы.

Вит минут коли автобус вӧрзӧдчытӧдз. Сулалам, сёрни быри, мамӧлӧн люзыгӧ синваыс. Чышкалӧ чышгьян пельӧснас; и менам сӧлӧм вылын абу долыд.

И друг аддза: котөртө миянлань ныв, чышъяныс пельпом вылас лэччөма, юрсисö пыркөдө тöлыс... Зина! Уськөдчи паныдөн, кватиті киясөдыс. А сійö нюмъялө и бөрдө. Сулалам — горшным гөрэдзасис.

Тутөстис автобус. Ставным өттшөтш өта-мөдды зиям висътавны, мый эг удитöй, тэрмасям. Зина окалө менö, шөпкөдө пельö. Мый шөпкөдө — только меным, и ме тöда: сійö шөпкөмсö кута кывны нэм чөж. Пукси автобусö, горза код төдас мый.

А со и Сөпдино. Кыдзи жö менö тані встретитасны? — ыджыда лолыштіс Андрей, и лөнис.

Збыльысь, туйыс чукультыштіс неыджыд вөр ді бокөд, и ыджыд мыльк бокшаын тыдовтчисны шонді улын югъялысь выль вевтясяс керкаяс.

Андрей сувтіс да, кабинаас кутчысьөмөн, кутіс видзөдны водзö, сиктлань; став вöрасыс и чужöмыс петкөдлісны сылысь думъяссö, волнуйтчөмсö.

Да. Коли сэксянь вит тöлысьысь неуна этшаджык. Меным эз удайтчы ветлыны Сөпдинскöй РТС-ö, медем сетны Андрейлы туй вылын снимайтөм карточкасö, сы вöсна мый частö ветлөдлі район пасьта. И ме эг төд, кыдзи сійöс встретитісны ёртъясыс, кыдзи оліс сійö тайö кад чөжыс, кутшөм сьöкыдлунъяс вöліны сылөн, аддзис эз ёртъясыслысь дөвериесö. И эз кө отсав случай, ме, гашкө, дыр на эг төд нинөм Андрей йылысь.

Лун куим сайын, почта видлалігөн, син улö уси «Гөрд знамя» газетысь жирнöй букваяса гижөд: «Коммунистическöя уджалысь бригадалөн ним вöсна!» А улынджык снимок: «Сөпдинскöй РТС-са ремонтнöй бригада Виктор Смолев юрнуөдөм улын пуктіс аслыс мог — овны да уджавны коммунистическöя».

Кор аддзан журналъясысь либö газетъясысь аслад землякъяс йылысь гижөдъяс, кутшөмкө аслыспөлөс кыпыдлун чужö морöсад лыддигас. Видзөдлі первой снимок вылас — көкъямыс морт, а горулас овъяссö гижөма. Лыдди: Политов, Васин, Демидов, Уляшев, Ветошкин... Весиг чуйми: Ветошкин?.. Андрей?..

Выльысь муніс син водзті машинаөн локтөм, Андрейлөн ас йывсьыс висъталöмыс.

Тундраын

1

Ньöжйөнник шывгисны руд кымөръяс. Локтісны найö кысянькө рыгыв-войвывсянь и öтарö пыр сукмисны да кызісны, жмитісны мулань тундралысь сідз нин ляпкыдик быдмөгъяссö. Шочиника гылалісны зэр тусьяс. Лысваалис.

Алексей кок шыысь матысса дзояник тыысь качөдчисны горда гозъя. Матысса бадь кустъяс пиысь горзігтыр чепөсйис байдөг, но ылö эз лэбзыы, бөр пуксис. Неуна котөртыштіс да бара кыпөдчыліс.

«Мудеритө. Позйыс, буракö, тані», — думыштіс Алексей да матыстчис кустъяслань.

Бадь куст пиын, вутш юр вылын, гөптөдыштөм местаын куйлісны беринөсь вит кольк. Алексей копыртчис, босьтіс öтикөс.

Недыр кутіс киас, а сэсса пуктіс бөр да тэрмасигтырйи ылыст-
чис поз дорысь, көні коли горзысь байдөг.

Неыджыд мыльк йывсянь местаыс тыдовтчис паськыдджыка. Гөгөр плавгысьома тундра: то нитшкөн да ялаён кытсюрё вевт-
тысьсөм куш плеша мылькъяс; то мылькъяс костын посныдык
тыясөн да гөпъясөн тырём баддя увтасінтьяс; көнсюрё дзоридзалө
мырпом. Көть кытчö эн мун, быдлаын өтсыма мылькъяс, увтасінъ-
яс, өта-мөдныскөд өткодь ю визьяс.

— Э-э-э-й!.. Ого-го-о-о!..

Но горөдөмсö пыр жö нбылыштіс тундралөн паськыд эрдис.
Весиг йөлөгә эз удит паськавны, сёрмис.

Шы ни төв.

Лыйис пищальсьыс.

Воча кывйөн вöлі матысса кустъяслөн шөпкөм...

Абу өткодь быдлаті тундра, көть и уналы сійö кажитчö өт-
кодьон: оз быд мортлөн синмыс казяв тундралысь приметаяссö,
кодъясöс төдөмөн поэö кокниа мунны колана местаö. И тундра-
ыс унаос ылөдлө. Весиг тундраын дыр олысь мортлы поэö зэв
кокниа ылавны, торъя нин сэки, кор компасыд да картаыд ко-
льöны палаткаö либö седлө сумкаö, а шондыс саялө сук кы-
мөръяс пиö. Паськыда шевкнитчöма тундра! Синнад он сыв-
йышт... Гөгөр эрд, некөн весиг öти прамой пу оз быдмы. Мыльк
бокъясыс быттö паськыд ыбъяс. Дзик лунвывса степ. Только
тракторъяс оз тыдавны. А прöйдитліс кө сэті трактор — сöмын
сы могысь, медем кыскыны öти местасянь мөдö бурөвöй вышка
либö жö изыскательскöй партияяслы прöдуктаяс.

Алексей муніс нин час мында съод излань, көні сійö көсйы-
сис аддзысьны ёртъясыскөд. Съод из — сійö ыджыд валун, код
төдас кыдзи веськалөма сэтчö. Тайö местаыс быдөнлы вöлі пас
пыдди, и быттö кыпөдліс йöзлысь настроение: «Базаөдз ещö
дас öти километр!»

Алексей муніс нин вель дыр, но ни съод из, ни ёртъясыс
эз тыдавны, көть кызь öтикөд обнажениесянь съод из дорөдз
вöлі километр нель. Удж помалөм бöрын Алексей недыр вөтлы-
сис утка чукөр бöрся. Кык утка удайтчис лыины. Кажитчö,
ылөсö эз и мун, аскөдыс радиометрическöй приборыс весиг
вöлі: полевöй сумка кодь пульт да метр джынтья палич кузя
гильза öшалісны волыс йылын пельпомас. Но öд кыйсигад кадсö
да воськовъястö он артав, вермис и мунсьыны бокөджык.

Кымөръяс лэчисны ещö на улөджык, өта-мөдсьыныс торйö-
дөм няйт вата ёкмыльяс кодьöсь кывтисны Алексей весьтті:
вот-вот инмасны муас, крукасясны мылькъясö, кустъясö. Алек-
сей шыбитчывліс шуйгавыв, сэсса веськыдывыв, но весьшөрö:
первойсö ещö мыйсюрö тыдалісны на неуна водзысь, а недыр
мысти ставыс воши ру пиас и весиг омöля кутіс тыдавны кок
увсьыс. Зэрнысö дугдіс.

«Эз-ö вуджсьы палаткаяслань мунан туй вомөн? — вирдыштіс
юрас. — Тадзи и вошны абу дыр».

Бергөдчыліс, но недыр мысти бөр сувтіс. Дум вылас уины
вошөм мортъяс йылысь йөзлөн висьталөмъяс — кыдзи вошөм
мортыс повзьөм бöрас заводитö шыбласьны öтарö-мөдарö и ас
казявтөгыс мунö век ылөджык бокö.

Алексей пуксис кос вутш йылö куритчыны.

Босьтіс йирмөг. Кизяліс фуфайкасö.

«Вот эськö бипур кö öзтыны! Но мыйысь? Тундраад и бедь оз туплясь, кутшöм нин пес. Көнсюрö, дерт, и быдмöны ляпкыдик бадь пуяс, но найö улысь, тшынысь кындзи, нинöм оз ло. А гашкö?..»

Кытшлалыштис, чегьяліс увьяс. Кор чукöрмис öзтымön, биа-сис. Записнöй книжкаысь чинис вель уна лист. Вель уна истöг тув уси нитш вылö, кор би кыв нюлыштис кöстерö тэчöм увьяссö.

Тэрмасигтырйи куштис öти уткасö, содтис кöстерö увьяс, сэсся зумыдджык увйö пысалис уткасö да жаритис би весьтын. Кöть и сюмалис кынöмыс, уткаыслысь öти лядвей кындзи, Алексей эз сёй — жаритчöма омöля да и эз кылав совтöгыд.

2

Вугралöм-сорөн коли войыс. Но асылыс некутшöм вежсьöм эз вай: руыс эз и думайт разавны. Кутшöмкö лэбач матіникин заводитліс ассьыс сьыланкывсö, но регыд дутдіс, тыдалö, жутыль-мис жö.

Дуб утка яй сёйыштöм бöрын Алексей мöдöдчис водзö. Сылы кажитчис, мый небесаас öтилаті лоис югыдджык.

«Сідзкö сэнi шондi, а меным колö мунны асыв-лунвылö. Час кык мысти лоа палаткаяс дорын. Съöд из, тыдалö, бокö кольö-ма», — сьölöм вылас лой долыдджык, мунігмозыс весиг шутьяліс сьыланкывъяслысь мотивъяс.

Дыр муніс Алексей. Первойсö восьлаліс зіля, а кор палаткаяс сідзи и эз тыдовтчыны — дышмис.

Рытланьыс неыджыд төвру разöдіс русö, но вылөджык кып-тöм кымөръясыс ещö пыр на öтмоз шывгисны и шывгисны помтöм тундра весьтті. Бара заводитісны воавны зэр тусьяс. Шондi сідзи и эз мыччыв ассьыс чужöмсö.

Алексей водзын друг виччысьтöг поті муыс, и джуджыд берегъяс костысь аддзис косяса ю.

«Абу-ö Косью? — öзйылісны синъясыс. Но, километр кык ю кывтыдыс мунöм бöрын, гөгөрвоис: — Абу».

Местаыс вöлі тöдтöм.

Берег бокысь корсис лэбув, пуксис. Кокъясыс, то ли мудзö-мысла, то ли волнуйтчöмысла, тіралісны.

Воши! Сійö, Алексей Уляшов, воши тундраын, нельöд во уджалігөн, медся колана пöраас. Кольöм сезон помасигөн нин найö веськалісны, юясөн вайöм илсö видлалігөн, Харбей ты дорын кутшöмкö аномалия вылö. Анализ петкöдліс — эмöсь корсян породаяс. Сэки геолог Кузепелев висьталіс, мый кутшöмкö ю визувтан туй вылын, тыдалö, куйлö тайö породаыс. Сэки эз тырмы кадыс прамöйджыка корсьысьны. А тöдмавны абу зэв прöстö: көкъямыс неыджыд ю усьöны Харбейö, и пöшти öти местаын налөн вомъясныс. А таво видлалісны сöмын на куим ю вож, но тöдчанаыс нинöм эз сюр. Кузепелев видчö, көнкö?! «Быттьö ме нарошнö бокас муні!.. А, гашкö, тайö юыс Харбейö жö визувтö? Вот шойччышта да лэчча пöлöныс...»

Алексей пуктис пицальсö бокöджык, включитіс приборсö. Наушникись гежöдика кыліс тшок... тшок... Быттьö сэнi дзебся-сис дзоляник ур. Приборлөн стрелкаыс вуджис кызь цифра сайö и кутис дышиника дзöрны.

«Фоныс неуна вылынджык нормальноййысь. Нинём интереснөйыс абу», — выключитіс бөр. Выключитіс и пыр жö казяліс, мый сюмалö кынöмыс. Чукöртіс кутшöмсюрö лöп да заводитліс биасьны, но фуфайка зептас истöгыс ульсалöма. Весь воши вит истöг тув. Көрöбкаын кольöма öкмыс. Лыддис öтгшöтш и папироссö — квайт. Мый вöчны?.. Сэссия косяліс фуфайка увтыссö, кыскис вата тор. Кольöм нель патрон пиысь öтикысь перйис дрöбсö. Порока зараднас лыйис ватаö, ломзьöдіс бипур.

Бара жаритіс утка. Кытсюрö сотчöм, кытсюрö уль на утка яйыс кажитчис сэтшöм чöскыдөн, мый Алексей, көть и совтöг, öти здукөн сөйис ставсö...

Кöтасьöм гачыс руасис, кадысь кадö трачкöдчисны сотчысь увъяс. Алексейлөн вочасөн куньсисны синъясыс. Но недыр мысти садьмис: биыс вöлі пöшти кусан выйын, и кынмис мышкыс. Ещö чукöртіс увъяс, пунктіс биö...

3

Садьмис кутшöмкö шумысь. Вöлі лун. Узигкостыс мичаммöма, гежöдик еджыд кымөръяс костöд лöз енэж шöрын дзирдаліс шонді. Пыр жö гөгөрвоис: самолёт. Звирк чеччис, кватитіс пищальсö, котөрөн кайис берегöд кыр йылö. Чургöдіс вывлань пищальсö, лыйис. Лыйис мöдысь... Ещö. А сэссия, пищальсö стволöдыс кутігтыр, мöдіс öвтчыны да горзыны.

Но самолётсянь, тыдалö, эз казавны. Сійö лэбис и лэбис водзö, рытивыввлань, аслас туйöд.

Алексей видзöдіс сэтчöдз, кытчöдз самолёт эз саяв. А кор сійö воши син водзсыс, ньöжйöникөн бөр лэччис узян местаас. Сійö некор на эз чувствуйтлы и эз чайтлы, мый морт сэтшöма вермö мудзны, кутшöма мудзис ачыс. Лигышмуніны став мускулясыс, личалисны сөнъясыс.

Тадзи колис час джын кымын. Сылы лоис ставыс веськодъ: весиг мөвпгьясыс быттьöкö кынмывлісны юрас. Алексей чувствуйтис асьсö лёк ногөн узьöм бöрын моз.

«Лэбис? Мед! Да и кытысь аддзан татшöм ыджыд местасьыд морттö, кор самолётсяньыд кодзувкот кодъ кажитчан? Ладнö. Öти туй — ю кывтчöс. Көть пöльза вöча: кытчöдз тырмас приборын питаниеыс, муна, видлала местаяссö ю пöлöныс. Коркö öд помасяс жö юыс, либö палаткаяс тыдовтчасны, либö аддзыся кодкöдкö: корсьöны нин, кöнкö...»

Көть джуджыд берегъяс костті, көть ньывкöсінъясті, юыс вöлі пöшти öткодъ визув. Лөнъ местаяс эз паныдасьлыны. Гырысь да посни изъяс костöд сялыгис сöстöм ва. Чукыльöсь ю пöлөн кыссис изъя берег; бадъ кустьяса местаяс волісны зэв гежöда.

Мунны изъяс вывті вöлі сьöкыд. Резинöвöй сапöг пыр кок пыдöсöдз кылісны изъяслөн ёсь дорышгьясыс. Быд воськовтöмысь тувкис кокас. Шондіыс вель ёна шонтіс мышкусö. Ковмис разны фуфайка кизьяссö. Юр весьтас дзизгисны кымынкö ном.

«Шондöдны, тыдалö, кöсйö поводдяыс. Номгьясыд гажсö восьтасны. А антикомариныс абу. Муна, буракö, правильнö. Oz кө друг бокö чукульт, юыс пыр на асыыввлань, кажитчö, визувтö».

Шойччыштөм бөрын кокъясас мудзыс кыліс ёнджыка, но бөрыннас век жө разавлі. Алексей восьлаліс надзёник, радиометрической приборсё включитөмөн. Стрелка вөлі спокойнөй. Сюмаліс кынөмыс, и Алексейлы дышөдіс нин видзөдны стрелка бөрся: дөзмөдіс приборлөн өтмоз дыша тшокайтөмыс.

И думъясыс мунісны палаткаяслань.

«...Вот пөвар, Катерина Петровна, көсйө вөчавны өбед кежлө котлетъяс. Папирос ящикысь нетшыштөм фанера пөв вылын ыджыд пуртөн крөшитө яй. Первойсө ньөжйө: тшок... Видзөдлө часі вылас да заводитө неуна өдйөджык, — тыдалө, өбед кад матын нин: тшок, тшок, тшок. Ещө өддзө: тшок, тшок, тшок... А вот и крөшитө нин, быттё пулемёт лыйлө: тшок-тшок-тшок-тшок... Вывті нин өддзис, киас ещө сатшкас!.. Но мый нө тайө?.. Да тайө жө приборыс. Тшокайтөмыс наушникись кылө... Абу-ө збыльысь аномалия?»

Катерина Петровна саялі син водзсьыс. Алексей видзөдліс прибор вылө. Стрелкаыс вөлі медвылі пределын, жмитчөма ограничитель бердас, а наушникын дугдывтөг сяргис и сяргис.

«Торксис өмөй?.. Эз жө өд жугов?— повзыштіс Алексей.— Часлы, бөр бергөдчыла».

Сйө бергөдчис, муніс бөрө метр кызь-комын, и наушникын сяргөмыс дугдіс. Бара кутіс тшокайтны, а стрелкаыс приборлөн надзёникөн вешйис нульлань. Алексей пөшти котөрөн локтіс важ местаас. Наушникын бара заводитіс сяргыны.

«Вот кыдзи овлө! Со көні вөлөма — мун да корсь!.. Эг кө вош, гашкө, дыр на тырмис корсьны. А воши — стөч веськалі сы шөрө... Порода кусөксө босьтны аскөд?.. Вот Кузепелев рад лоас. Да и ёртъяс ставөн...»

Видзөдліс кокувса изъяс вылө. Прөстөй рудов да сьөдов изъяс, кутшөмъяс туплясьоны быдлаын. Сөмын кутшөмсюрө изъяс вылас, быттё нянь шөрөмъяс вылө, кодкө кисьтөма песок чиръяс. Да чиръясыс югъялөны и песоклөн дорысь гырысьджыкөсь, и рөмныс абу еджыд, а рудов кольквиж и бронза рөма.

«Пирит?.. Халькопирит?— воис юрас Кузепелевлөн висьталөмыс, мый корсяна породаяслөн месторожденияяс частө овывлөны пирит да халькопирит куйланінъясын матын.— Сідзкө, веськыда Иван Григорьевич висьтавліс. Тані мыйкө эм жө. Прибор өд оз пөръясь... Кыдзи босьтны колана изсө? А-а...»

Лэптис мусьыс кулак гырся кык сьөдов из, бөр мунліс ылөджык, пуктіс муас изъяссө да вешйис бокө. Лөсьөдіс приборсө да заводитіс матыстчыны. Стрелкаыс приборлөн вөрзис, но муніс дыша и, кор нин Алексей инмөдчис гильзанас изъясө, бара личкысис ограничитель бердө...

«Кыдзи пасйыны местасө, медым аддзыны мөдысь?»

Алексей сулалыштис, а сэсся сувтөдіс ыджыдджык из бердө пищальсө да лөжа гөгөрыс, мед оз пөр, чукөртис изъяс.

«Пас пыдди... Коді татысь гусялас, кор ловъя лов абу матын?.. Да и кыскыны сьөкыд».

Шойчигмоз Алексей восьтіс записнөй книжкасө. Медбөръя пасйөдыс вөлі июнь кызь сизимөд лунся. Гижис: «Июнь кызь өкмысөд лун. Төдтөм ю бокысь прибор петкөдліс руда. Муна ю кывтчөс, кытчөдз тырмасны вынъяс».

Ещё нёльысь лэччыны да нёльысь петны удитліс шонді, а юлөн вомыс век на вёлі водзын. Но берегъясыс неуна вежсисны, частоджык волісны лудъя да сук, кысьом бадь кустъяса местаяс. Мунны эз вёв кокныдджык изъяс вывті дорысь.

Кустъяс пиысь Алексей надейтчис аддзыны байдёг позъяс, көсйис нуръясьыштны колькъясён, но быттё нарошно весиг өти поз эз аддзы. Аддзыліс көчөс, но суан өмөй сійөс, кор сылөн кокъясыс тэрыбджыкось. Турун пөвстысь аддзис шомкор, өктіс да сёйис. Весиг зепъясас чукөртіс мунігмоз сёйны. Но кынөмыс эз пөт. Да ещё и восөдіс, сөмын юрыс висьмис.

Руда аддзанінсянь муніс нин нельөд лун. Первойсө өдйөнджык да унджык, но мунан нормаыс вочасөн лунысь-лун чиніс и чиніс. Кутіс нин артавны: «Со эсійө куст дорөдзис... Ещё эстчөдз...»

Некөн ни вотөс, ни тшак — кысь нин тулысын, арнас и то оз быд воө овлы. Да и кынөмыс лөнис, дугдіс сюмалөмысь, дубалі. Шомкоръяс вылө зывөк вёлі видзөдны. Вөйыштісны пыдөджык чужөмбанъясыс и синъясыс, нырыс ёсьмыштіс. Петісны щөть кодь ус да тош. Копрасигөн бергөдчис юрыс, дугдывтөг локтіс ун... Истөг да папирос важөн нин бырины, но вёлі окота куритчыны.

Воддза луннас кустъяс пиө колис радиометрической приборсө — быри питаниеыс. Дась вёлі шыбитны и фуфайкасө, но гөгөр дзизгисны номгяс да узигас фуфайканас юрсө тубыртөмөн, спасайтчис наысь. Узис лунъяснас — шоныдджык. А войяснас муніс.

...Садьмис кынь увтчөмысь. Пуксис.

«Бара увтчө... Мөд лун нин... Чайтө, кула...»

И друг чуймөмысла паськалісны синъясыс: воськов кызь саысь аддзис кузьмөс турунзём мыльк да воймөм пу крест.

«Гу?.. Али кажитчө?.. Туналө али мый?.. Збыльысь өд гу? Кыйсьысьлөн либө геологлөн, либө көр видзысьлөн, а гашкө ме кодь жө вошөм мортлөн? Но өд кодкө гуалөма жө... А мый, водны кө да тані и куйлыны, кытчөдз ог кув? Кула кө да аддзасны, кык гу лоас. Гажаджык».

Алексей ышловзис, бөр водіс, кунис синъяссө. Нюжөдчис. Вөрзёдчөмсьыс гач зептас өтик изйыс ёсь дорышнас кызкө лёк ногөн мөрччис лядвееяс.

«А изъясыс? Коді найөс нуас анализ вылө?.. А аномалияыс?.. Вермасны таво не корсьны татысь и не аддзыны. Сідзкө, бара во кольө весь, нинөм төдмавтөг, а то и кык. А таво кө оз сюр нинөм, Кузпелевлы сьөкыд лоас корны деньгасө трестса начальстволысь мөд во кежлө. А ме — кувны!.. Мый эськө шуис, төдіс кө өні думъясөс Кузпелев?..»

— Водзджык на дультө нылалан! — кыптөм сөнтъяса кулакнас грөзитіс кустъяслань кынылы и надзөник чеччис. Гөгөр видзөдлөм бөрын шатласигтырйи ылыстчис гу дорысь.

— Водзө!.. Сөмын водзө!..

Узянінас коли фуфайкаыс — вунөдіс.

Восьлалігас гач зепъясас сүйөм изъясыс кучкалісны кокъясас, тэрмөдлісны сійөс...

— Тоданныд-ö ті, уважаемой Вадим Афанасьевич, мый лои оператор Уляшовкод? Он тодой! Мыйла сийö эз во базаö аслас рабочойяскöд öттшöтш? Кыйсыны муніс, шуанныд? Сідзкö, ачыс и мыжа? А думыштолй, ті кö эськö асьныд вöлінныд Уляшов местаын. Мый сэки вöчинныд? Корсинныд база? Бур. А öд талун кöкъямысöд лун! Ловъя на кö, мый сийö сөйö, да и кöні сийö öні? Та йылысь эн думыштолй, он тодой?! А мыйла ті менам тшöктытöг дугдінныд Уляшовöс корсьны, мыйла Гуляевлысь группасö мöдöдінныд Лымва кузя удж выlö, кор мортсö энö на аддзöй?!.. Коді тшöктіс?!

— Да öд сизим лун нин партия сулалö, уджыс ачыс оз вöчсьы. Да и Уляшов öні абу нин ловъя, кöнкö. Весь воштам кадсö. Сöмын приборыс жаль, сийö медся бурыс вöлі...

— Тянлы прибор жаль? Мортыс абу жаль? Ті — том морт, том инженер. Кыдзи ті кöсьянныд уджавны водзö, кодкöд? Морт олöм йылысь мунö сёрниыс, а ті — прибор! Жаль, дерт, сийö. Но приборсö öд морт вöчö, а оз приборыс — мортсö! Быд уджалысь морт — сийö миян обществолөн зарни фонд! А ті... Öні жö пуксьöй вöv выlö, суöдой Гуляевöс... Ставныд мунöй Уляшовöс корсьны... Ловъя ли абу — корсьны!..

Инженер Потапов петіс палаткаысь гöрдöдöма и пöсялöма. А Иван Григорьевич Кузьпелев, поискöвöй партияса начальник да геолог, ещö недыр ветлöдліс бөрö-водзö палаткаті, топчанъяс костöд. Нервничайтіс. Дзормыны заводитöм юрсиыс дзугсьыштöма, шуйга вом дорыс сырмис. Лöньыштöм бöрын пуксис тьöс помъясысь кыдзюрö тувъялöм пызан дорö. Колö вöлі гижны удж йылысь отчёт. А мый гижан? Гашкö, сы йылысь, мый таво уджын нинöм на эз тöлкмы, либö сы йылысь, кыдзи воши оператор Уляшов, и сийöс корсьöны нин быдса вежон? Начальство-лы тайö пöшти ставыс тöдса, торъя нин Уляшов йылысь. Трест-сянь нель лун лэбалісны самолёт да вертолёт, гежмалісны тундра весътсö тайö районын, но мортöс эз аддзыны.

«Гашкö, и збыль абу нин ловъя, весьшөрö корсям? Вермис и зверь шөрö веськавны. Кöинлы, шуам... А öд кутшöм зон вöлі!.. Помнитсö: нель во сайын паныдаси паськыд пельпомъяса демобилизуйтчöм салдаткöд. Сёрнитчи, кори уджавны, велöді операторöдз. И дзöля вок дінö моз век шыасьлывлі... Но-но, всё равно корсьны!..»

Мöвпъяссö торкис палаткаö пыранінын то ли шаркöдчöм, то ли тотшкöдчöм. Сэсся мыйкö дыра мысти кыптыштіс брезентыс, и палаткаö бауөн кыссис морт. Öдзöс стойкаö кутчысьмөн ньöжйöник кыпöдчис кокъяс вылас. Сийö казяліс Иван Григорьевичöс да заводитіс ньылавны дульсö. Тыдалö, мыйкö кöсйис шуны, но эз вермы. Синъясыс видзöдісны пыдісянь-пыдісянь, дженьыдик тошка бан бокъясыс вöйöмаöсь. Киясыс вöліны кузьöсь, öшйöмаöсь бокъясас, кулакъяссö шамыртöма, вом доръясыс тіралісны.

Иван Григорьевич чуймöмөн сувтіс.

— Эн тöд... Иван... Григорьевич?— сьöкыда шöпкöдіс морт. Кузьпелев видзöдіс ещö здук-мöд, сэсся воськовтіс сылань.

— Алёша?! Тэ?

Шуёмас кыліс и радлун, и полём, и жалитём, и шензьём.
Воськовтіс да муртса удитіс кутны Алексейлысь кокняммём
тушасё муас шлювдёмьсь. Босьтіс мездорас да видзчысьёмён
пуктіс топчанвывса спальнӧй мешӧк вылӧ. А сэсса лэптыштіс
палаткаӧ пыранінысь брезентсӧ да горӧдіс орчча палаткаяслань:

— Вася! Катерина Петровна! Пыравлӧй ме дорӧ!

Радист да пӧвар локтісны.

— Катерина Петровна, вайӧй, пӧжалуйста, татчӧ чай да печенньӧ. Вот Алексейӧс вердыштны колӧ. А тэ, Вася, йитчывлы аэродромкӧд да кор сэтись самолёт: больничӧ колӧ нуны.

— О, господи!— Катерина Петровнаӧн киясыс шлапкысисны бокъясас.

Здук мысти пызан вылын сулаліс нин печенньӧ тыра тарелка, руаліс чайник.

Ас саяс воём бӧрын Алексей кыпӧдыштіс юрсӧ:

— Тӧрыт аддзи... Харбей... и тіянӧс... Гӧгӧрвои: Ярей-ю. Катыдас... Эм руда... Метр кыксё... Ӧти ногыс. Вот,— ӧдва разьсисны шамыртчӧм чуньясыс, и кысьыс палатка джоджӧ уси из. — Ещӧ мӧд... зептын.

— Куйлы, куйлы. Та йылысь бӧрынджык. Ӧні вай сёйышт!— Иван Григорьевич кысьтіс эмалированной кружкаӧ чай, суйис сэтчӧ ньӧдздӧдны печенньӧ.

Алексей первойсӧ эз кыв некутшӧм кӧр, сідзи и нылаліс. Но регыд мысти заводитіс горша сёйны, тшӧкъяліс, виньдаліс. А кор Кузьпелев дугӧдіс сёйӧмысь, весиг лӧгасис.

Кык час мысти воис самолёт. Пуксис сійӧ Косью пӧлӧнса ластва кодь местаӧ, палаткаяссянь верст джын мында сайӧ.

Катерина Петровна вайис Алексейлы байдӧг яйысь пуӧм шыд, бара чай да печенньӧ. Алексей сёйигкості Кузьпелев радисткӧд вӧчисны кык беддысь да брезентысь нӧсилка. Кор лои гӧтов, пуктісны сэтчӧ Алексейӧс. Водзын восьлаліс Кузьпелев, бӧрын — Вася-радист.

Алексейӧс пуктісны самолёт джоджас, спальнӧй мешӧк вылӧ, кодӧс вайис Катерина Петровна. Кузьпелев висьталіс радистлы:

— Лун кык мысти воа. Висьтав Потаповлы, медым Гуляевӧс мӧдӧдас Ярей-ю кузя. Сӧмын нюжмасьтӧг,— и пырис самолётӧ.

Недыр чӧв олӧм бӧрын, самолёт моторсӧ заводиттӧдз на, сійӧ копыртчис Алексей весьтӧ, гусьӧник шуис:

— Да, ме эг на висьтав: тэнад вайӧм изъясыд буретш сійӧ, мый ми корсям. Сӧмын колӧ тӧдмавны: уна-ӧ запасыс.

Иван Григорьевич здук кежлӧ ланьтліс, сэсса босьтіс Алексейлысь кысӧ, небыдика топӧдліс:

— Тэ, Алёша, молодеч. Абу сы вӧсна, мый аддзин месторождениесӧ. Абу... А сідз...



Лыддысьысь дорö кыв

Сё муса лыддысьысь, ми восьтам журналын «Зарни кудйысь» юкөн. Кёні кадысь кадö кутам йöзöдны коми мойдъяс. И талы помкаыс некемын.

Медводз казтыштам коми лыддысьысьлы, мый коми литература зумыд пучернас и пашкыр туганнас петö фольклор вужъясысь. Мöдногыс, гашкö, и оз овлы: мирса быд литература сөвмö да паськалö йöзкост сьыланысь, йöзкост мойдъясысь. Босьтны кöть Кебраса Иван Куратовöс, кодлысь медводдза кывбуръяссö йöзöдлісны коми войтырлөн сьыланкывъяс ним улын. Эз öд весьшöрö сійö гижлы: «Босьтам сьыланкыв ас шöрысь, ас му-ва вылысь, ас вöрысь». А мый дон сулалöны да кытысь быдмöны «Помöсдінса колиплөн», Тима Веньлөн серпаса гижöдъясыс да «Ныв сетöмыс»?! А Лузор Васьлөн «Алöй лента» романыс оз-ö новелла кодъ коми мойдысь пет? Быд прамöй коми авторлөн, быд медбур коми гижöдын мыччысьöны коми фольклоркöд йитчöм образъяс, сюрöсьяс, да и кывйыс шогмана, йöзкостысь кывлöм, йöзкостысь босьтöм.

Воисны тай кадъясыс, кор миян оласногным, вежöрным, быдлунъя да литературнöй кывным пыр ёнджык и ёнджык öтдортчö пöль-пöчнымлөн олöмысь, писькöс коми вежöрысь, мыла йöзкост сёрниысь. Кад воис бергöдчывлыны важас, мед выльыс артмис да сөвмис. Мед эз ор коми мортыс. А сыланьö унатор зырö да личкö. И коми кывтö школасьыд вуштöны. И лыддысьысь чинö. Да и гижысьыс абу нин воддза мында, оз рипитöинöн гож водзын жу.

Ас кадö «Ударник» журналын (сідз коркö «Войвыв кодзулыд» шусьывліс) П.Доронин йöзöдліс коми мойдъяс, кодъясöс чукöртлісны, сідз шусяна фольклор бригадаён Коми му пасьта. Пуксим редакцияён, сёрнитыштім, дай шум: а мый эськö не бергöдчывлыны сійö кадся традицияс? Мый эськö не петкöдлыны коми лыддысьысьлы, мыйысь сійöс орöдöны? И кывйыс мойдъяс-ас «кöрөннöй», абу öнйя шылльö-мылльöйд, выль кывпесаныд. И мойдыс ачыс некор оз важмы, дай быд лыддысьысьлы шогмö: томлы кöть пöрысьлы, ва челядьлы кöть сюра-тошка мужиклы.

Мед лоас мянсянь козинтор дона лыддысьысьлы!



Мойдъяс

Шөвк тупыль

Олісны-вылісны старик гозъя. Налён вөлі куим ныв. Тулыс воис, гөра-көдза кад. Батыс гөрис.

Куим чой град кост лэптыны петісны. Град костөд шөвк тупыль тупыльтчө. Сы бөрся ыджыд чойыс вөтчыны кутіс. Вөтчис да вөтчис. Сэсся тупыльыд понөль костө тюрис, дай, ошкө пөрис. Ошкыд шуө: «Ме вылө сөв, он кө сөв, ме тэнө сёя». Нылыд и пуксис бөрдігтырйи. Ош сійөс нуис гортас. «Ов ме дорын. Пусы-пөжась, чышкась-мыськась».

Мөд луннас кык чой кутісны град кост лэптыны. Бара шөвк тупыль тупыльтчө град костөд. Шөркост чой вөтчис. Вөтчис да вөтчис, бара понөль костө пырис. Ошкө тупыльыд пөрис. Ошкыд и шуө: «Ме вылө сөв, он кө сөв, ме тэнө сёя». Бара нуис гортас. Шуө: «Олөй».

Коймөд луннас коймөд чой петіс град кост лэптыны. Бара шөвк тупыль тупыльтчө. Шөвк тупыль бөрся вөтчыны кутіс. Вөтчис да вөтчис, бара понөль тупыльыд пырис. Ошкө пөрис: «Ме вылө сөв, он кө сөв, ме тэнө сёя». Бөрдігтырйи сөвны ковмис. Ошкыд нылөс нуис: «Коймөдөс вайи гаж выланыд. Но ті олөй, ме прөмышляйтны муна».

Куим чой сёрнитөны гортө пышйөм йылысь. Шуөны: «Ыджыд куд тшөктам вөчны». Ош локтіс, и найө шуөны: «Вай жө вевта ыджыд куд вөч миянлы, мед сувтны и водны бердчан*, гөснеч гортө мөдөдам, аски ну». Ош вөчис куд. Нывъяс сөвтисны да сөвтисны эмбурсө, и сэтчө ичөт чойсө пуксьөдісны, и шуөны ошлы: «Эн восьты! Бөрсө тэчнытө он куж».

Ош нуны кутіс. Зэв сьөкыд. «Мый татчө сөвтөмаөсь, час видзөдла». «Эн лысьт, эн лысьт! Аддзам ставсө!» «Ак! Кань син, дон синъяс! Та ылнасянь аддзөны!» Нуас, нуас, бара көсьяс видлыны. «Эн лысьт, эн лысьт! Аддзам ставсө!» «Ак! Кань син, дон синъяс! Та ылнасянь аддзөны!» Нуас да нуас. Зэв сьөкыд кажитчө. Коймөдысь видлыны кутас. «Эн лысьт, эн лысьт! Аддзам ставсө!» «Ак! Кань син, дон синъяс! Та ылнасянь аддзөны!» Ошкыд оз и лысьт видзөдлынытө.

Нуас, нуас, да старик гозъя дінөдз воас. Кильчө вылас брутшыбитас: «Налөй, пөрысьяс! Нывъясныд гөснеч ыстісны». Старик да старука пыртісны кудтө, восьтісны, а сэні ныв. Зэв нимкодь лоис. Ош гортас муніс. Бара куд тшөктасны вөчны. Эмбур сөвтасны, и шөркост чойөс пуксьөдісны сэтчө.

Ош нуны кутіс. Зэв сьөкыд. «Мый татчө сөвтөмаөсь, час видзөдла». «Эн лысьт, эн лысьт! Аддзам ставсө!» «Ак! Кань син, дон синъяс! Та ылнасянь аддзөны!» Нуас, нуас, бара көсьяс видлыны. «Эн лысьт, эн лысьт! Аддзам ставсө!» «Ак! Кань син, дон синъяс! Та ылнасянь аддзөны!» Нуас да нуас. Зэв сьөкыд

* Бердчыны — *сибавны, төрны*.

кажитчө. Коймөдысь видлыны кутас. «Эн лысьт, эн лысьт! Ад-
дзам ставсө!» «Ак! Кань син, дон синъяс! Та ылнасянь аддзöны!»
Ошкыд оз и лысьт видзöдлынытö.

Нуас, нуас, да старик гозъя дінөдз воас. Кильчö вылас брут-
шыбитас: «Налöй, пöрысьяс! Нывъясныд гösнеч ыстисны». Ста-
рик гозъя куд восьтисны, а сэнi шöркост ныв. Зэв нимкодъ лоис.

Коймöд ныв ошлы тшöктыны кутас вевта куд вöчны, ай-
мамлы гösнеч мöдöдны. Ош вöчас зэв ыджыд куд. Ныв сöвтас
да сöвтас эмбурсö. Лöскас куим гыр гöрд дөрöмодас да мича
сарапанодас. Куимлаö сьöлыштас и шуас: «Тi миян пыдди сёрни-
тöй». Ачыс пырас кудйö.

Ош пöрысь гозъя ордö гösнеч нуны пондас. Кудйыд зэв сьö-
кыд. Куимысь видлас восьтыны да видзöдлыны, мый сэтшöм
сьöкыдсö сöвтöмаöсь, а сылы век горзöны: «Эн лысьт, эн лысьт!
Аддзам ставсö!» «Ак, пö тайö кань син, дон синъяс!» Кильчö
помас воас ош, кудтö ляскас и шуас: «Пöрысьяс! Нывъясныд
гösнеч мöдöдисны». Ачыс мунас. Пöрысь гозъя куд восьтасны,
а сэнi коймöд ныв. Зэв нимкодъ ставлы.

Ош гортас воас. Видзöдö: куимнан нылыд зэв мича сарапана-
öсь, гöрд соска-дөрöмаöсь лöскын сулалöны. Равöстас: «Ноко!
Вайöй меным сёйны! Зэв ёна кынöм сямалö». «Час, ваям, ва-
ям!»— дульяс шыасьöны, а некод оз вөрззы. Ош мöдысь дай
коймöдысь корас, век дуввидзöны-сулалöны, сэсся и дöзмас.
Мунас лöс дорö да увсянныс зібйөн тойыштас. Гыръяс гузь
усясны ош вылö, ошкыд и кулас.

А куим чой ай-мам дiнас öнi на олöны-вылöны ош эмбурнас.
Ме кывлi да, верöс сайö мунны лöсьдчöны зэв прамöй зонъяс
сайö.

Шöрт тöб

Олöны-вылöны гозъя. Налөн ныв вöли. Мамыс кулö. Батьыс
выльысь гöтрасяс. Ичиныд тасьтi-пань мыськöм ваён вердны
кутас нылös. Зэв лёка видзö.

Коркö ичинь ыстас нылös юкмös дорö шöрт тöб пожъявны.
Пожъялас-пожъялас нылыд да, шöрт тöбыд и вöйö. Шöрт тöбтö
карнаннас крукалас-крукалас — некыдз оз сюр. Мунас да ичинь-
ыслы висьталас. Ичиныд шуас: «Ме тэнсьыд ловтö босьта,
мун, кыдз гажыд, шöрт тöбсö лэпты». Ныв лэччас да ваад сунсяс.
Сунсяс да, зэв мича туй воас. Мунас-мунас да, ма шор визувтö.
Матö оз чунышт, оз крукышт. Водзö мунас да, нök шор визувтö.
Нöктö оз чунышт, оз крукышт. Водзö мунас да аддзас — тöv
йылын ичöтик керка бергалö: «Керка, керка, сувтлы». Керка
сувтас, да первой емтяс вылö лоö тувчыны, сэсся вöлисти пос
вылад веськалас. Керкаö пырас. Керкаын васа тьötка пукалö:
«Тьötка, тьötка, менам шöрт тöбйöй вöйи!» Васа тьötка шуас:
«Менсьым кө öкмыс кычи пывсьöдан, ме тэныд бур вöча, да
и шöрт тöбтö аддзан». Ныв кычиясös босьтас, пывсянö лэччас,
да зэв лöсьыда, небыда пывсьöдас, рузумö тубралöмөн катодас.
Васа тьötка сылы ичöтик кудтор сетас да шуас: «Тайö кудторсö
горт дорад веж луд вылö, ну да восьты, шöрт тöбйыд сюрö». Ныв
мунас, да бара нök шорыд волас, ма шорыд волас, сэсся

горт весътас воас да гортас каяс. Веж луд выlö мунас, кудтор восьтас. Кудйысь зэв ыджыд, зэв мича керка петас. Керкаö пырас, керкаын шöрт тöбйыд, дай, зэв уна эмбур.

Ичиньыд аддзас да мöд луннас ассьыс нывсö мöдöдас. Нылыд шöрт тöбтö наросьнö вöйтас, мамлы каяс висътавны. Мам шуас: «Мун, бур ныв, шöрт тöбыдла суныштлы». Ныв лэччас да сунсяс. Туй выlö воас, сэсся ма шор воас. Матö крукалас да чунялас шогöдмöныс. Сэсся нök шор воас. Нöктö крукалас да чунялас рушку гаддывмöныс. Сэсся керка воас. Керкаö пырны кутас, да оз лысьт емътас вылад сувтны. Кызкö дырөн, чуксасьмөн пырас, да васа тьоткалы висъталас: «Менам шöрт тöбйöй вöйи». «Менсьым öкмыс кычи кö пывсянын пывсьöдан, шöрт тöбтö аддзан». Ныв кычиясö шердынö* шыблалас, да шердйöмөн-пыркöдмөн пывсянö лэччöдас. Пывсянын корось идзнас öкмыс-нансö вачкалас. Шошаöдныс шердынö шыблалас да ваяс. Васа тьотка сылы сетас бура ыджыд куд, тшöктас нуны да гортас восьтыны. Гортлань ныв мунас. Ма шор дiнын да нök шор дiнын бара этша и чунясяс. Гортас воас, куд восьтас. Кудйысь би петас, да важ керканыс сотчас. Ичиня-ныла корысявны колясны.

А ичиньводзыд медбур крестьянин пи саяс верös сайö петас да кутас овны-вывны да красуйтчыны.

Изки да петук

Олісны-вылісны старик гозъя. Налөн вöлі ныла-пия. Кор старикъяс кулісны, чоя-вокалы коли сöмын керкаыс.

Вокрыдлөн кутіс кынöмыс сюмавны, да сійö ыстіс чойсö гөбö-час няньла. Чой пырас гөбöчад нянь куд видзöдлыны да аддзас: мудöдсьыс** петö турун кодь. Кос няньтор петкöдас, ваөн кöтö-дасны, сюра*** пуасны да зэв чöскыда сёясны.

Аскинас вок бара ыстö чойсö няньла. Чой пырас, а туруныд гөбöчад быдмöма весът кузя нин. Чойыд няньтортö петкöдас да бара сюра сёясны. Коймöд луннас вокыд бара ыстö чойсö няньла. Чой пырас, корсяс, корсяс, и аддзас бөръя нянь корка, а туруныд джоджöдыс нин пыксьöма. Сэсся туруныд джоджсö розьö-дас и зэв öдйö кутас быдмыны. Анькытш тусь коркö усьлöма мудöд вылад, да анькытш быдмöма. Быдмас, быдмас и йирктö розьöдас. Вокрыд кавшасяс анькытш идз кузя пуртöсöдыс. А пуртöсыд ассьыс ыджыд. Пуртöстö öдва коса пуртөн вожöдас да анькытш тусь пыддыд изки сэтысь аддзас. Изкитö лэччöдас гортас, а изкиыд вöлөм ачыс быдсяма няньсö изö. Көвдум и пирог, сöчөн и шаньга, блин и öладди. Найö кутасны няньтö изны, да век пötöсь. Орччаяслы на тырмö и.

Коркö налысь изкитö Шыш-дядь гусялас. Вокрыд мунас корсьны. Мунас, мунас, да сылы петук паныд лоас: «Кытчö, зонмö, мунан?» «Изки корсьны». Петукед шуö: «Менö тшöтш босът».

* Шердын — сюмöдысь паськыд дозмук; пызь шердъялöны бусысь-ёгысь да посньöдм могысь; водзын и посни челядьöс пывсянö сійөн новлывлöмаёсь.

** Мудöд — гөбöчын пытшкöс сруб, стенсяныс метра джын кымын тшупöны да муён тыртöны, мед горувтiыс кöдзыдыс оз пыр.

*** Сюра — кос няньысь рок.

Зонмыд босьтас, дай водзё мёдасны. Налы руч паныд лоас, петукыд шуё: «Ручёй, ручёй, борд улам пыр!» Ручыд пырас. Налы сэсся кёин паныд лоас. Петук шуё: «Кёинёй, кёинёй, борд улам пыр!» Кёиныд пырас. Мунасны, мунасны, и паныдасяс ош. Петук шуё: «Ошкёй, ошкёй, борд улам пыр!» Ош пырас, и мунасны найё водзё. Сэсся воасны ёти грездё. Сэні Шыш-дядьыд и оло вёлём.

Петук шуё: «Тэ вёлёсьт кузяыс ветлөдлышт. Ме пыравла изкиыдла». Зон мунас, а петук Шыш-дядьлён пос улё пырас и горёдас: «Кикируллю! Шыш-дядь, ноко, изкитё вай!» Шыш-дядь тшөктё казакыслы: «Пет, изки корысьсё тыё суй да изъяв!» Казакыд петас, петукёс кутас, тыё сюяс и изъясён личкас. Петук изъяс костті юрсё гоньгөдас, став васё юас да петас. Пос улё пырас да горёдас: «Кикируллю! Шыш-дядь, ноко, изкитё вай!» Шыш-дядь тшөктё казаклы: «Пет, изки корысьсё рынышё суй да ёзты!» Казак петас, петукёс босьтас, рынышё сюяс, идзасён тыртас да ёзтас. Петук рыныш шөрас сувтас, кок пөв йылас бергавны кутас да ваён киськавны, биыд и кусас. Петук рынышысь петас, Шыш-дядь пос улё пырас да горёдас: «Кикируллю! Шыш-дядь, изкитё вай!» Дядь шуё: «Пет, казак, изки корысьсё ыж гидё йөрт, мед ыжъяс таяласны!» Казак петас, петукёс сюяс гидё. Петук сувтас пельёсё да шуас: «Борд улысь, ручё-чойё, пет!» Руч петас да став ыжсё курччалас, сэсся чепёсьяс да вөрө пышъяс. Петук пос увсянь нин горзё: «Кикируллю! Шыш-дядь, изкитё вай!» Дядь казаклы шуё: «Пет, изки корысьсё йөрт карта вылө, мед мөсьяс люкаласны!» Казак петукёс йөртас, а петук сувтас пельёсас и шуас: «Кёин-вокё! Борд улысь пет!» Кёин петас да став мөссё джагөдас. Сэсся петас да вөрө пышъяс. Петук бара нин пос улын горзё: «Кикируллю! Шыш-дядь, изкитё вай!» Дядь шуё: «Пет, йөрт изки корысьсё вөв гидняё!» Казак петукёс йөртас, а петук сувтас пельёсё да шуас: «Ошкё-вокё, борд улысь пет!» Ош петас, став вөвсё начкас, вөрө пышъяс, а петук мунас пос улё да горёдас: «Кикируллю! Шыш-дядь, изкитё вай!» Шыш-дядьлы казак петукёс рөсправа вылө ваяс, а дядьё петукёс дзоньнас нылыштас. Петук юрсё вомөдыс мыччалө да горзё: «Кикируллю! Шыш-дядь, изкитё вай!».

Дядьыд и сьёлыштас петуктё: «Аттё, шуё, дзик жё нин сиртурун кодь! Керышт юрсё, да мед синмөн сэсся эг аддзывлы!» Казак черён сөтыштас, да Шыш-дядьлы веськалас. Шыш-дядьыд и кулас. А петукыд керка сигөр йылө лэбзяс да чукөстчас: «Кикируллю! Изкиыдла лок!»— и вошө. Зонмыд локтас, изкитё босьтас, гортас нуас, да зэв бура ёні чоя-вока олёны-вылёны, пувъя пирөгъяс да картупеля шаньгаяс сёйёны.

Дышчиг рушку

Олісны-вылісны кресттянин гозъя. Асланыс челядьныс эз вөв да, старукаыд дыш чиг няньысь* тубыртіс питорйөс. Сідз сэсся и нимтісны Дышчиг рушкуён. Паччөрө шоныдіно водтөдісны. Куй-

* Дыш чиг нянь либё дыш кучика нянь — *кыз куа нянь; папурка; кыз куа шаньга.*

ліс-куйліс паччөрын Дышчиг рушкуыд. Сёйны օтарօ корօ. Пօ-
латъ пօв пасьта нин ачыс лоис. Батъыс муніс песла, мам пуксис
печкыны. Сылօн усис гօбօчас чօрсыс. «Мун, пиօ, пырав чօрсла».
Чօрсла пырис, чօрстօ нылыштіс. И шуօ Дышчиг рушку: «Чօрс
нылышті, пета да тօнօ нылышта». Петіс да печкансօ нылыш-
тіс, и мамсօ нылыштіс. Петіс вօлօсьтօ.

Пес доддя паныд лоис. «Чօрс нылышті, печкан нылышті,
мамօс нылышті, тօнօ на нылышта». Песнас и додьянас морттօ
нылыштіс. Мунօ водзօ. Турун доддякօд паныд лоис. «Чօрс
нылышті, печкан нылышті, мамօс нылышті, пес доддяօс ны-
лышті, тօнօ на нылышта». И сійօс нылыштас туруннас и
додьянас, мортнас и вօвнас.

Водзօ мунօ. Кօлысь паныд лои. «Чօрс нылышті, печкан
нылышті, мамօс нылышті, пес доддяօс нылышті, турун доддя-
օс нылышті, и тіянօс на нылышта». И найօс нылыштас. Во-
дзօ мунас. Ныв паныд лоօ, вала лօччօ. «Чօрс нылышті, печкан
нылышті, мамօс нылышті, пес доддяօс нылышті, турун доддя-
օс нылышті, кօлысь тыр войтырօс нылышті, и тօнօ на ны-
лышта».

Ныв шуօ: «Менօ удитан на нылыштны, нօрօвитлы. Лок
миянօ мунам да, мамօ пызан пасьта блин кисьтас, да сійօс
сёй». «Мунам, блиныд зօв чօскыд». Воисны ныв дорօ, ныв
шуօ: «Тօ паччօрօ кай да шойччышт, а ми кык нырօн блин тօ-
ныд пօжалам». Паччօрօ кайис Дышчиг рушку да и унмовсис.
А зня-ныла пач ломтисны, медыджыд рачсօ донօдісны да донօдісны.
Дышчиг рушкулы кынօм вылас гօрд дон рачтօ ляс-пуктисны.
Дышчиг рушулօн рушку потіс.

Сօтысь кօлысь гудօкалօмօн, зиль-зօльօн петіс. Турун доддя
шура-шараօн исковтис. Пес доддя гия-голяօн гольօдіс. Печкана
старука дзурки-дзуркиօн варгыльтіс. Медбօрьяօн чօрс турски-
торскиօн быйкнитіс. Ставныс петісны. Быдօн нывлы «пасибօ
дай помасибօ!» шуисны. И օні на олօны.

Пев кузя пи

Важօн олісны-вылісны гозъя. Налօн ныв-пи эз вօв, а зօв
ёна вօлі колօ. Асьныс ёна нин пօрысьсօсь. Мый вօчны? Пуксис-
ны и думайтօны. Думайтисны, думайтисны, гօтырыс мужикыслы
шуօ: «Вай Енлысь кутам ёна кевмыны, Ен оз-օ сет?» Найօ пи-
дзօсчаниясисны Ен водзօ да кутісны кевмыны. Кевмисны, кевмис-
ны быдса вой да и лун, а пи век оз чуж. Бара думайтны кутіс-
ны, думайтисны, думайтисны, мужик гօтырыслы и кутіс шуны:
«Вай жօ ми то мый вօчам, оз-օ мыйкօ артмы, петав, вай чулан-
сьыд гօн чумантօ да катօд паччօр вылад, ачыд сօтчօ вод да пօ-
ляв, а ме ветла песла, пачтօ ломта, мед шоныдджык лоօ».

Старука каяс паччօрօ, гօн чуман орчօн пуктас, ачыс кы-
мынь водас и кутас пօльтны. Мужик песла мунас. Пес ваяс, пач
ломтас и гօтырыльсь юась: «Мыйкօ артмօ оз?» А баба օтарօ
пօлыштօ да пօлыштօ гօн чуманօ и оз шыась. Мужик гоз-мօ-
дысь юалас, а баба век ружтօ да пօльтօ. Мужик скօрмис, сьօ-
лыштіс дай петіс, омօлик кօбыласօ доддяліс да муніс гօрны.
Гօрօ и думайтօ: «Ак, шуас, пиыд кօ вօлі, эськօ ме ыджыд мыр

вылө пукси да сөмын индалі: вот сәті — сідз, а вот таті — тадз. А сійө эськө менам сөмын сывны да гөрны кутіс».

Сійө джынсө кымын мутө гөрис думайтігтырйид, и кыскө друг кывны кутіс зэв гора сылөм, а морт некөн оз тыдав.

Мужик гөригкосттыд старукалөн гөн чуманад чужөма питор, пев кузя и эм, и мыйөн чужөма, пыр и кутөма сөрнитны. Пөрысьыд повзьөма: «Мый тайө лои?! Пев кузя и эм, а сөрнитө!» Пиыд гөн чуманысь чечыштис и шуө: «Мамө,— шуас,— ме ветла пескыдла, а тэ пачтө ломты, няньтө пөжав, кынөм сямалө!» Мамыд зэв рад лои: «Вот тайө дивө, өні на чужис, ачыс сөмын пев кузя и эм, а песла нин мөдөма, дай ещө кутшөм прөсужа сөрнитө».

Пиыд гез босьтис, ветліс, пес вайис. А мам небыд нянь пөжаліс, вугъя чуманө тэчис да көсйө катөдны мужикыслы гөранінас. А пев кузя пиыд шуө: «Вай, мамө, ме катөда да батылы отсала». Мам и шуө: «Тэ өд вошан, он аддзы». Сійө мамлысь эз кывзы, нянь чумантө босьтис и мөдөдчис бать дінө. И зэв гораа сывны горөдіс. Бать и кылө сылөмтө, а оз аддзы — көні, коді.

Пев кузя пилы шор воис, вуджнысө оз вермы, сылы өд море пасьта, дай кутіс горзыны: «Батьө, батьө! Вуджөд!» А батылы морт оз тыдав, и чуймалө,— көні, коді кылө? Гөлөс эм, а мортыс абу. Кутіс корсьны, муніс шор дорө, видзөдө да, шор мөдарас мортгор суалө, нянь чуман кырымас босьтөма. Сійөс мужик ки пыдөс вылас босьтис, вуджөдіс и юалө: «Тэ кодлөн лоан? Кытчө мунан?» Пев кузя пиыд и шуө: «Ме,— шуас,— чужи гөн чуманад. Тэныд нянь вая».

Батылы зэв нимкодь лои. Нуис гөранінө да пуксьөдіс вөв вылас. А зонмыд лэччис бөж улас, бөжас кутчысис и зэв гораа кутіс сывны. Бать гөрө, пи сылө, вөв ветлө. Мирскөй красованньө!

Кызкө боктыс сәті мунны кутіс поп. Кыліс сылөмтө, матыстчис да юасьө гөрысь мужиклысь: «Көні, коді тэнад татшөм мичаасө сылө, ме тай нө ог аддзы?» Мужик шуө: «Тайө менам пи татшөмыс».— «А көні нө?»— «Вөв бөж улас».

Поп шуө: «Нолтө, петкөдлы. Он-ө вузав?»— «Чөв,— шуө мужик,— кыз позьө мортөс вузавны? Тайө менам абу вузөс былө чужтөма». Поп юрсө гыжъялө: «Кыз нө оз позь? Вай вузав, куимсө шайт сета». А пиыд батыслы шөпкө: «Сет менө, ме бөр локта, а тэ деньгаа лоан». Мужик сетіс пиөс, куимсө шайт поплысь босьтис и бара гөрны кутіс.

А поплы зэв нимкодь, пев кузя зонкаөс зептас сюйис, мөдөдчис гортас и думайтө: «Вот,— шуас,— мен сюрис кутшөм дивө, быдса морт, а зептө төрө, да кутшөм бура сылө. Гөтыр өна и ошкас». Мунө и сідз ачыс сөрнитө, зепсө оз видлы.

А пев кузя зонка поп зептысь гусьөникөн петіс и пышйис, поп эз и төдлы, и муніс батыс дінө.

Поп гортас воис и шуө попададьялы: «Вот,— шуас,— попададья, ме мый тэд вайи, веськыд дивө. Пырав жө,— шуас,— менам зептө да видлы, сөмын эн дойд».

Попададья кырымсө поп зептө сюяс, а сәні зонкаыд тырыс пакөститөма. Киыс попададьялөн ляхсяс. Давай попөс видны: «Сәтшөм-татшөм,— шуас,— ачыд поп ещө, а татшөма тешитчан». Босьтас коколюка и давай попөс нөйтны, кытчө веськалө, да

шуавны: «Вот тэныд «эн дойд», вот тэныд «эн дойд»!» Поп өдва мынө, и давай пышйыны. Пышгъяс, пышгъяс и веськөдчас мужик дінө.

А пев кузя пиыд, поп зептысь петөм бөрын, бара батыс ді-нө локтөма, бара нин вөв бөж улас сьылө. Мунө сәті суддя пара вөлөн и кылас, мый кодкө ёна сьылө. Видзөдө, мужик гөрө, и сылысь юалис: «Коді нө татшөм мичаасө сьылө?» Мужик шуө: «Тайө менам пи, вөв бөж улас тонө». Суддя видзөдлас да корны кутас: «Он-ө вузав? Куимсө шайт сета».

Мужик бара вузалас писө, деньга босьтас и бара гөрны кутас. Гөрас, гөрас, и гөрсяс. Вөвсө лэдзалас, верзьөмөн пуксяс и мөдөдчас гортас. Сылы поп паныдөн локтө. Мужик бөрдны кутас да поплы норасьны, мый сылысь писө, кодөс поплы вузалис, кутшөмкө суддя нуис, да и деньгаөс пө тшөтш мырддис.

Поп юасьны кутіс: «Көні сійө? Вай вөтөдам». Мужик шуө: «Вай». И найө омөлик көбыла вылад пуксисны кыкөн да кутісны вөтчыны. Вөтчисны, вөтчисны, вөлыс конъясис, усис да оз чеччы. Попыд кучкаліс, кучкаліс, вөлыд и куліс. Мужик бөрдны кутіс и поплы шуө: «Менам өтик вөв и вөлі став олөмөй, а тэ сійөс начкин. Ме норасьны кута гырысь йөзлы». Попыд повзис и шуө: «Эн явит, на сө шайт, сөмын эн норась».

Мужик босьтіс сө шайт и бергөдчис гортас, а поп сәтчө коли. Кытчө сэсся поп муні, ме ог төд, дерт, көнкө, попаддя дорас. Кытчөкө өд воштысьны колө.

А мужик воис гортас да ньөбис вьль вөлөс. Сэсся вьль керка пунктіс кык судтаөс и вузасьны кутіс.

А пев кузя пиөс суддяыд гортас нуис да сы сайө нывсө сөтіс верөс сайө. И зятъыд сыысь бура кутіс овны.

Водзө лоө на.



Ыджыд сьӧлӧма ань

Кӧрткерӧс сиктлы заводитчӧм-артмӧмсянныс таво тырӧ 410 во. Чайта, мый тайӧ лунсӧ сиктын ӧнӧя олысьяс кутасны кыпыда да паськыда пасйыны. Со и ме, 1970 воын нин вои велӧдны юрсиқтысь шӧр школаса челядьӧс «История да обществоведение» предметяс, кӧсья пуктыны ассым пай тайӧ ыджыд праздниксӧ дасьтӧмас.

Шӧр школаын зили-мырси вит во да ӧти тӧлысь, уна во уджалі партийнӧй да Сӧвет власьт органъясын, эг вешйив бокӧ и общественнӧй организацияслӧн уджысь. Сэки и мойвиис тӧдмасьны уна йӧзкӧд. Ог кут лыддьӧдлыны налысь чинъяссӧ — тайӧ босьтіс эськӧ уна места неыджыд гижӧдад, но ним-вичовъяссӧ быть лоӧ казътыштны. Тайӧ — Михаил Иосифович Минин, Степан Афанасьевич Шарыгин, Фридрих Анисимович Третьяков, Юрий Александрович Лобанов, Василий Васильевич Турышев, Ким Михайлович Васильев, Аркадий Иванович Кирушев, Василий Степанович Потапов, Леонид Семёнович Елфимов.

А кызди не казътыштны талун Виктор Васильевич Фроловс, Валерьян Васильевич Маковкинӧс, Юлия Алексеевна Изъюроваӧс, Антонида Александровна Коюшеваӧс, Надежда Михайловна Клермонӧс, Анатолий Антонович Смилигинсӧс? Да верман ӧмӧй став зіль да прамӧй войтыр йывсьыс висътавыны? Дерт, эськӧ 2006 воӧ на Кӧрткерӧсын петалис «Твои люди, Земля Корткеросская» книга (сійӧс вӧлі сиӧма Коми Республикалӧн 85 тырӧмлы), но сәні зэв унаӧс эз ло казътыштӧма бур кывъясӧн.

Торйӧн пасъя, мый сёрниыс мунӧ оз сӧмын на йылысь, кодъяс чужлісны, быдмисны-сӧвмисны да пыр уджалісны Кӧрткерӧсын — ӧд юрсиктӧ волісны странаса мукӧд республикаясъ да районъясысь да уна во чӧж уджалісны-зілісны, медым важся коми сикт вӧлі бурджыкӧн да мичаджыкӧн.

Веськыда колӧ шуны, мый эз став воысьыс пукавыны ыджыд, небыд креслӧясын, и юрсиктса олысьяс ӧніӧдз оз тӧдны став воӧм йӧзсӧ, кодъяс кияс да сьӧлӧмъяс пыр муніс кабалаясӧн ноксян да сэтшӧм сяма мукӧд удж. Татшӧм войтыр лыдас ме эськӧ пасйи Зоя Михайловна Филипповаӧс.

Чужліс сійӧ Изъвавом сиктын 1939 вося август медводдза лунӧ. Дас куим челядя ыджыд семьяын сійӧ вӧлі ӧкмысӧдӧн. Шуны кӧ нин веськыда, тайӧ семьяыслӧн историяыс вывтӧ интереснӧй: нельӧд кага вайигӧн налӧн мамыс кувсяс. Кутшӧмкӧ кад кольӧм бӧрын дӧвеч, нель челядьлӧн батъ, босьтас гӧтырӧн кагаа нывбабаӧс.

Торйӧн колӧ тӧдчӧдны, мый семья оліс зэв дружна — гозъя костын эз вӧв некутшӧм зыксӧм-пинясьӧм. Дай зыксыны-пинясьнысӧ вӧлі некор, гымалис-зӧркакыліс Великой Отечественной война. Тӧдысь йӧз вӧлі шуӧны бӧрынджык, мый сиктъясын война бӧрся воясӧ овнысӧ вӧлі весиг сьӧкыдджык, ӧткодявыны кӧ найӧс война кадкӧд.

Кыдзи семья колис ловйон да дзоньвидзаон татшом съокыд кадö?

З.П.Филиппова пасйö: дзик пö веськыда шуа, и чайта, тайö збыль, мый мянöс, да и уна мукöдöс, тшыглы кулöмысь спаси-тисны-мездисны Печора-матушка да Изьва-матушка. Нöшта вөр-парма аслас озыр тшак-вотöсөн да звер-пöткаөн.

Зоя Михайловна казътылö: сылön Геня вокус, кодлы Ыджыд война пуксян воö тырис 10 арöс, бура нин вöдитчис кыйсян пищальön да тшöкыда вайлис вöрысь пöткаясöс да кöчъясöс, а корсюрö и лола яй (татчö быть пасйы, мый сёрни мунö йöра яй вайöм йылысь — В.П.)

Сяммис Геня вок ноксыны и чери кыян көлуйön, тшöкыда ветлывліс ю-ты дорö.

— Кыдзи гожöмнас, сідзи и төвнас ми, нывъяс, тшöтш жö зілим черитö кыйны,— водзö казътыліс Зоя Михайловна.— Уна сикас көлуйön ми кыйим сирпиянöс да мукöд посни чери, медсясö гырысь налимъяслы сам вылö. Төвся кадö кыдзи Изьва йи вылын, сідзи и Печора йи вылын ми Маша чойкөд багач отсөгөн (Изъваса «багачсö» коми войтыр шуö «пыридзөн» — В.П.) писъкөдлім юкмөсьяс (налön лыдыс волывліс сёөдз), кытчö вугыра шатинъясö пысавлім посни чериысь сам, аскинас бара жö ки помысь, багач отсөгөн жуглім юкмөсьясысь йисö да судзöдлім вугыръясö шедöм сизим либö көкъямыс килограмма налимъясöс. Шедлісны, дерт, гежөдджыка, и дас килоа черияс.

Ёна шензёдіс менö, кыдзи Зоя Михайловна да нывъяс төвся кадö кияссö шонтылöмаöсь. Татчö быть казътышт, мый сёрни мунö Коми мулön Изъва район йылысь, көні овлö 40 и весиг унджык градус көдзид. Но öд сөкся кадö некутшöм «актируйтöм лунъяс» йылысь сёрни весиг эз вöv. Кывзам Зоя Михайловнаöс водзö:

— Юкмөс, көні тыдалö налим вылö вугыра да сама шатин, багачөн писъкөдам выльысь, и шедöма кө чериыс, мездям сійöс вугырысь, а вугырас самалам ловъя ичöтик чери да шатинсö бара сюям ваö. И став тайö уджсö лоö вöлі вöчны кепысьтöм киön. Шуны ли содтыны татчö нинöм оз ков — нывъяслön киыс дубавтөдз кынмывліс. Но том кыйсысьяс öдйö велалисны шонтыны кынмöм чуньяссö. Кыдзи? Ті весиг он эскöй — найö дзумгылісны кияссö... йиа ваö. Некымын здук мысти бара,— казътылö Зоя Михайловна.— Миянлысь кияснымöс быттö сюйлісны пöсь ваö.

Сэки нывъяс эз кужлыны думыштлыны, мый татшöм ногөн кияссö «шонтöмыс» казътыштас налы ыджыдджык арлыдö воöм бöрын.

А кыдзи артмис школаын юр югдöдöм? Сизимöд класс помалöм бöрын велöдчыны лои некөн, и быдса вочöжся тöдöмлун босьтöм вопис весьшөрö (дерт, öні эз нин ичöt нывкалы, а быдса нывлы нин — В.П.). Но та вылö видзöдтөг, Зоялы нинöм вöчтөг-кертөг овны сиктад эз ковмыв. Виль велöдчан воö Зоя воис Няшабөжса школаö. Некымын сикт-грездысь 8 классö чукөрмис пöшти 50 морт. И 9 классын кө велöдчысысь вöлі колана мында, то дасöд классö пырны дасьöсь лоины сöмын 6 морт. И дерт жö, чина войтыр эз окотитны велöдны та мынданик ныв-зонтö водзö. «Вот и коли ме 9 класса образова-ниеа»,— жалитöмпырысь казътылö Зоя Михайловна.

Кытчö мунны-сетчыны 9 класс бöрад? Кельчиурса школаын Зоялы вöйисны öтпырйö куим «портпель»: пач ломтысьлысь, войся нянялысь да пусьысь-пöжасьысьлысь. Тшöкыда ковмыліс вежлавны и интернатса челядьлысь воспитательницаöс.

Зоя Михайловна аслас олöмысь быдса дас во сетіс потребо-операцияын вузасьысь уджлы. Висьталöны, мый ань зэв ыджыд кывкутöмön пöртіс олöмö ассьыс могъяссö. Казьтыштам та кузя дзик öти вöвлöмтор: матысмö нывбабаяслön тувсовъя праздник. Гач новлысь тöлка-вежöра мужичöйяс ньöбöны нывбабаяслы быдсяма козинсö. Но öд оз став мужичöйыс лунтыр пукавны гортас, да и абу ставыслön козин вылö колана мында сьом. А мый вöчны налы, кодъяс воасны удж вылысь рытнас, ёна сёрөн? Да и сьомсö колö на корсьыштны? И Зоя Михайловна босьтас да уджалас лавкаын час войöдз. Нöшта öти пример вайöдам: ылі важ кадас эз на быдöнлы сетлыны коммунистическöя уджалысьлысь ним да сылы лöсялана книжка. А Зоя Михайловналы ударниклön нимыс зіль уджсьыд вичмыліс жö...

Олöмсьыд ставсö он вермы водзвыв туявны-тöдны. Тадзи лои и З.М.Филипповакöд: 1979 воын сійö верöсыскöд да 5 челядя семьяыскöд вуджöны Изьва районысь Кöрткерöсö. Мыйла буретш Кöрткерöсö? А делöыс со мыйын: Кöрткерöсын оліс верöсылön чойыс — Любовь Михайловна Ахрименко (нывдырся овыс Артеева). Сійö кöсйис отсавны уджөн и, артмас кö, судзöдны патера либö ньöбны кутшöмкö оланін.

Кöрткерöс ДРСУ-са начальник Аркадий Иванович Кирушев босьтис удж вылö вöвлöм лётчик Викентий Михайлович Артеевöс, кодлön вöліны и трактористлön правояс. А вот Зоя Михайловнаöс ГСМ-ö заправщицаön индыны эз артмы, и Аркадий Иванович вöйис сылы уборщицалысь удж. «Вöчны вöлі нинöм, и ме сеті сöглас,— казьтылö Зоя Михайловна.— Но регыд Галина Коровина, коді вöлі Аркадий Ивановичлön, позьö кö сідзи шуны, секретарön, вöзъяс райпотребсоюзса председатель Морозовалы менö заготовщицаön. И бара жö сеті сöглас. Неуна велöдчыштöм-юр югдöдыштöм бöрын Морозоваыд босьтис менö заготовщицаön. Кутшöмкö кад мысти ме мöдöдчи аслам медводдза командировкаö — чукöртны гортын видзан пемöсьяслысь да вöрса зверъяслысь куяс да вурун татчöс Дань грездö. Менö вочааліс шензьöдана прöзвищеа-нима «Кучик Марья», коді сдайтіс меным вель уна кучик. Öні на, уна во-кад кольöм бöрын, менам гöрдöдлöны пельясöй — öд сэки ме этша на мый гöгөрвои аслам выль уджысь. Но медся ёна шемöсмöдіс менö заготконтора стрöйбалön ывлавывса да пытшкöсса чужöмбаныс: парсалöм-сисьмöм керъясыс, кузя-дженъыд кокъяса да весиг телефона нэмöвöйся пызан-улöс, дөмлöм стеклöяса öшиньяс.

— Эн думайтöй, мый ме ошйыся,— водзö нуöдö сёрнисö Зоя Михайловна,— но заготконторалön уджыс менам локтöм бöрын ловзис, планъяс кутісны тырны ас кадö. И кытчöдз ме уджалі заготконтораын, пыр тадзи вöлі.

Но воис кад, и Зоя Михайловна бара вежö уджаланінсö: госпромхозлön медшöр юкöнын сійö кутіс могмöдны вöралысьясöс порок-дрöбөн да мукöд колана кöлуйön. Прimitіс тшöтш кучикъяс да пöтка гөн, весиг тшак-вотöс да бурдöдчан быдмөгъяс.

Кад тай öдйö исковтö водзö, со и Зоя Михайловналы нин тырö 50 арöс. Зарни тшупöда лун! Но кыдзи татшöм писькөс-

збой нывбаба вермас пукавны гортас да некөн не уджавны. Татшомыс оз вермы лоны.

Тайо кадö изьваса ань веськалö социальнöй отсöг сетан районса юкөнөн веськөдлысь Маргарита Борисовна Мишарина син улö. Сийö и корö З.М.Филипповаос ас дорас, социальнöй отсöг юкөнö. Торйөн окота пасйыны, мый Зоя Михайловна ас син улысь некор эз лэдзлы öткөн олысь пенсионерьясöс. Сийö лöсьöдiс став район пасьтаысь татшöм пенсионерьяслысь торъя список, эз коль бокö ни öти посёлок, сикт да грезд, дзоньвидзалун видзысьяскөд, бытöвикъяскөд, тöргöвечьяскөд, муниципальнöй да промышленнöй да видз-му овмöс предприятиеясөн веськөдлысьяскөд да кыв кутысь мукöд войтыркөд чукöртлiсны олöма войтырöс, кывзiсны налысь элясьöмъяс, мөвпъяс, вöзйöмъяс, öтув корсисны петан туй. Зэв регыдөн пенсионерьяслөн лыдыс, кодъяслы важөн вөлöм колö кутшöмкö да кутшöмкö отсöг, содiс 60 мортсянь 180 мортöдз. А районса власьт кутысьяслы лой котыртны социальнöй отсöг сетан нöшта кык котыр. Дзик веськыда шуа, мый тайö ыджыд буртор вöчöмас зэв тöдчана пайыс буретш Зоя Михайловналөн.



1996 воын районса ветераньяслөн Сöветö председателънас бöрйöны кодöс? Да, Зоя Михайловна Филипповаос! И уджалiс сийö сэнi квайт во, и некутшöм удждон сылы некытысь эз мынтыны. Мырсис, кызд шуласны, общественнöй тшöт весьтö.

Кызди тайö кадас уджалiс ветераньяслөн районнöй Сöвет? Зоя Михайловна Филипповалы сетöны Коми Республикаса Почётнöй ветеранлысь ним да талы лöсялана пас да документ, а 2000 воын сийöс бöрйöны делегатөн Россияса ветераньяслөн съезд вылö Москваö. Юала: быдөнлы-ö вичмö татшöм пыдди пуктöмыс? Дерт жö, оз.

Ме, кызди гижöдлөн автор, эг пукты ас водзö мог висьтавны съездлөн удж йылысь, но мыйсюрö, дерт, окота казътыштны. Съездывса президиумлөн членъяс тöдчöдiсны, мый делегатъяс пöвстын эмöсь войнаса да уджыввса 17 Герой, сы мындатö морт (Зоя Михайловналөн вунöма нин, кымын — В.П.) вылыс тшупöда образование и сöмын öти делегатлөн эм 9 класса об-

разование. Чайта да, лыддысьяс гөгөрвоисны, коді тайö 9 класса образованияа мортыс? А З.М.Филиппова весигтö рад таысь.

Миян странаса верстыö йöз и томъяс ёна пыдди пунктисны Алексей Петрович Маресьевöс. А вот Зоя Михайловна съезд дырйи пукалöма лётчик-геройсянь зэв матын да сылы мойвиöма весиг варовитыштны нималана морткöд.

Мыйсянь босътчис Зоя Михайловна ветеранъяслөн Совет уджас? Дерт жö, олöма йöзлысь тыр список (кор да көні чужлöма, эмöсь-ö налөн челядьныс, көні да дыр-ö уджалöмаöсь ветеранъяс) лöсьöдöмсянь. Ветеранъяслөн котыр лыдыс содiс 17-сянь 31-öдз.

Торйөн нин ыджыд тöдчанлун сетiсны Великой Отечественной война пыр мунöм войтырлы.

Районса ветеранъяслөн Совет уджын некор эз вöв и том йöзысь öтдортчöм, медся ёна зiлисны бурмöдны на пöвстын военно-патриотической велöдöм да воспитайтöм. Тайö уджас ветеранъяслөн Совет пыр кыскылис Великой Отечественной война ловйөн кольöм на ветеранъясöс да война кадö тылын уджавлысь войтырöс.

Аския салдатъясöс да матросъясöс Вооружённой Вынъясö районын колльöдлісны пыр. А Кörtкерöссянь подразделениеяса сэтшöм командиръяслы, кодъяс дорö веськавлісны миян том зонъяс, ветеранъяслөн Совет мöдöдавліс письмöяс, көні юасисны, кызди служитöны Кörtкерöсса зонъяс, мыйö да кызиджык колö найöс велöдны бура служитöм могысь. И Кörtкерöсын кутісны эз сöмын кыпыда колльöдны том зонъясöс армияö, но и вочаавны нин служитöм бöрын воысь салдатъясöс да сержантъясöс, матросъясöс да старшинасясöс.

Тшöкыджыка кутісны аддзысьлыны районса школаясын гырысьджык классъясса велöдчысьяс да Великой Отечественной война да сідз шусяна локальной конфликтъяс пыр мунöм воинъяс.

Зоя Михайловналөн ветеранъяслөн Советын уджалігөн миян республикаын 17 карса да районса ветеранъяслөн Советъяс костын витысь нуöдлісны уна пöлöс конкурс, и Кörtкерöс район пыр петалис водзö, босътліс бур местаяс.

Ветеранъяслөн районной Совет ёна отсасис Коми Республикаса Паметь Книга лэдзигөн, корсис война быын вошöм йöзöс, кодъяс сетісны ассыныс олöмсö миян Рöдина вöсна.

Зоя Михайловна бур кывйөн да аттьöалöмөн казътылö Галина Сергеевна Романоваöс, коді дыр уджаліс и, дерт жö, дон босъттöг, ветеранъяслөн райсöветын кывкутысь секретарён.

А кызди олö талун миян Зоя Михайловна? Ки-коксö кресталöмөн сійö оз пукав — öд сійö 5 челядьлөн мам, сылөн быдмöны нин 14 внук да 4 правнук.

Сиам сылы дзоньвидзалун да быд бурсö!

Снимок вылын: Филиппова Зоя Михайловна (воддза радас, шуйгаладорсянныс нёльöдыс). 2000 во.

Снимокыс В.Д.Поповлөн гортса архивысь.



Военкомъяс

2018 вося май 13 лунö тырис 100 во Усть-Сысольскса уезднöй военкомат котыртöмсянь, кодi лоис подулөн Коми облвоенкоматлы. Тайö статьяыс — медводдза коми военкомъяс йылысь.

Коми Республикаса Национальнöй музей фондъясын талун кежлö эм 250 сюрсыс унджык видзантор. Музейса коллекцияс пиысь медся колана да туялысьясөн медся вöдитчана — фотояс да документъяс. Учёнöйяс, ас му туялысьяс, студентъяс тшöкыда шыöдчылöны на дінö.

Миянлы талун тöдчана сöмын öти фото — «Усть-Сысольск да Яренск уездса военнöй комиссаръяс Епов И.В., Кипровский М.М., Елкин И.М., 1925 во». 1957 воын музейса история



юкөнön веськöдлысь Рубцов Аристарх Михайловичлы сійöс ва-йис сыктывкарса олысь, РКСМ Коми обкомса медводдза секретар Харапов Михаил Николаевич. Съода-еджыда, кадсьыс неуна вижöдыштöм снимок вылын пукалöны куйм гöрд командир: веськыдладорас — Елкин Иван Михайлович (облвоенком), шöрас Кипровский Михаил Михайлович (военкомлөн отсасьысь) и коймöдыс Епов Иван Васильевич (всеобучөн веськöдлысь). Корсысьышті, да со мый артмис тöдмавны на йылысь.

Епов Иван Васильевич чужліс 1891 вося январ 4 (17) лунö Вöлöгда губернияын, Яренск уездса, Софроновскöй вöлöсьтса Лантыш грездын крестьяна семьяын. Сёрöнджык, 1926 воын, сійö гижліс ас йывсыс: «...батöй — Василий Степанович



Епов — голь крестьянаысь. Водз колис бать-мамтöгыс, да сьöкыд уджъясысь кувсьыліс ветымын арöсөн. Мамöй — Елена Александровна Попова (нывдырся Оскорбина), голь крестьянаысь жö. Верöс кулом бöрас öтнас колис нель кагаөн. Став сьöкыдлуныс öшйис сылөн пельпом вылö. Кык во мысти нöшта вöйис ыджыдджык пиыс, да овмöсным кутіс дзикöдз киссьыны. Дас вит арöсаөн ме велöдчи и уджалі. Мам көть и грамотатöм вöлі, но сетіс став вынсö, мед велöдны менö. Квайт арöсын ме мыйтакö тöді нин анбур, дас öтиын — бура помалі приходскöй училище, а дас квайт арöсын сдایتі став экзаменсö городскöй училищын. Окота вöлі велöдчыны водзö, но падмöдіс сьом тыр-

мытöм. Шуд вылö, сійö жö онас квайт тöлысь уджалі да чукöртышті неуна сьом. Мыйтакö водзöсалис суседъяслысь мам, и 1908 воын ме пыри велöдчыны Кардорса учительскöй семинарияö. Медводдза онас сьомнас вöлі зэв дзескыд, но мöд во бура велöдчöмысь Яренскса земствосянъ меным вичмöдісны стипендия. Лои кокныдджык, и 1911 воын бура ме помалі семинариясö».

1911-1914 воясын Иван Васильевич велöдіс Яренск уездса Кыркачскöй, а бöрынджык и Кырсинскöй земскöй училищесын. Но 1915 воын народнöй училищесэс бöрся видзöдысь инспектор вöтлö сійöс сэтысь, кызди «сэк кадся мөвпъяслы абу лöсялысь мортöс», да вöзйö усйысьны мöд губернияö.

Арнас Епов пырö велöдчыны Вяткаса учительскöй институтö, но тöлысь мысти мобилизация серти сійöс босьтöны царскöй армияö. Тасянъ сылөн олöмын заводитчö виль кадколаст — военнöй служба. Со кызди казътылö Иван Васильевич 1917 вося лоöмторъяссö: «Февральын ме вöлі армияын, 55-öд пехотнöй полкын младшöй офицерөн. Переворот муніс лöня, вир кисьтытöг, торъя ыджыд зык-шумтöг. Октябрса революция дырйи вöлі фронт вылын, 22-öд пехотнöй Нижегородскöй полкын. Став фронт кузя сэки муніс ёртасьом-другасьом. Тышкосьяс эз вöвны. Дозоръяс сулалісны сöмын войнас, дай найö сöмын мода вылас. Ставныс виччысисны демобилизация. Сёян эз тырмы, водзö тышкасьны некод эз көсйы. Тайö вöлі кивыв большевистскöй агитаторъяслы. Найö ёна нималісны салдатъяс пöвстын. Вöліны и локтысь, и асланым агитаторъяс. Миян пöвстын сэтшöмыс вöлі Суханов, прапорщик, вöвлöм студент. Сэки ме уна тöдмалі сысянъ да босьті тöд вылö. Сыкөд сёрнияс и чуйдісны менö пырны ВКП(б)-ö.

Октябр тшөтш колис лөня. Бөрйим ротнөй да полкса комитетъяс, выль команднөй состав. Ротнөй командиръяс пиысь унджыксö чөвтисны, да найö тэрмасьомөн пышйисны-мунисны. Команднөй состав бөрйигөн салдатъяс пуктисны менö ротаса командирөн, кодөн и вöли 1917 вося декабрын демобилизуйтчы-тöдз».

1918 вося январын Епов И.В. локтис бөр гортас. Тöлысь мысти нин сийöс индисны сöветскöй служба вылö, труд кузя комиссарөн. А юньнас Сöветъяслөн Яренскса уезднөй съезд вылын Иван Васильевичöс пуктöны уисполкомса членөн да индöны уездса мöд военнөй комиссарөн.

«1918 вося сентябрын лои ВКП(б)-са членөн,— гижлис водзö ас йывсьыс И.В.Епов,— унатор нин тöдi большевикъяс йылысь да бура гөгөрвои налысь видзöдлассö. Октябр тöлысьын командируйтисны Удораö веськöдлыны красногвардейскöй отрядөн, мед пöдтыны еджыдъяслысь кыпöдчöмсö. Но вөрöглөн вынысь вöли ыджыджык, пансис тыш. Белогвардеечъяскöд тышъясын вöли апрель медводдза лунöдз».

Еповлысь скуп висьтасьомсö содтö Яренск уездса медводдза военнөй комиссар Фёдор Степанович Коковкинлөн казтылöм: «Товарищ Епов Иван Васильевичöс ме тöда 1918 вося апрельсянь, сэки öтлаын уджалим Яренскса уисполкомын. Июнь 21 лунö мянöс индисны военнөй комиссаръясөн, менö — медводдзаөн, сийöс — мöдөн. Лои нуöдны уездвоенкоматын ыджыд организационнөй удж. Войвыв фронт восьом бöрын еджыдъяс кутисны паськавны Мозын да Ву юяс вылын. Товарищ Еповöс красноармейскöй отрядкöд 1918 вося сентябрын мöдöдисны Удораö сувтöдны еджыдъясöс.

Разыб да Йöртымдiн вöлөсьтасаяс тшöтш сувтисны еджыдъяслы паныд, отсасисны слаб гöрд отрядъяслы. Кор Мозын да Ву юяс вылын паськалис фронт, Епов лоис Вашка-Мезенскöй полкын медводдза батальонын командирөн. Кор Гöрд Армия бöрынтьчис, полксö 1919 июньын вуджöдисны Северо-Двинскöй фронт вылö, кöни август 10 лунö Иван Васильевич веськалö Миллер бандалы пленö».

Колисны «шоныд» казтылöмъяс та йылысь и И.В.Еповлөн: «1919 вося август 11 лунö Городок ин улын мянлысь полкöс пасьвартисны, ме веськали пленö. Мекöд тшöтш босьтисны РКП(б)-лысь став полкöвöй коллективсö, полкса командир Кривенкöс да полклысь штабсö. Шуисны лыйлыны, но кад мысти, кызди «колана йöзöс», нуисны Англияö. Ставным нелямын морт. Пленын, Уитлибай лагерын, видзисны во джын. Быдөнöс торйөн, охрана улын. 1920 вося мартын, дыр сёрнитчöмъяс бöрын, мянöс вежисны англияса пленнөйяс вылö. Апрельын ме вöли нин гортын».

Кык тöлысь шойччöм бöрын Иван Васильевич бара служба вылын: веськöдлö Яренскса уездвоенкоматын всеобучөн, сэсся уджалö военкомлөн отсасысьсөн. 1923 восянь Епов Коми областнөй военнөй комиссариатын нин. Ставнас сетчö уджлы, и сылысь водзмöстчöмсö вылö донъялöны. 1929 вося декабрын М.М.Кипровскийöс вуджöдöны Кардорö, сы пыдди областнөй военнөй комиссариатөн индöны веськöдлыны Иван Васильевич

чӧс. Но плен бӧрын слабмӧм дзоньвидзалун вӧсна, Ялтаын отпускасигӧн, 1931 вося июнь 18 лунӧ Епов И.В. кувсьӧ.

Снимок вылын шӧрас пукалӧ Кипровский Михаил Михайлович. Чужліс сійӧ 1890 вося ноябр 25 (декабр 8) лунӧ Псков губернияса Порхов карын мещана семьяын. Батьыс — Михаил Васильевич Кипровский — приказчикаліс, мамыс — Параскева Дмитриевна — верӧс саяс петтӧдз велӧдіс, сӧсся вӧдитіс гортса овмӧс.

Порховса нӗль класса карса училище помалӧм бӧрын 1906 воын Михаил пырис педагогическӧй курсъяс вылӧ, помаліс найӧс 1907 воын. Но сійӧ жӧ онас велӧдысьӧн некытчӧ эз босьтны, да уджаліс Порховас земскӧй управаын письмоводительӧн. 1908 воын управа индӧ Михаил Васильевичӧс Порхов уездса ӧти школаӧ велӧдысьӧн, но народнӧй училищєяс бӧрся видзӧдысь инспектор Боби́ков эз босьт сійӧс, подулаліс, мый Кипровскийлы политика боксянь оз позь эскыны, сы вӧсна мый тшӧкыда овлӧ студентъяс да мукӧд «лӧк йӧз» пӧвстын.

Михаил эз лӧдзчысь, гижаліс заявленияяс мукӧд губерниясӧ, корсис велӧдысьлысь удж. И сылӧн артмис. 1909-1910 воясӧ сійӧ уджаліс нин Усть-Сы́ольск уездын, Ыб вӧлӧсьтса Жидачскӧй грездын земскӧй училищєса мӧд велӧдысьӧн. Училищєыс вӧлі крестьянскӧй керка кык жыры́н. Дерт, дзескыд, но Михаил бурӧн казтыліс тайӧ воясӧ: «Уджалі сьӧлӧмсянь, крестьяна сибӧдчисны ме дінӧ, тшӧкыда сёрниясӧн коллявлім тӧвса рытьяс, мыйысь эз ӧтчидысь ӧлӧдлы народнӧй училищєяс бӧрся видзӧдысь инспектор. Медводдзаӧн нуӧді челядькӧд литература рытьяс, пуктылім спектакльяс. Уджалі сәні 1914 вося август-ӧдз».

Первой Мирӧвӧй война заводитчӧм бӧрын 1914 вося июльсянь Коми крайын заводитчис мобилизация. Кыдзи медводдза разряда ратникӧс, Кипровскийӧс босьтӧны армияӧ. Михаил служитіс уналаын, Первой 308-ӧд пешӧй Петроградскӧй дружинаын ратникӧн, сӧсся ротнӧйӧн, дружиннӧй писарӧн. 1915 вося май-августын — Гатчинаса прапорщикъяс школаын. Сы бӧрын служитіс младшӧй офицерӧн 429-ӧд пехотнӧй Рижскӧй полкын, сӧсся пулемётнӧй командаын, кодӧн бӧртиджык кутіс командуйтны. Тайӧ полкас и служитіс демобилизуйтчӧдз. Царскӧй армияын куим да джын во служитігӧн Кипровский вӧлі Войвыв да Лунвыв-Рытывыв фронтъяс вылын, босьтіс вит боевӧй награда. Ӗтлаын служитысьяс да 429-ӧд пехотнӧй полк йылысь Михаил Михайловичлӧн колины сӧмын медбур, шоньд казтылӧмъяс.

1917 воын февральса да октябрса переворотъяс дырйи полк нимсянь Кипровский ветлӧдліс дивизионнӧй да армейскӧй конференцияс да сьездъяс вылӧ. Демобилизация бӧрын, Гражданскӧй война заводитчӧдз, вевъяліс уджалыштны Усть-Сы́ольскын: нӗль тӧлысь уезднӧй милицияса начальникӧн да квайт тӧлысь уголовно-следственнӧй комитетын.

1918 во помын М.Кипровскийӧс мобилизуйтӧны Гӧрд Армияӧ. Сійӧ тышкасьліс Войвыв, Польскӧй да Кавказскӧй фронтъяс вылын. 1919 вося январ 22 лунӧ сійӧс примитӧны

РКП(б) партияё. Служитіс взводса командирён, веськөдліс батальонён, вөлі полкса командирён. 1921 воын, бригада бырөдём бөрын, Михаил Михайловичёс мөдөдөны Усть-Сысольскса уездной военкоматё, көні уджаліс 1922 вося августөдз. Сэсся 1923 вося декабрөдз командуйтіс Усть-Сысольск уездса ПВО войскаён. 1924 вося октябрөдз вөлі Коми облисполком бюройн членён. А 1924 вося майсянь 1929 вося декабрөдз уджаліс Коми облвоенкоматын военной комиссарён. Та кындзи, военной комиссариат выль ног котыртём бөрын, 1926 вося майсянь Кипровскийёс вөзйөны Комиын территориальной управленийё начальникён. Сөрөнджык служба вылө сійёс вуджөдөны Кардорё.

Бөръяыс снимок вылын — Елькин Иван Михайлович. Чужліс сійё Усть-Сысольскын 1893 вося январ 2 (15) лунё мещана семьяын. 1922 вося анкетаын Елькин пасйыліс: «Поль, бать да мам — крестьяна, национальность серти зыряна. Сёрнита зырянскөйөн, рочсө төда жө». Иван медводз помаліс приходскөй, сэсся 1908 воын нель класса карса училище. 1909-1911 воясын служитіс матросён Кардор портса торговй флотын. 1912 восянь кык во велөдчис Петракеевскөй мореходной школайн. 1917 воөдз сэсся Иван морякаліс Белөй море вылын. Унаысь вөвлі и суйөр сайын.



Кыдзи эсер партияса член, саридзьясті ветлігөн Елькин И.М. тшөкыда вуджөдаліс сэки гуся литература, корсюрё и өружие. Ветлывліс гуся чукөртчылөмъяс вылө, мыйысь 1912 воын нель төлысь пукаліс Усть-Сысольскса тюрьмаын.

Медводдза мирөвөй война вылө Елькинёс босьтісны Беломорскөй флот вылысь 1915 воын. Служитіс пехотаын. Рядөвөйсянь воис прапорщикөдз, командуйтіс ротаён, сөрөнджык и батальонён.

1917 вося декабрын Иван Михайлович бөр локтіс Усть-Сысольскө. Но во мысти сійё ас вөляён бара вөзйысьё Гөрд Армияё.

Войвылын Гражданскөй война заводитчөм бөрын Елькин И.М. — торъя лыжнөй батальонлөн командир, коді 1919 вося мартын пырис Кай-Чердынскөй 482 полкө. Сійё жө онас лоө РКП(б)-са членён. Ёртъясыс да командование бура ошкисны сылысь война вылын водзмөстчөмсө.

1932 вося августын Сыктивкарса горсовет сетіс Иван Михайловичлы красногвардеечлысь да гөрд партизанлысь билет. 1935 вося апрельын Коми автономной обласьтса Исполкомлөн Прези-

диум Войвыв да Коми обласьт еджыдъясысь мездöмлы дас вит во тыригкежлö наградитіс И.М.Елькинöс Почёт грамотаён. Мукöд тöдчана наградаяс пиысь позьö торйöдны и 1928 вося апрель 23 лунся СССР Реввоенсöветсянь Почёт грамота.

Мирнöй кадö большевик, Гражданскöй войнаса участник Елькин И.М. водзö уджаліс Усть-Сысольскса военкоматын. 1920-22 воясö вöлі отсасысьöн уезднöй комиссар бердын, сэсся ачыс лои уезднöй комиссарён, а 1922-24 воясын вöлі военнöй комиссарён Коми областнöй военнöй комиссариатын.

Иван Михайлович уна уджаліс. 1926-28 воясын вöлі Коми облысполком бердын Войвыв комитетын председательён. 1929-35 воясын уджаліс вör промышленностъын нин, веськöдліс леспромхозъясöн, «Комилес» трестса тракторнöй базаён. Сьöлöмыс эз кыскы татшöм уджалан öдсö, и 1936 вося август 13 лунö Елькин И.М. кувсьö Сыктывкарын.

Со и ставыс, мый ме кöйи висьталыштны Комиын медвод-дза военнöй комиссаръяс йылысь.

Снимокъяс вылын:


1. Усть-Сысольск да Яренск уездса военнöй комиссаръяс. Шуйгавывсянь: Епов Иван Васильевич, Кипровский Михаил Михайлович, Елькин Иван Михайлович (1925 во).

2. Епов Иван Васильевич.

3. Елькин Иван Михайлович.

Снимокъясыс Коми Республикаса Национальнöй музей архивысь.





УЛЯШЕВ ВИТАЛИЙ ВАСИЛЬЕВИЧ

29.09.1946 — 27.04.2018

Неважён муніс миян дорысь пось сьёлёма морт, Коми мулён шань пи, енбиа гижысь, Виталий Васильевич Уляшев.

Чужліс Виталий Васильевич Эжва йылын — Кулёмдін район-са Керчомья сиктын. Сәні жö помаліс шөр школа. 1965 воын Виталий Уляшевöс босьтісны уджавны Кулёмдін районын петысь «Ленин туйöд» (öні «Парма гор») газетö. Сәсся кык во служитіс армияын. 1968 воын бөр воис газет редакцияö, зілис кывкутысь секретарён, редакторös вежысьöн.

Помаліс Ленинградын вылыс тшупöда партийнöй школа, уджаліс КПСС Кулёмдін райкомын инструкторён, отделён веськöдлысьöн. А сәсся Виталий Васильевичлөн олан туйыс кежис мöд вожö. Быдса кызь вит во сійö служитіс республикалөн государственнöй безопасносът органъясын да быдмис полковникöдз.

Но көні көть эз зільлы В.В.Уляшев, сійö став нәмсö ёртасис поэзиякöд, нимöдіс Эжва йыв, сәні сулалысь сикт-грездъяс, тані олысь йöзöс, татчös кыпыд да муса вөр-васö. Аслас кывбуръясын Виталий Васильевич сяммис петкöдлыны-восьтыны Чужан мулысь мичсö да аслыспöлöслунсö, сикт-грездын олысь-яслысь бурас зільöмсö да эскöмсö.

Олігас гижысь йöзöдіс некымын кывбур чукör. Медводдзасö, «А ми Войвылын, Комиын олам» — 1995 воын. 2006 воын сылөн петіс «Пожöм көра войпук» нима небöг, а 2015 воын челядьлы лыддьöм вылö «Ю дорын көч» мичаа серпасалöм книга. Виталий Васильевичлөн гижöдъясöн поэьö тöдмасьны «Сикöтш» (1994 во), «Лöсасъяс» (1999 во), «Уна рöма сикöтш» (2002 во) öтувъя небöгъясын.

Юкам шөгсö Виталий Васильевичлөн рöдвужкöд да тöдсаяскöд. Югыдін да шоныдін Тэныд, бур коми морт!

*Коми Республикаса гижысь котыр,
«Войвыв кодзув» журнал редакция*

Комиын ола

Чужи Комиын,
Комиын ола.
Дерт жö, ас Мулы
мыйтакö кола.
Сійö нэм чöжыс
мекöд, ме — сыкöд.
Öта-мöдлы ми
мыджöд и пыкöд.

Чужи Комиын,
Комиын кула.
Олан туй помлань
нёрам ми мулань...
Сöмын тöдöй тi,
ягъяс да ёльяс:
Лолöй тiянкöд
Овнысö коляс.



ПЫДДИ ПУКТАНА АВТОРЪЯС!

Редакцияö гижöдъяснытö ыстiгöн быть колö юöртны:

1. Ассыныд ним, вич, ов; кор да кöнi чужлöмныд (лун, тöлысь, во).
2. Паспорт юöръяс: номер, серия, кор да кöнi сетiсны, гортса адрес (прописка серти).
3. Индивидуальной налогöвöй номер — ИНН (кодлöн эм).
4. Страховöй свидетельство номер.
5. Банкын сёт реквизитъяс.

Тайöс юöрттöг редакция гонорар оз вешты.

*Журналын йöзöдтöм гижöдъяс
редакция оз рецензируют и авторыслы найöс оз мöдöд.
Редакция оз век во öти кывйö авторъяскöд.*

Компьютерный набор — **Н.Кузнецова.**

Учредители: Администрация Главы Республики Коми,
«Союз писателей Республики Коми» — региональное отделение общероссийской
общественной организации «Союз писателей России».

Издатель: АУ РК «Издательский дом Коми». Директор Плетцер Е.В.
Адрес издателя: 167982, ГСП-2, г. Сыктывкар, ул. Карла Маркса, д. 229, Дом печати.

Адрес редакции: 167982, ГСП-2, г. Сыктывкар, ул. Карла Маркса, д. 229, Дом печати.
Телефоны редакции: 24-47-52 (гл. редактор), 24-51-52 (общ. отд./факс), 24-46-36 (бухгалтерия).

E-mail: kodzuv@mail.ru; Сайт: www.komimu.com

Подписано к печати 16.05.2018. Дата выхода в свет 31.05.2018. Формат 70х108^{1/16}. Печать офсетная.
Усл. печ. л. 7; усл. кр.-отт. 8,4; учётно-изд. л. 7,54. Тираж 443. Заказ № 18-3910. Регистр. ПИ №
ТУ11 - 00347 от 24.03.2017 г. выдано Управлением Федеральной службы по надзору в сфере связи,
информационных технологий и массовых коммуникаций по Республике Коми. Публикация
материалов на социально значимые темы осуществляется за счет субсидии, предоставленной
Администрацией Главы Республики Коми из республиканского бюджета Республики Коми.
Отпечатано в ООО «Коми республиканская типография», 167610, г. Сыктывкар, ул. В.Савина, д. 81.
Цена свободная.

Гижысьяс да гижны босьтчысьяс пöвстын «Эзысь борд» республиканскöй литературнöй конкурс

Конкурслөн могъяс:

- видзны да водзö сöвмöдны коми кыв;
- кыпöдны авторъяслысь зильлунсö;
- содтыны авторъяслысь лыд да ышöдны гижны босьтчысьяссö.

Конкурссö нуöдöны Коми Республикаса национальнöй политика министерство, Коми Республикаса гижысь котыр да «Войвыв кодзув» журнал редакция.

Гижысь котыр да «Войвыв кодзув» журнал редакция могмöдöны конкурс нуöдöм, ас кадö примитöны конкурснöй материалъяс да йöзöдöны гижöдъяссö.

Кутасны донъявсьыны «Войвыв кодзув» журналын 2017 вося ноябрьсаян 2018 вося ноябрь тöлысьöдз йöзöдöм коми кывъя гижöдъяс.

Конкурс нуöдсьö вит номинация кузя: «Проза», «Поэзия», «Публицистика», «Драматургия» да «Коми кыв вылö вуджöдöм».

Быд номинацияын бöрйысьсö öти вермысь. Комиссия донъялö конкурснöй уджъяслысь художествоа да культура боксян тöдчанлунсö, налысь аслыспöлöслунсö и коми литература да литературнöй кыв сöвмöдöмö пай пунктöмсö. Конкурс котыртысьясыс, кывкöртöдъяс вöчöм бöрын, вермöны лöсьöдны содтöд номинацияс да призъяс.

Конкурс вылö гижöдъяс мöдöдны кабала вылö печатайтöмөн либö электроннöй ногөн. Быд удж дорö содтöд пасйыны авторсö, гижöд нимсö, номинация, адрес да телефон.

Уджъяссö позьö вöзйыны некымын номинация серти. Гижöдъяс бөр оз мöдöдсьыны.

Гижöдъяс ыстыны: 167982, Сыктывкар, Карл Маркс улича, 229 номера керка, «Войвыв кодзув» журнал редакция, либö kodzuv@mail.ru электроннöй почта вылö. Конкурслы кывкöртöд лоö вöчöма 2018 вося ноябрь 30-öд лунöдз.

